





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.144



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.144



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.144

FRANCISCI
CAESARIS AVGVSTI
MVNIFICENTIA.

2.6.144

2 G. 6


XXX


426


MAINOL


1573


Alta Lona











IACOBI MAINOLDI GALERATI
CREMONENSIS
DE TITVLIS
PHILIPPI AVSTRII
REGIS CATHOLICI
LIBER.
ATQVE IN IPSAS TITVLORVM
Successiones Tabulæ.

Index Capitulum



Bononia, Apud Peregrinum Bonardum.
Venia à Superioribus Concessa.
M. D. LXXIII.



LIBRARY OF THE
UNIVERSITY OF CHICAGO
1891
ATTENTION TO THE
LIBRARY OF THE
UNIVERSITY OF CHICAGO



UNIVERSITY OF CHICAGO
LIBRARY
1891

2

IACOBI MAINOLDI GALERATI
CREMONENSIS
DE TITVLIS
PHILIPPI AVSTRII
REGIS CATHOLICI
LIBER
AD EVNDEM THILIPPVM
SERENISS. AC POTENTISS.
REGEM ET C.

Dominum suum clementiss.



NTIQUISSIMAM, ac
potentissimam AVSTRIAM
gentem vestram, Serenissi-
me, ac Maxime REX
PHILIPPE, reli-
quas omnes, quæ Christia-
no continentur orbe, fami-
lias longè & sanguinis
splendore, & opum amplitudine superare, neminem
esse arbitror adeò ab humanarum rerum cognitione re-
motum, qui prorsus ignoret. Etenim, si præclaros digni-
tatum eius titulos contemplemur, continuò nobis se se

A ij

DE TITVLIS

offerunt Principes nouem; cū ceteris virtutis, ac sapientie laudibus ornatissimi, tū eo nomine maxime hominum memorie commendati, quod supra trecentos abhinc annos ad altissimum Imperij Romani fastigium quasi continuata honoris serie felicissimis auspicijs ascenderunt. si verò multiplices, variasq; eius, ac latius ditiones inspiciamus, profecto apparet, non celeberrimam solum, & pulcherrimam quamq; Europæ partem à vobis iusto iam pridem dominatu teneri, sed nouum etiam, & priscis prorsus incognitum terrarum orbem, atq; latissimum ipsum vltimarum regionum tractum vestris armis, auspicijsq; subactum esse. Verum vt hæc omnes oculis cernimus, atq; tacita percussim admiratione suspicimus, sic vnde tantæ, & tam multæ ad vos ditiones, ac tituli permanuerint, pauci hoc tempore aut scire studuimus, aut quesitum, inuestigatumq; cognouimus. Est autem res cū per se cognitione dignissima, tū vsu in primis, atq; vtilitate fructuosissima. Neq; enim aut præstantius quicquam esse potest, quàm præclaras cū aliorum, tū eorum præcipue, sub quorum ditione, atq; imperio sis, origines, atq; incrementa perspicere. neq; vtilius aliquid, quàm eorum, qui longa in terris imperiorum serie dominantur, iura vniuersa tenere. Sic enim fit, vt his cognitis, atq; animo comprehensis eos & admiratione prosequamur maiore,


maiore, & obsequio complectamur alacriore. Quæ
caussa effecit, ut ego, qui Cremonæ, id est, in impe-
rio vestro natus, & educatus sum, iam inde à primo
ætatis exordio tantarum rerum admiratione captus,
incredibili semper earum cognoscendarum studio arse-
rim. Quod cum procedente tempore magis, magisq; in
dies accenderetur, demùm ætate iam ad historiarum
notitiam, iudiciumq; maturescente erupit, meq; ut
opus aggrederer, licet multis difficultatibus implicitum,
compulit. Itaq; omnibus, quæ parare potui, scriptorum
ad hanc rem pertinentium monumentis diligenter ani-
mo, & ratione lustratis, atq; eruditorum etiam ho-
minum publicis in gymnasijs accuratè sententijs exqui-
sitis, breuem de Maiestatis vestræ Titulis commenta-
rium scripsi: in quo rationem vniuersorum exposui,
quantum aut tacita ipsa, quæ legi, monumenta indi-
care, aut viuæ doctorem hominum, quos consului,
voces suggerere potuerunt. Hoc autem totum ut in
vestro etiam multò illustrissimo nomine publicarem,
primum me insignis gloriæ vestræ studium incitauit,
deinde verò patris quoq; mei Io. Baptiste Mainoldi
Iuriconsulti non obscura voluntas adduxit. Impius
enim mihi visus sum, si ditioni vestræ subiectus non
omne ad excolendam vestræ dignitatis amplitudinem
studium, & curam meam conferrem. Ingratus verò
etiam,

DE TITVLIS

etiam, si cum ipsa de patre meo bene sensisse multis editis argumentis visa sit, non aliqua, si possem, ratione vicariam eius in referenda gratia operam, officiumque subirem. Precor autem Deum, ut quemadmodum familia vestra domesticis prudentia, ac fortitudinis nixa subsidijs ad tantum fastigium rerum ascendit, sic ductu præcipue, atque auspicijs vestris, Rex Potentissime, ad multò quoque maiora, atque altiora perueniat. Quod breui futurum non despero, si salutaribus Maiestatis vestre consilijs, prosperisque incæptis Deus ipse, ut instituit, benignius aspirarit. cui non solum ad inuadendos hostes suos egregiam adhuc semper mentem, verum etiam ad perdomandos felicitatem incredibilem impertiuit. Nunc de Titulis partis scribere ordiar, si prius pauca quadam, unde sequens illustretur disputatio, proponam. Quare nè Maiestatem vestram verborum multitudine diutius onerem, cum bona eius venia hinc huius tractationis initium capiam.

PHILIPPO REGIS.

DE TITVLIS DIGNITATVM
Laicarum apud Christianos.



MINIMUM dignitatum tituli, quibus
hodie Principes Christiani utuntur, &
nulli, & certis inter se gradibus ordi-
nati, aut à Pontifice Romano instituti,
aut certè ab eodem confirmati sunt. Cui Christiani in
terris tanquam vero, & summo Christi vicario,
atq; omnium rerum parenti maximum cultum me-
rito præbuerunt. Ceterum imperantibus Romanis hoc
Pontifex ius sibi non vindicauit, vel quia propter
exiguum Christianorum numerum, & agrestem ty-
rannorum immanitatem ingens eius auctoritas, atq;
potentia delitescerebat, vel quia integro eorundem
imperio nulla ditio, quæ alienaretur, extabat. Ro-
mano verò Occidentali euerso Imperio, atq; in diuersa
quasi membra distracto, cum ex barbaris alij alias
prouincias occupassent, & se nouis dignitatum titulis
exornarunt, & post etiam alios exornare institue-
runt. Qui vt firmiores, atq; apud populos iustiores
essent, Pontificis auctoritate corroborati sunt, cum
turpe prorsus, indignumq; esset, ad eum non omnia
referre, qui vniuersis hominibus præpositus, summâ
in omnes potestatem à Christo Domino nostro accepisset,

ita

DE TITVLIS

ita vt in terris vicem eius omni ex parte gereret. Tituli autem ferme fuerunt hi, Imperator, Rex, Dux, Princeps, Marchio, Comes, Dominus. De quibus singulis optimum factu videtur, vt aliquid dicam, antequam ad Maiestatis uestre titulos explicandos accedam.

DE TITVLO CÆSARIS,

& Imperatoris Augusti.

IMPERATORIS nomen omnium augustissimū est, atq; maximum. Primus autem Cæsar traducta ad se Populi Romani Rep. appellatus est Imperator, atq; id nomen deinde translātū est ad filium eius Octavianū, qui Imperatori Augusti quoq; cognomen adiunxit. Cum enim nomen excogitare Romani uellent, quo summam eius in Rep. potestatem ostenderent, Imperatorem dixerunt, quem antea pro eo, qui belli dux esset, & qui rem prosperè gessisset, usurpauerant. neq; enim Regem appellare poterant, quia Populus Rom. exactis regibus iurauerat, se nunquam passurum, Reges Romæ esse, neq; Dictatorem, quia proximè post necem Cæsaris M. Antonius Consul legem tulerat, nè nomen Dictatoriū amplius in Rep. esset. Augusti Verò titulum ea de causā adiecerunt, vt singularem dignitatis eius splendorem indicarent,

cum

PHILIPPI REGIS.

cum loca pia, & religiosa, Augusta dicantur. Hoc
 igitur nomine qui tum ornati fuerunt, ij & Italiam,
 & omnes prouincias Imperio Romano subiectas pro iu-
 dicio suo adinistrarunt. neq; tum titulus alius in toto
 orbe Romano erat, nisi eorum, qui ad tempus aut pro-
 uincias gubernarent, aut limites Imperij custodirent
 arbitrio Imperatoris. Hi verò Imperatores aut successio-
 ne sanguinis, aut suffragijs militum, aut iudicio sena-
 tus lecti sunt, neq; cum Pontifice Romano commercij
 quicquam habuerunt. Post annos inde circiter trecen-
 tos extitit Constantinus, qui à Syluestro Pontifice,
 sacro fonte Christiano more ablutus, & Christianos,
 & Pontificem ipsum prouexit. Idem etiam Byzan-
 tium restituit, atq; à se Constantinopolim vocauit, ac
 secundam Romam appellari iussit. Unde occasionem
 naeti successores eius Valentinianus, & Valens fratres
 Imperium duplex fecerunt, vnum Orientis Constan-
 tinopoli, alterum Occidentis Romæ. Imperium inde
 Occidentis ad nihilum est redactum, cum exteræ na-
 tiones Hispaniam, Britanniam, Galliam, Africam,
 ac demum etiam Italiam inuasissent, & nomen Impe-
 ratoris deleuissent, anno quadringentesimo septuagesimo
 sexto. Post trecentos inde & viginti quinq; annos reno-
 uatus est antiquus Imperatoris in Occidente titulus.
 Quippe anno sepingentesimo septuagesimo quarto, 774

B

DE TITVLIS

801 Carolum Magnum Regem Francorum Longobardis
regibus Italia pulsus insignem, Hadrianus Pontifex
regem Italiae appellauit, & post, anno octingentesimo
primo, Leo tertius Imperatorem Augustum inunxit,
& coronauit. tumq; titulus nouus Imperij, de quo nunc
agimus, institutus est. Antea enim Imperator erat, qui
Imperium Populi Romani re ipsa possidebat, id est,
qui Romā, Italiā, & prouincias Romanis subiectas te-
nebat: nunc verò Imperator dictus est, qui nudum titu-
lum à Pontifice Romano datum supra omnes dignitatū
Christianarum titulos maximum obtineat, ad Eccle-
siam Romanam, & rem Christianam pro viribus de-
fendendam. Institutum est autem, ut oleo sacro inun-
geretur, & prater cetera insignia corona etiam aurea
manu Pontificis Romae in templo S. Petri exornare-
tur, & Imperator, atq; Augustus à populo acclama-
retur. Ceterum Caroli Magni maximae opes fuerunt,
non quòd Imperator esset, sed quòd Galliam, Germa-
niam, atq; Italiam regis nomine obtineret. Permansit
inde hic titulus in posteris eius vsq; ad Carolum Cras-
sum, qui Imperator esse desiit anno octingentesimo
887 octuagesimo septimo. Post Crassum Italici sibi eum
vindicarunt. Sed quia Ecclesiam Romanam non so-
lūm non defenderunt, sed etiam acriter persecuti sunt,
non omnes eo digni à Pontifice iudicati sunt. Itaq; cum
Eccle

Ecclesia defensore egeret, anno noningentesimo sexagesimo secundo, Ioannes duodecimus, Pontifex Othonem Magnum regem Germaniæ aduersus Berengarium regem Italiæ aduocauit, atq; regem Italiæ salutatum, etiam Imperatorem coronauit. Ne autem Imperij titulus amplius è Germanis exiret, Gregorius quintus, Pontifex, Othone tertio imperante, anno, 962
 Ut conijci potest, noningentisimo nonagesimo septimo, 997
 legem tulit, ut septem Germaniæ Principes soli ius Cæsaris legendi haberent, ut vulgò existimatur. nam alij hoc institutum post multos inde annos ab alio Pontifice manasse contendunt. Ab illo ergo tempore obseruatum est, ut qui à Principibus Germaniæ titulo regis Germaniæ esset insignitus, is deinde & rex Italiæ, & Imperator coronaretur. ita ut essent tres coronæ, vna regni Germaniæ argentea, quæ Aquisgrani capiebatur olim per archiepiscopum Moguntinum, nunc per archiepiscopum Coloniensem, altera ferrea regni Italiæ, quæ sumebatur Mediolani, aut Modætiæ per archiepiscopum Mediolanensem, tertia Imperij aurea, quam Pontifex Romæ imponebat. Itaq; qui Imperator erat futurus, nudum quidem Imperij nomen, at re ipsa Germaniæ, & Italiæ regna regis nomine possidebat, eorumq; regnorum opibus, præter proprias ditio-
 nes, maiestatem Imperatoriam tuebatur. Antequam

B ij

DE TITVLIS

autem à Pontifice coronaretur, non Imperatorem se scribebat, neq; Augustum, sed Cæsarem, aut Imperatorem electum. notabatq; in diplomatis annos Regnorum, atq; Imperij separatim, hoc modo. Ordinationis anno decimo, Regni in Italia quinto, Imperii quarto. Ordinationem verò vocabant, cum in regem Germaniæ consecrabantur, per quam ad regnum Italiæ, Imperiumq; preparabantur. Verùm alienato paulatim varijs nominibus, ut post declarabimus, Germaniæ, atq; Italiæ regno, nihil Imperatori remansit, nisi ius directum in ijs regnis, & eorum ditionibus alienatis. Quamobrem Imperator titulus est dignitatis supra omnes titulos post Pontificem Romanum altissimus, defensor Christianorum, & Ecclesiæ Romanæ à Pontifice constitutus. qui idem quatenus rex Germaniæ, atq; Italiæ coronatur, eatenus ius in Germania, atq; Italia habet.

DE TITVLO REGIS.

IMPERIO Romano, quod in Occidente florebat, labefactato, atq; ipso Imperatoris nomine extincto, Imperij prouincias alij, atq; alij inuaserunt, qui se antiquo more, earum Reges, vtrò vocarunt, siue à populis, siue à militibus eo nomine decorati. Hoc modo Gotthi in Hispania, Franci, et Burgundiones in Gallia, Angli, &

gli, & Scoti in Britannia, Gotthi, & post Gotthos Longobardi in Italia pro Regibus se gesserunt. Procedente inde tempore, cum hi omnes sacris Christianis imbuti, & Arianum errorem detestati, Catholicam fidem suscepissent, atq; eius tutorem Pontificem Romanum venerari instituerent, iidem etiam, ut iustius regnarent, à Pontifice coronati, & regio nomine affecti, sacroq; oleo inuncti sunt. Cuius rei, credo, initium factum est in Pipino rege Francorum, Caroli Magni patre. nam cum Chilpericus rex parum idoneus tantis rebus administrandis videretur, Zacharias Pontifex, populis præstito sacramento solutis, ei regnum abiudicavit, & Pipinum regem constituit. Posterius inde eius obseruauit, ut vel ab archiepiscopis regni primatibus sacrarentur, & vngerentur, vel à Pontifice Romano confirmarentur. Hoc instituto introducto, Pontifex in alijs etiam regionibus Regis titulum aut earum dominis, aut ijs, qui sibi dominatum iure aliquo asciscerent, condonauit. Rex autem dignitas est Imperatoria minor, eaq; aut successione, aut electione mandatur. successione, ut in Hispania, & Francia. electione, ut in Germania, atq; Italia.

DE TITVLIS
DE TITVLIS DVCIS,
Marchionis, & Comititis.

QUEMADMODVM autem Imperatores Romani
prouincias Imperio subiectas administrarunt
per annuos magistratus, quos Præsides, Consulares,
& Correctores vocarunt, sic Reges, qui deletio Impe-
rio prouincias exceperunt, eas per magistratus tempo-
rarios gubernarunt, quos Duces, & Comites appella-
runt; Duces quidem, quòd duces ipsorum regum essent,
Comites verò, quòd Duces ipsos comitarentur. Sum-
pta verò hæc nomina videntur ab Imperatoribus Ro-
manis, qui præfectos limitum, Duces vocarunt, & cu-
ratores rerum vrbicularum, Comites, vt Comites sa-
crarum largitionum, rerum priuatarum, & alios.
Ceterum Duces siue partibus regni, siue oppidis præ-
positi sunt, vt armis inprimis ea tuerentur, Comites
verò, vt ius dicerent. Hinc nomina ducta Ducatus,
& Comitatus pro eis terræ spatijs, quibus aut Dux
præffet, aut in quibus Comes ius diceret. Progressu
inde temporis vtraq; dignitas ex temporanea perpetua
facta est, beneficio regum, qui aut propinquos, aut
clientes suos bene de se meritos ornare eis voluerunt.
quod beneficium Feudum est appellatum. Feudum au-
tem, quod etiam Homagium, & Hominium dictum
est,

est, fuit aut prædium, aut dignitas concessa alteri, ita
 ut ad posteros transfret, ea lege, ut tributum solueret,
 & caput, famamq; eius defenderet, qui Feudum con-
 cessisset. Hinc in Germania, Francia, Hispania, atq;
 Italia multi Duces, & Comites regum beneficio exti-
 terunt. Ceterum Comites, qui iidem & Iudices dice-
 bantur, varij fuerunt. Quoniam enim in regnis &
 regiones ultimæ, & intimæ, & oppida, & regale
 palatiū erat, propterea horum omnium Comites exorti
 sunt, qui lingua Germanica Marchgrauij, Land-
 grauij, Burggrauij, et Psaltzgrauij sunt dicti. March-
 grauij fuere marcharum, siue limitum regni Comi-
 tes, qui alio nomine appellati sunt Marchiones, qui
 primum ad tempus præfecti fuerunt, deinde beneficio
 regum & ipsi quoq; facti sunt perpetui. Vnde noua di-
 gnitas instituta est inter Ducem, & Comitem inter-
 iecta. Landgrauij fuere interiorum terrarum Comites,
 Burggrauij oppidorum Comites, Psaltzgrauij Palatiū
 Comites. His autem dignitatum nominibus à regibus
 introductis, inde etiam tituli ut Regis, sic Ducis,
 Marchionis, & Comitis à Pontifice Romano donari
 cepti sunt. Quin etiam idem Ecclesiæ bona & ipse alie-
 nare, ac feuda sub Ducis, Regisq; titulis instituere con-
 suevit. Annonius scriptor rerum Francicarū antiquus
 significat olim Duces non fuisse, nisi qui duodecim Co-
 mitatus

DE TITVLIS

mitatus subiectos haberent. sic enim scribit libro quarto. Pipinus (rex Francorū, Caroli Magni pater) Tassilonem in Ducatum Baioariæ reduxit, & Grifonē expulsum more Ducum duodecim Comitatus donauit.

DE TITVLIS PRINCIPIS, ET DOMINI.

PRINCIPIS, ET DOMINI tituli vnde profecti sint, non liquet. Titulum Principis in Italia primus *Aragisus Dux Beneuentanus* vsurpauit, circiter annum septingentesimum quinquagesimum quintum, ut libro primo scribit *Leo Ostiensis* his verbis. *Aragisus* primus Beneuenti Principē se appellari iussit, cum eatenus qui Beneuenti præfuerant, Duces vocarentur. Nam & ab episcopis vngi se voluit, & coronam sibi imposuit, atq; in suis chartis ita in fine scribi præcepit: Scriptum in nostro sacratissimo Palatio. Ex quibus verbis apparet, *Aragisum* id fecisse, non ut de dignitate sua detraheret, sed ut eam augeret. Inde *Principes Beneuentani* dicti, quos *Ludouicus secundus Imperator*, idemq; rex *Italiæ* confirmauit. Succedentibus inde temporibus *Capuanus*, *Salernitanus*, *Tarentinus*, multiq; alij *Principes* extitere, quos Pontifex
magna

PHILIPPI REGIS.

magna ex parte confirmavit. ex quo apparet, Principis titulum, ut superiores, feudi ratione esse concessum. Qui verò oppidum, aut regionem non regum beneficio, sed propria virtute partem tenuerunt, neque se aut Reges, aut Duces, aut Comites ultro vocare ausi sunt, quod eiusmodi tituli aut Pontificia, aut Regia libertate concedi essent cepti, ij se Dominos, ut mihi quidem videtur, appellarunt, vel, ut ipsi loquebantur, Seniores. Siquidem Seniores, ut in libris de Feudis extat, dicti sunt, qui ipsius feudi domini sunt, ut contra Vassalli, & Homines, qui feudum à Seniore retinent. Quare qui se Dominum, siue Seniorem inscribit, is se allodium possidere significat, non autem feudum. Quibus rebus prepositis, reliquum est, ut ad Maiestatis vestrae Titulos exponendos veniamus, qui sunt hi.

C

DE TITVLIS

TITVLI PHILIPPI REGIS.

PHILIPPVS SECVNDVS REX
CATHOLICVS HISPANIARVM, VTRI-
VSQ. SICILIAE, HIERVSALEM, HVNGA-
RIAE, DALMATIAE, CROATIAE, SARDI-
NIAE, CORSICAE, MAIORICARVM, INSV-
LARVM CANARIAE, ORANI, INSVLA-
RVM INDIARVM, TERRAE FIRMAE, ET
MARIS OCEANI. ARCHIDVX AVSTRIAE.
DVX BVRGVNDIAE, MEDIOLANI, LO-
THARINGIAE, BRABANTIAE, LEMBVROI,
LVCEMBVROI, GELDRIAE, ATHENARVM,
ET NEOPATRIAE. MARCHIO SACRI RO-
MANI IMPERII, ORISTANI, ET GOTIANI.
COMES BARCINONIS, RVSCINONIS, CER-
RETANIAE, FLANDRIAE, ARTESIAE, HAN-
NONIAE, HOLLANDIAE, SELANDIAE, NA-
MVRCI, ZVTPHENI, BVRGVNDIAE, HAB-
SPVROI, ET TYROLIS. DOMINVS CAN-
TABRIAE, MOLINAE, FRISIAE, MECHLI-
NIAE, VLTRAIECTI, TRANSISALANAE, ET
GRVNINGAE.

PHILIPPI REGIS. 10
DE REGNIS HISPANIARVM.
Insignia aliquot Hispaniæ Regnorum.



HISPANIAE multa Regna existunt,
sed non omnia pari amplitudinis, ac di-
gnitatis fama nobilitata. Ex quibus
verò Maiestas vestra, atq; eius maio-
res, insignes sibi ad posteritatem titulos ascuerunt, hæc
fermè sunt, Castellæ, Arragonum, Legionis,
Nauarræ, Granatæ, Toleti, Valentiae, Gal-
C ij laciæ,

DE TITVLIS

Iæcia, Hispalis, Cordubæ, Murciæ, Gienni, Algarbii, Algeziræ, & Gibraltari. De quibus quia sigillatim dicere non est commodum, vno capite omnia complectemur, & quemadmodum instituta, & à duobus potissimum Castella, Arragoniaq; in potestatem adducta sint, quoad inuenire potuimus, ostendemus. Quod ut commodius consequamur, placet statim veterem Hispaniæ alius repetito principio demonstrare.

HISPANIAM regionem antiquissimam, atq; armis præcipue, uiriusq; florentem, primum per arma tenuere Carthaginenses, deinde pulsus Carthaginensibus Romani, post exactis Romanis Gotthi, inde fugatis Gotthis Mauri, & Mauris demum expulsis iterum Gotthi. Ceterum dum Carthaginenses rerum potiebantur, nulla insignis regionis mutatio memoratur. Romanis autem imperantibus, tres istius prouinciæ diuisiones inuectæ sunt. Una populo Romano vigente, quo tempore in duas prouincias, citeriorem, & vltiorem Hispaniam, est diuisa, & quotannis binis prætoribus administranda est tradita. Altera imperante Augusto, qui cum Astures, & Cantabros nondum imperio Romano subiectos sibi parere coegisset, vniuersam in tres partes, Tarraconensem, Baticam, & Lusitaniã distribuit, eamq; Legatus suis gubernandam commisit. Tertia circa tempora Constantini Magni, quo tempore
in sex

in sex partes distincta, Tarraconensem, Carthaginien-
sem, Lusitaniam, Gallaciam, Beticam, & Trans-
fretanam, quae etiam Tingitana est dicta, praefectas
ab Imperatore accepit, Praesides, & Consulares vo-
catos. Labefactato inde circa Honorij tempora Roma-
norum imperio Vandali, Alani, atq; Sueui maxi-
mam Hispaniae partem occuparunt. Quibus omnibus
paullo post exactis, Gotthi successerunt, qui Romanis
etiam electis vniuersam Hispaniam imperio tenuerunt,
seque non Hispaniae, sed Gothorum in Hispania reges
vocarunt, atq; errore, quo sub Valente imbuti fue-
rant, Arriano abiecto, & Catholica veritate susce-
pta, plurima, & pietatis, & iustitiae suae documen-
ta in Hispania reliquerunt. Anno inde post Christum
natum septingentesimo septimo decimo, Gotthi pulsi à 717
Sarracenis Hispania sunt, qui ex Mauritania profe-
cti, Mauri quoque sunt appellati. Hi occupata Hispania,
non vni regi paruerunt, sed diuisa inter se provin-
cia, singulis ferme in oppidis reges separatos constitue-
runt, atq; ita opes suas alioqui firmissimas valde de-
bilitarunt. Eo factum est, ut Gotthi, qui ex eorum
se manibus eripuerant, Mauros tandem ex Hispania
deturbarent, ac pro varijs ex Mauris regibus victorijs
& ipsi varia regna, aut varios ditionum titulos insti-
tuerint. Ex his vnus fuit, & quidem virtute, ac pie-
tate

DE TITVLIS

tate princeps Pelagius. qui anno, de quo dixi, septingentesimo decimo septimo, fuga se in Asturiam recepit, ac diuina subleuatus ope oppidum Legionis recuperauit, et se Asturum, & Legionis regem appellauit. Huius deinde virtutem imitati posterius, atq; heredes eius subsequentibus temporibus Mauris Portugalliae partem, & Galleciam ademerunt, atq; continuata filiorum, filiarumue successione regnum Asturum, & Legionis vsq; ad annum millesimum vigesimum quintum, & ad Vere mundum tertium Alphonsi quinti filium incolume perduxerunt. Alter fuit Ennecius, qui anno 912 nongentesimo duodecimo, pulsus ex Tarraconensi Mauris, cum in Nauarram victor se rettulisset, à populis rex Arragoniae, & Nauarrae est saluatus. Enneci inde abnepos Sanctius cognomento Maior accepta in matrimonium Eliura Sanctij Comitissae Castellae filia, Castellae Comitatum regno Arragoniae, atq; Nauarrae adiunxit. Eo vero mortuo, filij eius quattuor regna inter se omnia diuiserunt. Ex quibus Raymirus Arragoniae regnum obtinuit, Garcias Nauarrae, Ferdinandus autem Castellae Comitatum cum accepisset, primus regem se Castellae vocauit, & quod sororem Veremundi tertij Asturum, & Legionis regis Sanctiam habebat in matrimonio, regnum etiam Asturum, & Legionis sibi vindicauit, seq; posthac regem Legionis,

&

& Castellæ appellavit. Sanctio inde, qui regnum
 Sobrarbæ, siue Vasconie erat sortitus, haud ita mul-
 to post vita functo, Vascones Raymirus Arrago-
 nie regi se tradiderunt. Atq; ita tres præcipui regnorum
 tituli in Hispania tantummodo facti, Arragonie,
 Nauarra, & Castellæ. His autem alia quoq; alijs
 occasionibus regna accesserunt. Nam Petrus Raymiri
 nepos Ribagorciæ, & Montifonie regis nomen acce-
 pit, & Raymirus secundus Petri frater regno relicto
 Raymundo Comiti Barcinonensi genero suo Cathalo-
 niam, & Iacobus Raymundi pronepos Valentiam
 Mauris ademptam regno Arragonie sociarunt. Fer-
 dinandus autem cum reliquum Portugallie recepisset,
 filijs suis reliquit Castellam, Legionem, Asturiam,
 Transimenam, Galleciam, & Portugalliam, filia-
 bus Zamoram, & Taurum. Posteriores vero eius ut
 addidere Toletum, Cordubam, Hispalim, Giennum,
 Vandaluziam, Murciam, Gibraltarium, & Alge-
 ziram, sic Portugalliam dotis nomine Henrico Lotha-
 ringie Comiti tradiderunt. Vnde præcipui reges Portu-
 gallie in hunc usq; diem fluxerunt. Quibus quoq; Por-
 tugallie regibus ydem Castellæ reges Algarbij Comi-
 tatum, qui postea Regni titulum accepit, loco dotis con-
 cesserunt, eius tamen Regni titulo parum mihi com-
 perta de causa sibi ipsis etiam reseruat. Ex posteris
 autem

DE TITVLIS

autem Raymiri Arragoniae regibus, vnus prater ceteros elucet Ferdinandus, cognomento Catholicus. qui rex Arragoniae cum esset, Castellae quoque regnum adeptus est, cum Isabellam Ioannis secundi Castellae regis filiam mortuo Henrico rege fratre totius hereditatis paterna heredem sibi despondisset uxorem. Hic verò Granatam, cum à Mauris suprà septingentos annos teneretur, uxore Isabella Castellae regina auctore, & socia, regno Castellae adiunxit, pulsisque Sarracenis, & Mahumetana eorum superstitione sublata, templa 1492 Christo edificauit, anno millesimo quadringentesimo nonagesimo secundo. Ex quo praestantissimum CATHOLICI cognomen nactus est, quo nunc etiam reges Castellae decorari solent. quanquam alij dicant, illud iam inde ab Alphonso primo, qui tertius Asturum, & Legionis rex fuit, originem accepisse, Castellaeque postea regibus hereditarium fuisse. Quibus rebus gestis, Nauarram quoque sibi hac occasione asciuit. Etenim 1339 Carolus tertius, rex Nauarrae, cum anno millesimo trecentesimo nonagesimo nono, moreretur, Blancam filiam vnicam regni heredem reliquit. Hec Martino Siciliae regi primum nupsit, cumque regem Nauarrae constituit. deinde eo mortuo, Ioanni secundo regi Arragoniae ipsius Ferdinandi patri, atque eadem ratione eundem regem Nauarrae fecit. Ex his geniti sunt Carolus

lus, Blanca, & Leonora. Carolus patre adhuc viuente
decessit. Blanca cum Henrico Ioannis secundi Castellæ
regis filio collocata fuisset, cum eo diuortium fecit, illius
naturæ imbecillitatem experta. Post in Nauarram
reuersa, paucis inde diebus obiit. Leonora item cum
Gastoni Comiti Foxano matrimonio sociata, mortuo
patre Nauarræ regnum obtinuiſſet, poſt dies quindecim,
quibus regni administrationem acceperat, mortem
oppetijt. Poſt eam Phæbus nepos eius ex Ioanne filio
natus regnum ſuſcepit, & per annos viginti quinque ad-
miniſtrauit. Eo mortuo Catharina ſoror regnum ad
Ioannem Alebretium Druidum comitem Gallum ma-
ritum ſuum traduxit, anno milleſimo quingenteſimo
quinto. 1505
Eo verò, cum iam annos octo regnaſſet, à lu-
lio ſecundo Pontifice Maximo ſacris amoto, regnoque
ſpoliato, quòd ſe fædere cum Gallis aduerſus Eccle-
ſiam coniunxiſſet, Ferdinandus demùm Arragoniæ,
& Caſtellæ rex Nauarram ſui iuris fecit, cum Pon-
tifeſ regnum illud pro ſumma poteſtate ſua Ioanni vi-
homini indigno ereptum, Ferdinando regi Catholico
adiudicaſſet. Ceterùm hic Ferdinandus filios inprimis
ſuſcepit ex Iſabella regina coniuge Ioannem, Iſa-
bellam, & Ioannam. Ex quibus Ioannes Margarita
Austria, Ceſaris Maximiliani filia vxore ducta ſu-
perſtitibus parentibus ſine prole, & Iſabella duobus
D ſubinde

DE TITVLIS

subinde regibus Portugalliae nupta sine liberis decessit. Ioanna verò omnia primogenitorum iura consecuta, Philippo Magno, Archiduci Austriae eiusdem Caesaris Maximiliani filio collocata, hereditario iure regna ad illum Castellae, Arragoniaeque, et quae his subiecta titulis erant, transtulit. Huius deinde filius maior Carolus quintus Imperator una cum Ioanna matre regnum
 1516 Hispaniarum iniuit anno millesimo quingentesimo decimo sexto. qui postea te, Maxime, ac Potentissime REX PHILIPPE, & filium, & regem reliquit.

DE REGNO VTRIVSQ. SICILIAE.

Insigne Neapolis.



Insigne Siciliae.



VTRIVSQVE SICILIAE Regnum dictum est, quod nunc Neapolitanum, & Siculum dicimus. Regno verò Neapolitano vltior ferme omnis continetur Italia, Siculo ipsa cum adiacentibus insulis Sicilia

lia insula. Ceterum utramque regionem à Romanis possessam inuasere Gotthi. Gothos autem Græci Imperatores expulere. Græci inde exacti sunt à Sarracenis. Pulsis autem Sarracenis succedere Nortmani, qui Regni titulum Pontificis beneficio instituerunt. A Nortmanis inde res ad Sueuos, à Sueuis ad Andegauenses, ab Andegauensibus ad Arragonios permansit. Verum, ut singulas regni mutationes pluribus verbis notemus, cum vltior Italia à Græcis, Sicilia à Sarracenis teneretur, Nortmani, qui sub Carolo Crasso Imperatore partem Gallie Neustriam tum, Nortmaniam nunc appellatam occupauerant, ad hanc regionem accesserunt, & Apulie partem occuparunt, & deinceps ditionem eam armis auxerunt. quorum primus Gulielmus circa annum millesimum quadragesimum, Comitē se Apulie nominauit. Gulielmo inde Drogo, Drogoni Hunfridus, Hunfrido Robertus Viscardus successit superiorum omnium frater. Hic adiuncta ad Apuliam Calabria, Ducem se primus appellauit Apulie, & Calabriae. atque eius tituli usum impetravit à Nicolao secundo Pontifice, anno millesimo quinquagesimo nono, cum se Ecclesie fidelem, siue ligium, ac feudatarium certo promisso in annos censu iurasset. Quin etiam idem, cum auxilio Rogerij fratris Siciliam Sarracenis eripuisset, eam Rogerio cōcessit, qui
D ij se vltro

1040

1059

DE TITVLIS

se Vltrò Siciliæ Comitem vocauit. Ita per aliquot annos Apuliæ, Calabriæq; Ducatus à Comitatu Siciliæ fuit diſiunctus. Viſcardi inde ſtirps in Gulielmo nepote defecit. Rogerius autem Rogerij Comititis filius, & ipſe Siciliæ Comes Ducatum ſibi Apuliæ, & Calabriæ vindicauit. Inde verò Neapoli capta ſuperbus cum regias ſe opes habere exiſtimaret, regem ſe Vtriuſq; Siciliæ Vltrò nuncupauit, nempe cis Pharum, & Vltra Pharum. Quo tempore, cum Innocentius ſecundus Pōtifex trans alpes proſectus eſſet, vt à Lothario Imperatore auxilium contra Anacletum ſecundum implo-
raret, quem Romani Pontificem aduerſus ſe tueban-
tur, Rogerius ad Anacletum conuerſus ab illo regis
1130 titulum impetrauit, anno milleſimo centeſimo trige-
ſimo. Poſt annos inde octo Innocentius quoq; cum
aduerſus Rogerium cum exercitu proſectus ab eo eſſet
captus, & poſtea in libertatem reſtitutus, titulum ab
Anacleto datum ei ratum eſſe iuſſit. idemq; poſt ali-
Anno quot annos etiam titulus à Cæleſtino ſecundo Pontifice,
1144 vel, vt alij volunt, à Lucio ſecundo eſt confirmatus.
Atq; hoc quidem regni Vtriuſq; Siciliæ, quod feudum
eſt Eccleſiæ, fuit initium. Poſt Rogerium inde Gu-
lielmus filius, & Gulielmus nepos regnauit. Quo ſine
filijs mortuo, Siculi Tancredum Rogerij filium ex con-
cubina natum legerunt, cuius filius Gulielmus Vltimus
ex

ex Nortmanorum genere regnum Vtriusq; Siciliae tenuit. Translatum inde ad Sueuos hoc modo est. Constantia Rogerij Ducis Calabriae filia, Rogerij primi regis neptis Henrico Sueuo Imperatori, ac Friderici Barbarusae Imperatoris filio nupsit, eumq; regem Vtriusq; Siciliae fecit. quem titulum tunc etiam Celestinus tertius Pontifex confirmavit anno millesimo centesimo nonagesimo primo. 1191
Henricus Fridericum regem reliquit, qui etiam Imperator fuit. Fridericus Conradum filium, & post Conradum Manfredum nothum, qui ex Sueuis fuit vltimus. Nam Urbanus quartus Pontifex Maximus ad comprimendos illius contra Romanam Ecclesiam conatus, Carolum Comitem Prouincia, & Andegauensem, Ludouici Francorum regis, qui mortuus inter diuos relatus est, fratrem in Italiam euocauit. Hic sub Clemente quarto, (mortuus enim iam erat Urbanus quartus,) anno millesimo ducentesimo sexagesimo quinto Italiam ingressus, à Pontifice rex Siciliarum appellatus, & coronatus fuit. Itaq; armis in Manfredum conuersis, Neapolim, & Siciliam nullo fere negotio occupauit. Verum non multò post, anno millesimo ducentesimo octuagesimo primo, diuisa 1281
haec regna sunt, quae adhuc fuerant iuncta, atq; aliud Neapolitanum, aliud Siculum constitutum est. Neapolitanum in Andegauensibus mansit. Siculum ad Aragoniae

DE TITVLIS

ragonie reges traductum est. Huius autem parandi de
coris auctor Petrus tertius fuit rex Arragonie, qui
cum Constantiam Manfredi ultimi regis filiam habe
ret in matrimonio, ab optimatibus ad regnum accersi
tus ius suum armis persequi non dubitavit, ac Siciliam
Carolo Andegauensi ademit. Ut autem Arragonie re
gnum in Petri stirpe usq; ad Ferdinandum Catholicum
est continuatum, sic etiam Siciliae. A quo inde Ferdi
nando Carolus Imperator Maiestatis vestrae pater,
ipsiusq; Ferdinandi nepos accepit. Neapolitanum vero
regnum varias interim tempestates est passum. Etenim
Robertus Caroli primi nepos Ioannam ex Carolo Duce
Calabriae filio neptem reginam reliquit, anno millesimo
I 343 trecentesimo quadragesimo tertio. Haec primum An
dreae Caroli Ungariae regis filio, deinde Ludouico Ta
rentino Principi, post Iacobo Arragonensi Maiorica
rum Infanti, postremo Othoni Duci Brunsvuicensi
nupsit. Ex Andrea porro Carolum tertium Neapolis
regem peperit. (qui tamen à nonnullis alijs filius Ludo
uici Ducis Dyrrachij, fratris Caroli Dyrrachini Du
cis, qui à Ludouico Hungariae rege, Andreae fratre
* Anno *occisus est, & nepos Ioannis Principis Achaiae, qui
I 348 Roberti Neapolitani regis frater fuit, esse perhibetur.)
Hic deinde Ladislaum, & Ioannam secundam genuit.
Ladislaos post regni annum vigesimum octauum sine
vlla

Vlla sobole vita defuncto, Ioanna secunda soror ad regnum est euecta. Quae cum liberos suscipere nullo modo posset, adoptauit sibi filium Alphonsum Arragoniae, & Siciliae regem, deinde eo repudiato, Ludouicum Andegauensem Ducein, quo mortuo fratrem eius Renatum Ducem Lotharingiae, & Andegauensem haeredem instituit. Itaq; cum Renatus Neapoli regnaret, Alphonsus adoptionis ius praeferebat aduersus eum arma mouit: ac tandem eo pulso Neapolitanum regnum suae potestatis fecit, anno millesimo quadringentesimo quadagesimo secundo. 1442

Cum autem Alphonsus tria in primis regna possideret, Arragoniam, Siciliam, & Neapolim, Arragoniam, & Siciliam Ioanni fratri reliquit, qui Ferdinandi Catholici pater fuit, Neapolim verò Ferdinando filio notho, qui anno millesimo quadringentesimo nonagesimo quarto è rebus humanis excessit. 1494

Ferdinandum autem Alphonsus filius, & Ferdinandus nepos, & post Ferdinandum Fridericus Alphonsi frater excepit. Verum hos tres vltimos reges Carolus octauus, & Ludouicus duodecimus Franciae reges, ac Duces Andegauenses, rati regnum ad se ex Andegauensium successione pertinere, bellis assiduè oppugnarunt, ac demum regno exuerunt. Antequàm verò ipse Ludouicus rex infestis armis Fridericū Neapolis regem persequeretur, vt facilius eum regno depelleret,

DE TITVLIS

pelleret, cum *Ferdinando Catholico filio Ioannis regis*,
 ut dixi, *Arragonie, & Siciliae*, qui multis, magnisque
 de causis à *Friderico consanguineo* animo erat alienato,
 fœdus pepigit, ut paribus auspicijs, opibusq; regnum
Neapolitanum reciperetur, & *Hispanis Apulia, Ca-*
labriaq; cederent, reliqua verò omnia *Fræcorum* essent.
 Parto igitur iam regno, ingens de finibus excitata est
 contentio, ita ut paulatim incaltescentibus animis ad
 arma fuerit deuentum, & prælio commisso, fugatisq;
Francis, victoria *Hispani* potiti sint, toto regno occu-
 1503 pato, *Neapoliq;* ipsa, anno millesimo quingentesimo
 tertio, in potestatem adducta. Post duos inde annos
Ferdinandus cum *Ludouico* rege pacem iniit, & quan-
 quàm senex *Germanam* ex illius sorore genitam uxo-
 rem duxit, cum *Ludouicus* *Neapolis* regnum *Hispa-*
nis libere dimitteret, omniq; iuri suo renunciaret. Atq;
 hoc quidem modo *Ferdinandus* regnum *Neapolitanū*
 obtinuit, & cum *Siciliae* regno coniunctum *Carolo* item
 parenti uestro reliquit. Ita vtrumq; regnū regibus *Hi-*
spaniarum est subditum.

DE

PHILIPPI REGIS. 17
DE REGNO HIERUSALEM.



HIEROSOLYMA Vrbs est caput Iudææ, in qua
Dominus noster IESVS Christus crucis supplicio
est affectus, Iudæa Romano Imperatori Tiberio ob-
temperante. Romanis inde à barbaris ademptam Chri-
stiani principes ex Occidente profecti adhortante Vr-
bano secundo Pontifice anno millesimo nonagesimo no- 1099
no receperunt, atq; ex Pontificis auctoritate regem ei
Gotthofredum Bolionium Lotharingiæ Ducem præfe-
cerunt. Post eum octauus rex regnavit Balduinus quin-
tus puer, & post pueri mortem Vido Lusignanus Gal-
lus, Sybillæ Balduini matris maritus. Hic Hierosoly-
mis à Saladino Aegyptiorum Sultano spoliatus, regni
quoq; titulo se abdicavit, ac Cypri, qua potitus fuerat,
regem se appellavit. Titulum verò regni Hierosolymi-
tani nudum vsurpavit primum Conradus Marchio
Montisferrati, quod Isabellam Almerici regis filiam,

E

¶


DE TITVLIS

1209 & sororem Balduini quarti uxorem haberet. deinde Almericus Vidonis frater, cum mortuo Conrado eandem Isabellam duxisset. Eo verò rem Christianam parum strenue defendente, Christiani titulum ad Ioannem de Brenna Gallum detulerunt, anno millesimo ducentesimo nono, quòd Iolem Isabella, & Conradi Monferratenfis filiam in matrimonium accepisset. Verùm hic Ioannes, cum sibi plura, quàm par esset, tribueret, à Cardinali Columnio, qui ab Honorio tertio Pontifice legatus ad res Asiæ componendis missus fuerat, grauitèr obiurgatus, relictis rebus in Galliam est reuersus, alia sumpta uxore. filiamq, quæ à nōnullis Iole, ab alijs Violanta nominatur, quam ex Iole susceperat, Imperatori Cesari Friderico secundo, vtriusq, Sicilia regi eodem titulo pro dote concessio collocauit. Ex quo factum est, vt titulus regni Hierusalem sit accessio tituli regni vtriusq, Siciliae. Itaq, ad quos deinceps titulus regni vtriusq, Siciliae transijt, ad eosdem etiam titulus regni Hierusalem peruenit. Ex qua re intelligi potest, quemadmodum ab Arragonijs vnà cum ceteris regnis ad Maiestatem vestram tandem reciderit. Pandolphus Collenucius in historia Neapolitana scribenda & hanc, & aliam huius tituli affert causam, nempe Mariam Principis Antiochie filiam hunc titulum Carolo Comiti Andegauensi tradidisse, ei qui regnum
vtriusq,


PHILIPPI REGIS. 18

Vtriusq; Siciliae Suevis ademit anno millesimo ducentesimo sexagesimo quinto. Sed vnde hunc Maria titulum accepisset, se fatetur ignorare, boniq; viri officio illum vsurum, qui hoc aliquando inuentum eius historiae adiecerit. 1265

DE REGNO HVNGARIAE. DE REGNO DALMATIAE.



DE REGNO CROATIAE.



HVNGARIAE, DALMATIAE, CROATIAEQ; Regna simul coniunximus, quod multis

E ij tis

DE TITVLIS

tis iam ante annis Dalmatia, & Croatia fuerint Hun-
 garici regni coronæ subiectæ. Quo tempore autem, &
 qua ratione id acciderit, in eo libro demonstrare cona-
 bimur, quem de Titulis quoq; Maximiliani Cæsaris
 patruelis vestri, ad quem hæc ditiones iure hereditario
 peruenierunt, scribere meditamur. In quo non solum
 Dalmatiæ, atq; Croatia, sed etiam Hungariæ sigilla-
 tim historiam describemus. In præsentia igitur vnum
 illud annotasse satis habebimus, cur Maiestas vestra
 sibi hos etiam titulos asciscat. Quorum quidem dupli-
 cem posse afferri causam inuenio: vnam, quæ ex pa-
 tione quadam profiscitur, quam Maximilianus Cæ-
 sar proauus vester, Imperatoris Friderici tertij filius,
 1491 cum Hungaris iniuit anno millesimo quadringentesimo
 nonagesimo primo. Vt si nulla virilis ex Vladislao sex-
 to, rege Hungariæ, Casimiri Poloniæ regis filio proles
 nasceretur, Hungariæ regnum ipse solus, aut sui hære-
 des recta linea descendentes consequerentur; interea ti-
 tulo Regis vteretur, qui etiam ad posteros transfret:
 alteram verò, si dicamus, hos titulos cum regno Nea-
 politano esse cōnexos. Nam Ioannes Cuspinianus in vi-
 ta Friderici tertij Imperatoris litteris tradit, ipsum Im-
 peratorem, cum Roma Neapolim profisceretur,
 Vladislauum quintum, Hungariæ regem, Alberti
 Cæsaris filium, qui in ipsius erat comitatu, Romæ re-
 liquisse

liquisse, nè tumultus in regno aliquis exoriretur, cum
 Siciliæ rex, Hungariæ quoq; se regem scribat. Quo au-
 tem iure Neapolitani reges eum titulum gerant, facile
 dictu est. Carolus quippe secundus rex Neapolis Caro-
 lum Martellum filium, & Carolum Robertum ne-
 potem, & Ludouicum pronepotem, omnes Hungariæ
 reges habuit. Et post eos quoq; Hungarici regni principes
 Carolum tertium, Neapolis regem, ut propinquiorem
 heredem ad regnum, & successionis ius euocarunt, Anno
 & Hungariæ regem coronarunt. Et post Carolum ter- 1386
 tium, Vladislau etiam filium Neapolis regem, Hun-
 garie itidem regni successorem declararunt, & coro- Anno
 na regia donarunt. Inde factum est, ut Vladislaus, 1403
 quamuis postea regni Hungariæ possessionem, in qua
 tamen nunquam libere fuit, dimiserit, eiusq; successores
 omnes illud regnum sibi non iniuria deberi existima-
 rint, atq; iccirco Hungariæ regis titulum usurparint.
 Ex quibus omnibus cognoscere possumus, duas esse ra-
 tiones, quibus innixa Maiestas vestra sibi hos titulos
 tribuat. Maximilianus autem patruelis vester Hun-
 gariam nunc eo nomine possidet, quod Ferdinandus
 Cesar pater suus matrimonium cum Anna Vladislai
 sexti, regis Hungariæ, de quo supra dixi, filia contra-
 xerit, & mortuo sine liberis Ludouico rege Annæ fra-
 tre, iure uxorio regnum suscepit. De qua re commo-
 dius erit nobis alio loco dicendum.

DE TITVLIS
DE REGNO SARDINIÆ.



SARDINIAM insulam Romanis Gotthi, Gotthis
Graci, Gracis Sarraceni ademere. Sarracenos au-
tem expulerunt armis simul iunctis Pisani, & Ge-
1015 nuenses circiter annum millesimum decimum quintum.
Etenim quamuis superioribus annis Pisani soli Sardi-
niam ab impia barbarorum dominatione ereptam Chri-
stiano nomini obtemperare coegissent, post tamen à Sar-
racenis insula fuerant exacti, qui valido exercitu Sar-
diniam iterum sui iuris fecerant. Quorum rex Mu-
sactus cum hac insula non contentus, Pisanorum, &
Genuensium littora etiam quotidianis incursionibus de-
prædari non desisteret, hac de caussa Pisani, & Ge-
nuenses contracta inter se societate, communibus opibus
bello Sarracenos aggressi sunt, atq; illos vi tandem ab in-
sula deturbarunt. Qua capta, inter eos ita pacto con-
uenit, ut præda Genuensibus, insula Pisanis cederet.

Hi

Hi omnem Sardiniam in quattuor partes diuisere, Legodorum, Arboream, Calarim, & Galluram, singulisq; partibus magistratus præfecerunt, quos Iudices nominarunt, eosq; Iudices ex primoribus ciuitatis suæ familijs selegere. Qui deinde paulatim temporum progressu ex Iudicibus Reges facti sunt. Primi verò, qui nomine regio fuerint ornati, (quantum quidem coniectura assequi possumus,) fuere Iudices Legodori, & Calaris. Si quidem Leo Cardinalis Ostiensis sedente Alexandro secundo Pontifice, circa annum millesimum sexagesimum quintum, nominat duos reges Sardinie, Boresonem, & Torcitorium, quorum vterq; Casinati monasterio dona tulerint. Quorum quidem vnum Legodori, alterum verò Calaris regem fuisse necesse est. Nam Tristanus Chalcus in libris de rebus Mediolanensium refert, Fridericum Barbarussam Imperatorem rogatu Genuensium, quattuor millibus drachmarum acceptis, nouum regni titulum in Sardinia instituisse, Barisonemq; Iudicem Arboreæ Regem declarasse, anno millesimo centesimo sexagesimo quarto, eaq; de re Pisanos esse conquestos. Et in Bononiensium annalibus illud literis consignatum extat, post annos inde ferme septuaginta Henricum Friderici secundi Imperatoris filium nothum, vulgò Hencium appellatum à patre nouum Galluræ regnum in Sardinia accepisse. qui quidem

1065

1164

DE TITVLIS

- 1249 quidem Hencius anno millesimo ducentesimo quadra-
gesimo nono à Bononiensibus in praelio ad Mutinam
captus, & post annos duos & viginti in carcere mor-
uus, vnà cum vita regnum amisit. Hi autem omnes
reges, et si vnus tantum Sardinie partis domini erant,
Sardinie tamen regni titulum tanquam digniorē vsur-
pabant. Post quos deinde qui reges in Sardinia fuerint,
compertum non habeo, cum nullam amplius regum Sar-
dinie memoriam apud scriptores inuenerim. Illud qui-
dem omnibus satis liquet, Pisanos magnas semper in
hac insula opes habuisse. Labentibus ergo annis, cum
ab auctoritate Pontificis Romani defecissent, Bonifa-
cius octauus Pontifex Iacobum secundum regem Ar-
ragonie, Sardinie regem creauit, anno millesimo du-
centesimo nonagesimo quinto, dummodò eam à Pisa-
nis liberaret. Hic igitur Alphonso filio, qui postmo-
dum patri successit, in insulam cum exercitu misso, &
Pisanos inde expulit, & eam breui tempore ditioni suæ
subiecit. Quæ cum postea ad Genuenses defecisset, Pe-
trus quartus Alphonso filius, Iacobi secundi nepos, qui
1336 Arragonie regnum susceperat anno millesimo trecen-
tesimo trigesimo sexto, in insulam rebellantem coactus
fuit transire, vbi Genuenses multis cladibus affecit.
Atq; ita regnum hoc nullis posthac magnis seditioni-
bus perturbatum posteris suis vsq; ad Ferdinandum
Catholicum

Catholicum reliquit. A quo vnà cum Arragonum regno ad patrem vestrum Carolum Imperatorem per-
manauit.

DE REGNO CORSICÆ.



CORSICA insula iam inde à Romanis, cum in
provinciae formam redacta est, Sardiniae insulae
attributa, eandem ferè semper passa est, quam Sardi-
nia, tempestatem. Romano enim euerso Imperio, à Got-
thus occupata, inde à Græcis Imperatoribus recepta,
post in Longobardorum ditionem venit. Quibus tan-
dem Italia exactis, sub Caroli Magni potestatem ad-
ducta, Romano deinde Pontifici beneficio ipsius Caro-
li Magni donata est. A Mauris tamen capta, atq;
incendijs, & ruinis deformata, vix vnquam Ponti-
fici obsequium debitum præstare potuit. Id quod tanquã
indignum, & fædum cum progressu temporis nullo
modo ferre possent Genuenses, qui iam maritimas in-

F gentes


DE TITVLIS

gentes opes comparauerant, quippe qui etiam barbarorum crebris excursionibus irritabantur, classem egregie instructam eduxerunt, & Sarracenis Corsicam eripuerunt. Ea verò diu potiti non sunt, cum circiter annum millesimum quinquagesimum à Pisanis insula fuerint expulsi. Quæ caussa fecit, ut ij duo populi mutuo propterea flagrantés odio, diuturno inter se bello contenderint; ita tamen, ut Pisani circiter annum millesimum ducentésimum nonagesimum in possessione Corsicæ fuisse reperiantur. Post annos inde quinq; Bonifacius octauus Pontifex, cum Iacobum secundum Aragonum regem, Sardinie regem fecisset, eundem quoq; Corsicæ regem declarauit. Cuius inuestituræ in secreta Vaticani bibliotheca adhuc extat exemplum. Hunc autem regni Corsicæ titulum tunc fuisse institutum, facile crediderim, cum nunquam antea huius regni mentio apud quemquā habeatur, posthac verò reges Arragonie, Corsicæ itidem reges se se nominent. Hinc fit, ut in eadem Vaticani bibliotheca adsint litteræ & eius Iacobi, qui primus rex Corsicæ fuit, & Alphonsi filij ad Ioannem vigésimum secundum Pontificem, & Petri nepotis ad Benedictum duodecimum, in quibus ipsi reges sacramentum fidei pro regnis Corsicæ, & Sardinie Romanæ Ecclesiæ præstant. Quin etiā aliæ quedam sunt Ioannis vigésimi secundi litteræ, in quibus

Iacobo

Iacobo regi partem census regnorum Sardinia, & Corsica remittit. Atq; hæc quidem caussa est, cur Maiestas vestra, PHILIPPE REX, hoc regni titulo utatur, cum hic titulus eadem ratione, qua regnum Aragonia, ad ipsam deuenerit. Et quamuis hoc tempore Genuenses Corsicae dominatum teneant, & multis etiam ante annis tenuerint, cum Ioannes Villanus Florentinorum annalium scriptor memorie prodat, Corsica omnes ciuitates lubenti animo in Genuensium ditionem concessisse anno millesimo trecentesimo quadragesimo septimo, id tamen minimi est ponderis, nihilq; de iuribus Aragonie regum detrahit, cum maiores vestri à Romano Pontifice, ad quem insulae dominium spectabat, Corsicam feudi nomine acceperint.

DE REGNO MAIORICARVM.
Insigne Maioricae. Insigne Minoricae.



DVÆ sub hoc nomine Regni MAIORICARVM
F ij con

DE TITVLIS

continentur insula, *Maiorica*, & *Minorica*, quæ in conspectu Hispaniæ positiæ, à veteribus *Baleares* dictæ sunt. Eas verò iam antea à Romanis victas, labente eorundem Imperio, Gotthi occuparunt. Sarraceni inde Gotthos eiecerunt, easq; diu tenuere, donec tandem Iacobus primus, cognomine *Fortunatus*, qui anno millesimo ducentesimo decimo tertio in *Arragonia* regnare cepit, *Balearem* maiorem, quæ *Maiorica* nomen habet, ad imperium suum adiunxit, anno millesimo ducentesimo vigesimo nono. Nam & si aliàs sæpe Christiani eas occuparant, post tamen nescio quo modo rursus amiserant. Nolo enim hîc commemorare, quemadmodum *Raymundus Berengarius*, eius nominis, & cognominis tertius, *Barcinonensis Comes*, qui anno millesimo centesimo trigesimo primo ex hac vita migravit, *Maioricam* insulam expugnavit, & *Sarracenis* pulsus eius incolas ad fidem Christi reuocarit anno millesimo centesimo decimo tertio. quia illud memoriæ proditum est, *Genueses* postea, quibus à Berengario in Hispaniam reuerso *Maioricæ* cura mandata fuerat, *Sarracenis* magni auri pondus offerentibus insulam reddidisse. Illud quoq; silentio prætereo, *Pisanos* non multis inde annis à *Paschali secundo Pontifice* rogatos expeditionem in *Sarracenos* suscepisse, atq; has insulas in potestatem suam adduxisse, ita ut etiam interfecto rege *Sarracenorum*

norum, reginam captiuam vnà cū filio paruulo in triumphum quodāmodo Pisas perduxerint. quia illud quoq; in monumentis rerum gestarum est notatum, ipsos deinde ad postremum filium illum in paternum Maiorice regnum remisisse. Ex his igitur omnibus satis cuiq; constare potest, Iacobum Arragonie regem, de quo ante mentionem feci, non immeritò primum posse appellari, qui has insulas è manibus Sarracenorum eripuerit, cum etiam Iacobum filium Maiorice regem declararit. Verū hic Iacobus ab Alphonso, qui ex Petro Arragonie rege fratre, nepos ipsius fuit, regno Maiorice priuatus est, propterea quòd aduersus Petrum patrem suum Gallis adhereret. Quo regno postquam est potius Alphonsus, animum simul ad recuperandam Balearem alteram, quæ Minorica nuncupatur, adiecit. Itaq; armis contra Sarracenos susceptis, & eos ex insula depulit, & totam illam gentem sub ius iudiciumq; suum coegit. Atq; hoc quidem modo hæ insule tunc primum inter se consociatæ sunt, ita vt vnum tantummodo regnum constituere int. Hic autem Alphonsus est ille, qui, cum per annos sex Arragonie regno præfuisset, nullis relictis liberis, anno millesimo ducentesimo nonagesimo secundo mortuus est, quiq; & Laggi, & Casti cognomina obtinuit. Ceterū illud est notandum, Balearicum regnum non sub hoc Alphonso

Arta

1292

DE TITVLIS

- Arragonie regno fuisse additum, (si quidem Petrus
Anno ipsius pater, cum vita decederet, Iacobo fratri restitui
1286 iussit,) sed sub Petro quarto Arragonie rege, Alphonsi
 filio, & Iacobi, qui Alphonsi Largi frater fuit, ne-
 pote. Nam hic Petrus, post administrationem regni
1336 Arragonie susceptam anno millesimo trecentesimo tri-
 gesimo sexto, cum videret Iacobum Maioricarum
 regem Iacobi primi regis fortasse nepotem, vel prone-
 potem obsequium sibi debitum denegare, hoc regnum,
 expulso illo, potestatis suae fecit, Arragonieq; regno
1387 attribuit. Post igitur Petrum, qui anno octuagesimo
 septimo supra trecentesimum & millesimum obiit,
 Balearicum regnum in eadem Arragoniorum familia
 vsq; ad Ferdinandum Catholicum permansit. qui de-
 ceptus una cum reliquis omnibus suis regnis illud in AV-
 STRIAM gentem transmisit.

DE REGNO INSULARVM
CANARIAE.

QVÆ à nobis INSVLAE CANARIAE nomi-
nantur, hæ ad Occidentē in Oceano meridionali
contra extremam Mauritaniam sunt, & Fortunatæ
priscis auctioribus fuere, à fructuū vbertate, atq; aeris
temperie sic dictæ. Illas autem sex numero fuisse fe-
runt, earumq; primam Ombrion appellari, secundam
Iunoniam, tertiam eodem nomine, quartam Capra-
riam, quintam Niuariam à perpetua niue, sextam
Canariam, ingentibus canibus plenam. Nostra ta-
men ætate has insulas decem esse inter omnes con-
stat, atq; ex his septem quidem inhabitari, reliquas
verò incultas, & ab omnibus destitutas esse. Quæ à
cætu hominum frequentantur, hæ nobis sunt Lanza-
rote, Forteuentura, Canaria, Teneriffe, Gomera,
Palma, Ferrum. reliquarū trium nomina obscuriora
ad

DE TITVLIS

ad hunc locum nihil pertinent. *Eas verò septem insulas, quas dixi hominibus non carere, idolorum cultoribus semper paruisse inuenio, quousq; tandem à militibus Hispanis fuerint ad Christianorum imperium adiectæ. Primi autem, qui onus hoc subierint, fuere*

1393 *Hispalenses, & Cantabri quidam, qui anno millesimo trecentesimo nonagesimo tertio, tempore Henrici tertij, Castellæ regis, ad has insulas adnauigarunt, & prælio cum indigenis insulæ Lantarotes conferto, non solum ingentem inde prædam, sed regem etiam insulæ cum regina captiuum in Hispaniâ abduxerunt. Qua re valde accensus Henricus tertius Rex, ut insulæ Canariæ citius è barbarorum manibus extorqueretur, eas feudi loco Ioanni Vetancurtio militi Franco, & maximarum in Francia opum attribuit. qui postea*

1417 *etiam anno millesimo quadringentesimo decimo septimo, opera Rubini Bracamontij Franciæ Ammirantis propinqui sui, Insularum Canariæ Rex appellatus fuit. Hic igitur Ioannes classe comparata ad has insulas profectus, Lantarotem, Forteuenturam, Gomeram, & Ferrum suo imperio subiecit. Interea Rex Portugalliæ has insulas ad se pertinere existimans, earum principatum ab Eugenio quarto Pontifice petere non dubitauit. Sed Pontifex re in disquisitionem adducta, eas Ioanni secundo Castellæ regi adiudicauit anno millesimo*

millesimo quadringentesimo trigesimo primo. Mor- 1431
tuo autem Ioanne Vetancurtio, successit affinis eius
Menautus quidam. Hic, cum populis nullo modo gra-
tius, acceptusq; esset, has quattuor insulas Petro Bar-
bæ homini diuiti vendere coactus est. Petrus inde eas
quoq; non parua prius accepta pecunie summa, Fer-
dinando Peraze tradidit. qui cum omnes suas vi-
res ad reliquas insulas acquirendas contulisset, nihil
tamen vnquam profecit. Eius vita functi locum obti-
nuit Didacus Heredia, quod Ynem Perazam Ferdi-
nandi filiam vxorem haberet. Hoc regnante Ferdi-
nandus Arragonie rex, qui Catholici cognomen me-
ruit, Castellæ quoq; regnum ob Isabellam coniugem,
Ioannis secundi filiam consecutus, cum periniquo ani-
mo ferret, Herediam reliquas tres insulas nequaquam
occupare posse, cum eo pactum huiusmodi fecit: ut
omni iuri, quod sibi ipsi in insulis Canariæ competere
affirmabat, renunciaret; Ferdinandus verò ob hoc
quindecim millia nummum aureorum ei numeraret,
atq; insuper titulum Comitum insularum Gomera, &
Ferri concederet. Hoc pacto inito, Ferdinandus Rex
nulla interposita mora circiter annum millesimum qua- 1480
dringentesimum octuagesimum, Petrum Veram cum
classe misit, qui Canariâ insulam subigeret. In eius ex-
pugnatione tres anni consumpti sunt. Tandem in Christia

G norum

DE TITVLIS

1494 norum potestatem peruenit. Anno inde millesimo quadringentesimo nonagesimo quarto, alie due insulae, Palma, & Teneriffe, captae sunt, & Castellae regum coronae addictae. Ab eo tempore hae insulae Canariae summa cum pace Castellae regibus semper obtemperarunt. Ex quo fit, ut Maiestas vestra, PHILIPPE REX, cum Castellae regnum moderetur, harum quoque insularum non immerito regnum sibi vindicet.

DE REGNO ORANI.



ORANVM Vrbs munitissima, & nobilissima, quippe quae dignitatis Regiae titulum non sine causa acceperit, in ea orae Africae parte, quae Murciae regno in Hispania respondet, posita est. Eam porro à Mauris iamdiu possessam, Ximenes archiepiscopus Toletanus, dum Ferdinandus Catholicus Hispaniarum regno potiretur, vi atque armis subegit, & captam Castellae regno adiudicauit. Verum, ut omnia plenius percipiam

percipiantur, exordium repetendum esse nobis paullo
 longius videtur. Franciscus Ximenes à principio fratrum
 minorum Observantium religionem professus, probita-
 te morum, sanctitateque vite adeo conspicuus euasit, ut
 eo præcipue nomine Isabella reginae Ferdinandi uxori
 carus haberetur. Qua de re præstantissima mulier, ut
 meritam Francisco gratiam iustis honoribus persolue-
 ret, illud maxime contendit, ut is ad Toletanum ar-
 chiepiscopatum eueheretur, quod est totius Hispaniæ
 amplissimum, atque opulentissimum sacerdotium. Quo
 in honore ob summam religionem, ac pietatem ita om-
 nibus se se probauit, ut etiam à Iulio secundo Ponti-
 fice Maximo, anno millesimo quingentesimo septimo, 1507
 S. R. E. Cardinalis renunciaretur. Itaque Ximenes ar-
 chiepiscopi, & Cardinalis partes tunc sibi esse suscipien-
 das ratus, id est, dignum esse existimans, se aduersus
 omnes à Christiana fide abhorrentes Ecclesiam Roma-
 nam acriter tueri, ducentas naues omni bellico apparatu
 optime instruxit, & quattuordecim millia delectorum
 hominum, quos sumptibus suis conduxerat, in ipsas im-
 posuit, ut Mauros ex Africa depelleret, & totam
 illam gentem Pontificis Romani sacris subijceret. Hoc
 igitur pio, nobilique præstantis animi decreto, classem ex
 portus iam educatam anno millesimo quingentesimo nono, 1509
 ad proximum Mauritaniæ littus applicuit: ubi primò
 G ij Portum

DE TITVLIS

Portum Magnum, qui nunc dicitur Mazzanchibir, deinde verò Oranum urbem regiam, & percelebrem adeò felici rerum euentu oppugnavit, ut breui tempore sub potestatem suam redegerit. Atq; hoc quidem pacto regnum Orani à Ximene viro omni laude dignissimo, ut qui etiam Complutense gymnasium in Hispania ære suo instituerit, Castellæ regibus est attributum. Qui etiam hodie fauste, prospereq; ibi rerum potiuntur.

1518 Ximenes anno à partu Virginis millesimo quingentesimo decimo octavo, extremum vitæ spiritum edidit.

DE REGNIS INSVLARVM INDIARVM, TERRAE FIRMAE, & Maris Oceani.



HÆC tria INSVLARVM INDIARVM, TERRAE FIRMAE, ET MARIS OCEANI REGNA totum fere novum orbem continent, qui paullò ante patrum nostrorum memoriam ab Hispanis regibus non solum

solū apertus, sed etiam partus, eorum et dignitatem,
& ditionem mirabiliter auxit. Sub nomine verò regni
Insularum Indiarum eae clauduntur insulae, quae ab Hi
spania ad nouum orbem nauigantibus occurrunt, inter
quas praecipuae sunt Hispaniola, Cuba, Iamaica, ut mul
tas alias, de quibus inferius dicemus, praetercamus.
Terra autem Firma totam illam noui orbis partem com
plectitur, quae à Septentrione in Meridiem tendit sub
forma duarum peninsularum, quae tenui isthmo discer
nuntur. Quarum quae ad Septentrionem vergit, Ter
ram Floridam, & Nouam Hispaniam in primis,
quae verò ad Meridiem, Perutum, atq; alias amplissi
mas regiones comprehendit. Regnum autem Maris
Oceani quod sit, nomen ipsum per se satis ostendit, cū
illud indicet, maris Atlantici nauigationem & ab Hi
spanis inuentam, & ipsorum propriam esse. Ceterū
nouus orbis vno etiam Indiarū vocabulo gaudet, quòd
sicuti India illa maxima, & celeberrima Asiae regio
claudit Orientem, sic haec nostrae Occidentem. De qui
bus si omnia, quae vel litteris prodita sunt, vel vulgò
sermonibus hominum iactantur, hīc ordine recensere
vellem, & res esset infiniti propè laboris, & nullius
ferè vtilitatis, cum pleraq; longè à vero abesse multi
opinentur. Quamobrem illud vnum breuiter decla
rare conabimur, quis primus hanc nauigationem insti
tuerit,

DE TITVLIS

tuerit, & per quem deinceps, & quo tempore hic
 nouus terrarum tractus sit Hispaniarum regno contri-
 butus. Huius igitur nauigationis auctor fuit Christopho-
 rus Columbus Genuensis, qui præalto ingenio, magni-
 tudineq; generosi animi æternam nominis famam sibi
 comparauit. Quippe cum multas esset regiones emen-
 sus, & multum maris, & Oceani perlustrasset, in
 eam sententiam venit, ut crederet, globum hunc ter-
 ræ esse huiusmodi, ut commeandi per omnes eius par-
 tes facultas hominibus suppeteret, atq; Oceanum non
 esse magnitudinis inertis, sed insulis, ac terris scatere.
 Qua de re hanc sententiam suam Ferdinando, & Isa-
 bellæ Hispaniæ regibus aperit, edocetq; ditionem ipso-
 rum magnopere iri auctum, si hanc rem susceperint,
 & sua ipsius consilia opibus iuuerint. Qua sententia Co-
 lumbi, quam quidem totum iam septennium respue-
 rant, tandem comprobata, tria ex his nauigia, quæ
 1492 vulgò Carabellæ dicuntur, anno Christi millesimo qua-
 dringentesimo nonagesimo secundo, omnibus rebus ad
 hanc nauigationem necessarijs instruxerunt, atq; ipsi
 Christophoro tradiderunt. Quibus acceptis, cum Hi-
 spania soluisset, ad insulas Fortunatas, quæ Canariæ
 nunc appellantur, profectus, ab ijs tres & triginta to-
 tos dies Occidentem secutus solem, ad extremum Gua-
 nahanam, quæ est vna ex insulis Lucayos, accessit. atq;
 ibi

ibi regum Hispaniae nomine possessionē noui orbis iniuit. Inde nonnullas alias insulas reperit, quas tamen cū præterisset, naues suas ad quendam Cubæ insula, quam Ferdinandam tunc nominauit, portū applicuit. Quam insulam circumuectus, & Hispaniam versus vela flectens Caitæ, siue Haytæ insulam attigit, quam Hispaniolam vocauit; quæ nunc S. Dominici nomine ornatur, propterea quod ibi Bartholomæus Columbus Christophori frater urbem eius nominis, quæ nunc principem sibi locum asciuit, condiderit. Hic Columbus cum rege insule amicitia, fædereq; inito, duo de quadraginta ex suis apud illum reliquit, qui mores hominum explorarent, & sermonem gentis addiscerent. Deinde ex insularibus decem secum ducens, Hispaniam petere contendit. Quò cum peruenisset, summo est honore ab omnibus, & præcipue à Regibus exceptus. quippe qui virtuti ipsius plurimum esse tribuendum existimarent, atq; etiam illud vnum animo agitarent, Christianum nomen latius diffundere, ac propagare, barbarasq; gentes ad Christianam fidem adiungere; cū etiam paullo ante Mauros ex Granatæ regno expulissent. Itaq; Christophorum non amplius Columbum, sed totius maris Oceani Ammirantem dici voluerunt, & amplissimis stipendijs exornarunt, vt meritam ipsi gratiam aliqua ex parte persoluerent. Hac re statim

DE TITVLIS

tim Romam perlata, Alexander sextus, qui tunc Pontificiam dignitatem obtinebat, nihil sibi prius, atq; antiquius esse duxit, quàm ut horum Hispaniæ regum animis rei pulcherrimæ cupiditate accensis quasi arden- tes faces aliquot admoueret, quò magis atq; magis iam inceptam nauigationem retinerent. Quamobrem eorum pio voto permotus, cum interim Portugalliæ rex per legatos apud eosdem Hispaniæ reges cōquestus esset, sua littora, suasq; regiones ab ipsis tentari, diceretq; eas, quas reperissent, insulas ad se pertinere, cuius maiores Oceano se committere ante omnes alios essent ausi, tota re cognita constituit, ut à Polo Arctico in Antarcti cum recta linea duceretur, quæ ab Hesperidum insu- lis, quæ nunc Capitis Viridis appellantur, quatercente- na millia passum in occasum distaret, ut quicquid no- ui orbis in Oceano ad occidentalem plagã detegeretur, ad Hispaniæ reges spectaret; quæ verò pars orbis esset ad orientem, ea Portugallensibus cederet. Atq; ita orbem terrarum in duas diuisum partes duobus regibus perquirendum, & obtinendum tradidit. ad quam qui- dem rem magna vterq; diligentia consequendam se de- dit. Nam, (ut omittamus Portugallenses, quem-
Anno admodum nostrorum cōmentariorum ratio postulat,)
1493 Catholici reges acrius inflammati, anno insequenti de- cem & octo nauium classem compararunt, ut Christo-
phorus

phorus maris Oceani Ammiras maiorem hominum numerum omni genere armorum instructum, & multum commeatus, seminaq; frumenti, atq; arbores, quæ terræ mandarentur, & instrumenta omnis generis ferrea, quæ ad urbem condendam vsui essent, reliquaq; huiusmodi in illas orbis terrarum partes nunquã antea cognitæ posset comportare. Cum igitur nactus idoneum ventum Gadibus naues soluisset, primum ad insulas Canariæ peruenit, atq; inde ad leuam iter faciens meridiem versus, post quattuor & viginti dies ad complures insulas Anthropophagorum, qui Canibali vocantur, est delatus, eamq; insulam, quam ante omnes alias conspexit, Desideratam nominauit, propterea quòd terræ videndæ sũmo teneretur desiderio. Ulterius progressus quandam aliam insulam inuenit, quam Crucem nuncupauit. Qua relicta, multas alias præterijt insulas, inter quas vna erat Matinina nomine, quam sola mulieres Amazonum more inhabitabant. Illinc discedens eas præternauigauit insulas, quas appellauit Montemferratum, S. Mariam rotundam, S. Martinum, S. Mariam antiquam, S. Crucem, ad quam hauriendæ aquæ gratia processit. Inde innumerabiles alias nobis aperuit insulas, quas tamen ob sæuitiam maris, & scopulorum in littore frequentiam attingere non potuit. Quasdam tamen naues, quæ altiore fundo

H non

DE TITVLIS

non indigebant, speculandi causa misit, quæ cum propius accessissent, supra quadraginta septem insulas numerarunt. Hinc digressus, nactus est aliam insulam nomine Buchemam. Tandem verò cum tota classe ad insulam Hispaniolam deuenit, omine tamen inauspicato. Ibi enim de morte suorum, quos, ut diximus, reliquerat, cognoscit, quos omnes Indorum rex, cum homines alienos in suis regionibus diutius immorari nullo modo ferre posset, interfecerat. Quamobrem nè quid posthac grauius sibi accideret, urbem condere, muroq; præcingere cepit, cui in honorem Hispanæ Regine nomen Isabelle indidit. Aliam quoq; in interioribus insule locis arcem extruxit, quam nomine diui Thomæ decorauit. Dehinc naues duodecim, nè quid detrimenti acciperent, in Hispaniam remisit, quæ de Hispanorū morte nuncium attulerunt, et quosdam etiam Anthropophagos secum abduxerunt. His omnibus peractis rebus, ipse cum tribus liburnicis nauibus profectus est nouas regiones, nouaq; littora quæsiturus. Et primum illam Cubæ insule partem, quæ meridiem respicit, deinde Iamaicam, quæ nunc diui Iacobi nomen habet, reperit. Qua dimissa, cum percurrrens littus maris innumeras vidisset minores insulas, Hispaniolam repetere instituit. Ex qua postea, dum interim insulam Bartholæo fratri administrandam relinqueret, reditum

ditū in Hispaniam apparauit anno Domini millesimo
 1495
 quadringentesimo nonagesimo quinto, ut regem Hispa-
 nie de singulis rebus certiore faceret. Ex quibus om-
 nibus cum Ferdinandus rex & eximiam Columbi
 virtutem, & singularem erga se fidem liquido perspe-
 xisset, primum ei amplissimis verbis gratias egit, dein
 de omnibus liberalibus eū officijs excoluit, adhortatusq;
 est, ut etiam in posterum eandem erga se voluntatem
 tueretur. Post hæc octo naues omnibus rebus instru-
 ctas ipsi Christophoro attribuit, ut adhuc noua littora
 posset appetere. Quarum ille duas statim ad insulam
 Hispaniolam cursum dirigere iussit, ut & hominum,
 & rei frumentaria præsidia Bartholæo fratri sup-
 portarent. Reliquas verò ex portu educens, anno qua-
 1497
 dringentesimo & nonagesimo septimo supra millesi-
 mum, (quamuis non desint, qui hoc tertium iter in
 annum nonagesimum octauum conferant,) Mederam
 insulam petijt. Ibi classẽ bifariam partiti, tres na-
 ues ad insulam Hispaniolam misit. Ipse autem cum tri-
 bus reliquis meridiem versus cursum tenuit, Aequa-
 torem traiecturus, deindeq; ad occidentem deflexurus,
 ut diligenter ea omnia, quæ nobis omnibus antea fue-
 rant incognita, scrutaretur. Cum igitur ad promonto-
 rium, quod Viride à nostris dicitur, peruenisset, ulte-
 rius etiam vsq; ad zonam torridam nauigauit, ubi in

H ij tantos

DE TITVLIS

tantos incidit calores, ut non sine magno vitæ discrimi-
 ne illis orbis partes adierit. Illinc naues in occidentē re-
 flectens, tandem ad regionem quandam & auro, &
 gemmis maximè diuitem, quæ Paria vocatur, est
 deuectus. Inde omnem illam maritimam oram per mil-
 lia trecentaq; & viginti milliaria legit vsq; ad illud
 promontorium, quod nos Lauellanum appellamus. De-
 ficiente enim re frumentaria, coactus fuit Ammiras
 hinc discedere, citatoq; cursu se ad insulam Hispanio-
 lam conferre. Vbi quidem omnia in peiorem partem
 versa, atq; mutata inuenit, cum Hispani & suum,
 & fratris sui imperium detrectarent. Vnde etiam ob
 hanc rem falsis obiectis criminibus, eorum nomen apud
 regem Hispaniæ detulerunt, & tandem vinctos quoq;
 1499 in Hispaniam miserunt, anno millesimo quadringente-
 simo nonagesimo nono. ita ut fortuna per se inconstans
 in attollendo, premendoq; Christophoro mirabiles ludos
 ediderit, cum eum tam vario euentu iactauerit, ut qui
 modo insigni gratia floreret, nunc graui pressus inuidia
 penitus mergeretur, cum omni dignitate spoliatus non
 sine maximo dolore vitam duceret. Ipsa tamen Colum-
 bi iam sæpe perspecta, probataq; virtus, quæ nulla vn-
 quàm vi perfringi, labefactariuè potuerat, tandem
 regis Ferdinandi animum leniuit, ita ut Christophorū
 in antiquum gratiæ locum restitueret. Qua de re quat-
 tuor

tuor naues omni rerum necessariarū copia repletas ipsi
tradi iussit, ut denuò inaccessas orbis partes adiret. Cum
igitur anno quingentesimo secundo post millesimum ex 1502
Hispania discessisset, recto cursu ad insulam Hispanio
lam contendit. Inde in occidentalem plagam iter arri-
puit, & Guanaxiam insulam continenti terræ fini-
timam nactus, ad prouinciam quandam maximam
perrexit, quæ ab incolis Iguera, ab Hispanis verò Fon-
duri promontorium nominatur. Ibi è naui egressus, ab
incolis liberaliter susceptus est, amplissimiq; muneri-
bus ornatus. Illinc recedens, velaq; in orientem flectens,
oram illam rasit, & Veraquam, Zorobariq; insulas
non longè à continenti seiunctas reperit. Quin etiam lon-
gius progressus, illud promontorium tenuit, quod No-
men Dei vocant. Inde mare traiecit, & Cubam pri-
mum, deinde Iamaicam, tandem verò post multos la-
bores exhaustos Hispaniolam petijt. Ex qua postea in
Hispaniam profectus, non sine maxima omnium ad-
miratione regem Ferdinandum de his regionibus, quæ
nuper à se ipso fuerant inuenta, fecit certiore. ita ut
omnes eum perspicaci ingenio, peracri iudicio, singulari
prudencia, omni deniq; virtute præditum non iniuria
prædicarent. Verumtamen ille viuus hac tanta gloria
diutius perfrui non potuit, cum non multò post, anno
millesimo quingentesimo sexto, atroci fato nobis erep- 1506
tus,

DE TITVLIS

tus, summum apud posteros sui desiderium reliquerit. Illud tamen non minimum debet ei afferre solatiū, quod ei defuncto tantus habeatur honos, quantus virtutis causa tribui homini possit. cum tot gentes abditas, atq; sepositas primus nobis ostenderit, & quod nulla vnquā priscorum littera penetrarant, eò ipse Hispania regum signa audacissime, felicissimeq; intulerit.

Columbo autem morte sublato, non defuerunt, qui maritimarum nauigationum periti Oceanum percurrere, atq; ipsi quoq; pari æmulatione laudis, & spe questus adducti noua littora querere auderent. Ceterum inter hos, qui inaccessas orbis plagas summo studio petierunt, quinq; præcipue viri tantam sibi laudem compararunt, vt perpetuis Hispanorū monumentis celebrati, æternam nominis sui famam sint consecuti. De quibus nos tantum verba faciemus, cum reliqua omnia, quæ ad Indiarum cognitionem pertinent, ab Hispanis historicis, à quibus etiam hæc ipsa accepimus, sint diligenter, & accurate litteris consignata.

Atq; vt ordine procedamus, Blasius in primis Nunius summa fuit laude dignus, nisi fœdissimo uitæ exitu partam iam ante gloriam corrupisset. Hic siquidem, cum iamdiu Paria teræ, & Darienæ regionis littora peruagatus esset, isthmum quendam ad Urabanum sinum nactus est, quo duo ingentia maria, Boreale,

1513
 & Australe, diuiduntur. Anno enim salutis humane millesimo quingentesimo decimo tertio, à Darienis littore cum ducentis ferè militibus discedens, monstrantibus iter indigenis, summorum montium iuga tenuit, & subiectum in aduerso littore vastissimi pelagi sinum conspexit, quem S. Michaelis nomine insigniuit, quòd eo ipso die possessionem huius noui maris nomine sui regis adijisset. In eo autem terrarum tractu auri, & Vinionum ditissima regna reperta sunt, ita vt non iniuria Castellæ Auræ nomen illa regio tulerit. Quin etiam conspectæ, aditæq; aliquot insule earum rerum opulentia maximè celebres, quas nos iccirco Insulas Vinionum vocitamus. Ibi multo auro inuento, regulisq; eius regionis aut muneribus delinitis, aut cruenta acie subactis, Blasus eò, unde profectus erat, breuiori itinere redire constituit: atq; ita non plus inter se distare diuersa maria, quàm milliaribus centum, deprehendit. Verùm non multò post in atrocem regni affectati suspensionem venit, eo rerum euentu, vt in vincula coniectus, reusq; maiestatis factus, capitali pæna damnatus fuerit. Indignus certè eo supplicio, nisi perfidiose noui imperij libido eius animum peruasisset, quòd & opulentissimam regionem Hispaniæ imperio adiecerit, & ad laeuam longo tractu Peruti amplissimum regnū successoribus Didaco Almagro, & Francisco Pizarro

DE TITVLIS

zarro demonstrarit. Quorum res antequam memorie prodantur, nè temporum ordo inuertatur, prius de Ferdinando Cortesio, & de Ferdinando Magallane commemorandum videtur.

1504 **CORTESIUS** annos natus decem & nouem ingenti Oceano se se credere non dubitauit, anno millesimo quingentesimo quarto, vt omnia ea, quæ de orbe nuper inuento afferebantur, oculis certius perlustraret. Cum autem per annos quindecim illis in oris commoratus esset, maxima sibi animo pollicitus, si eximiam Columbi, admirabilemque in Oceano enauigando virtutem æmulatus esset, ab ultimo Cubæ insulæ promontorio, quod in occidentem recta protenditur, & Tropico Cancrī subiaceret, cum vndecim nauibus, quæ quingentos, & quinquaginta milites Hispanos adducebant, Anno profectus, directo ad occidentem cursu, in maximum 1519 occidui littoris sinum delatus est. Ibi cum ditissima Mexicanæ prouinciæ regna in mediterraneis extendi ad occidentem didicisset, terrestri itinere eò cum exercitu statuit proficisci. Egressus è naui oppidum quoddam, quod Veram Crucem nuncupauit, condidit, vt si Indorum impressiones sustinere nequiret, eò loci se se recipere tutò posset. Illinc progrediens Zempoallam urbem, quam Sibilliam vocauit, in deditionem accepit. ex qua multa prætergressus oppida, tandem Mexicum, quam

quam urbem etiam Temistitan fuisse appellatam à scriptoribus traditur, peruenit. Quæ medio in stagno, cuius pars aquæ dulcis, altera salæ esse perhibetur, posita, ædificiorum, & incolarum frequentia admirabilis, totius provinciæ obtinet principatum. In ea Mutezuma potentissimus omnium barbarorum rex, quippe cuius imperium longe, lateq; se se diffunderet, sedem regiam habebat. Qui incredibili Christianorum virtute, felicitateq; perterrefactus statim se se dedit, & Christianos libentissime hospitio suscepit. Sed paullo post, cum deditionis penitere diceretur, in custodiam coniectus, cum sui eum è seruitute eximere conarentur, forte fortuna caput lapide ictus interijt. In eius locum Cortesius post multam, & cruentam contentionem suffectus est, eo titulo, ut Cesaris Caroli Hispaniarum regis vices se gerere profiteretur. Qui postea titulus etiã à Carolo confirmatus est, anno millesimo quingentesimo vigesimo secundo, cum omnem hanc provinciam, quæ Nova Hispania appellari cepta fuerat, Cortesio pro arbitrio suo gubernandam tradidisset. Exinde noua, ingensq; cupido Cortesij animum inuasit vltiora perquirendi, eaq; omnia regna agnoscendi, quæ multo auro, argentoq; scatere, ac pretiosis gemmis abundare ferebantur, cum etiam varijs percunctationibus non longe abesse Oceanum comperisset. E' Mexicana igitur regione
I per

1522

DE TITVLIS

per occidentalem lineam terrestri itinere contendens, paucis diebus ad litus exterioris Oceani accessit. Vnde, si naues adessent, peti posse consideret per Antipodas Sinarum regna, Catinaſq; oras ad orientem nostrum, à quibus Molucchas insulas omnibus aromatum, atq; vnionum diuitijs refertas non longe sitas esse constaret. Ibi Cortesius latè explorato littore, Mexicum est regressus. Vbi barbarorum templis rite expiatis, Deo Christo, Mariæq; Virgini eius matri solemnes aras excitauit, & Baptisterium condidit, ut eo modo Indorum gentem abdicatis idolorum superstitionibus ad verum Christi cultum traduceret. In Hispaniam inde venit, et ingens auri pondus, gemmasq; supra opinionem pretiosas Cesari Carolo obtulit, atq; eum de omnibus rebus, quas pro commodo, dignitateq; ipsius gessisset, admonuit, cum tam magnū terrarum tractum imperio eius parere coegisset. Ob quam rem præmium rettulit à principe clementissimo Marchionatum Vallis Huaxacac, eumq; titulum, ut summus rei militaris præfectus per Nouam Hispaniam diceretur. Quibus honoribus decoratus Mexicum redijt, nouamq; expeditionem ad Oceani oram maritimam suscepit. Postea rursus in Hispaniam coactus fuit reuerti, cum inuidia tantarum opum non deessent, qui aliquid ei detrabere conarentur. Vbi septennio post, quàm venerat, sexagenario

rio maior fato concessit.

AT CORTESIO nouis regionibus adinuentis æquari potuit Ferdinandus Magallanes memorabili nauigatione inclytus, si totum nauigationis sue iter perficere feliciter potuisset, & si in limine ipsarum Moluccharum, quas tanto studio quæritabat, nobis atroci morte surreptus non fuisset. Hic enim auspicio Caroli Caesaris quinq; nauium classem comparauit, vt nouum, & breuius iter, quàm quo proficiscebantur Portugallenses, reperiret, quo insulas Molucchas celeriter Hispani petere possent. Itaq; Hispania soluens anno 1519 millesimo quingentesimo decimo nono, insulas primùm Fortunatas, deinde Hesperides attigit. ex quibus cum mare traiecisset, ad promontorium S. Augustini naues appulit, legendoq; illam oram præteruectus lineam Capricorni, atq; ostia immensi Argentei fluminis, (sic enim Hispani vocant,) ferocium gigantum instar prægrandes homines inuenit. Nec multum inde, vti auide querebat, prope Antarcticum polum in anfractuosas fauces incogniti antea freti summa cum audacia inuectus est, cum non vana coniectura sibi persuasisset, eum sinum non longo tractu in apertum ad occidentem pelagus desinere, atq; ita noui orbis terras illac irrum-pente Oceano peti posse. Neq; eum ratio, quam ex naturæ lege hauserat, ludificata est, cum nautas, sociosq;

I ij suos

DE TITVLIS

suos post vigesimum & septimum diem, ex quo sinum ingressus esset, in vastissimum Oceanum eduxerit, ad dextram vela detorquens, ut ad Capricorni, & ad ipsam Aequatoris lineam rediret, sub qua Molucchas insulas, ad quas contendebat, esse positas cognouisset. Nihil inde terrarum Magallanes per quadraginta amplius dies vidit, praeter quasdam insulas, quas Desertas appellauit, quod ibi nulla hominum vestigia appa-
rerent. Quibus relictis, cum secundissimo cursum teneret vento, quamplurimas inuenit insulas. Tandem Zebutham ingentem insulam multis alijs praeteritis adiit. Ibi cum regulo insulae foedus, amicitiamque iunxit, & verum Christianae religionis cultum induxit, cum regem ipsum, et maximam incolarum partem sacro fonte baptismatis expiandos curarit. Erat autem huius regis tanta in illis regionibus auctoritas, ut multi alij propin-
quarum insularum reguli eius precibus Zebutham venirent, ut cum Christianis foedera sancirent, & Christianos ritus addiscerent. Unus tamen exstitit Mauthanae insulae princeps, qui Christianos inuisere abnuit, quod sibi turpe fore diceret, si illis, quos ne fama quidem vnquam cognouisset, dicto audiens fuisset. Quam iniuriam vlciscendam ratus Magallanes, Zebuthani socij regis auxilio contra eum profectus est, diuino tamen numine aduerso, cum praelio inito fortiter dimi-
cans

can: sagitta confossus occubuerit, anno millesimo quin-
 gentesimo vigesimo primo. infelix quidem, quod qui
 Molucchas insulas tantopere quasitas vidisset, eas
 tamen voti sui compos attingere non potuisset: beatus
 autem, atq; ea de causa cum antiquis heroibus com-
 parandus, quod primus vniuersum prope orbem cir-
 cumire tentarit, & inauditum antea fretum, quod à
 cognomine suo nomen sortitus est, inuenerit, quo ex
 occidente transgredi ad orientem possumus. Ei verò à
 militibus suffectus est Ioannes Serranus, qui dum ab
 insula discessum parat, perfidia Zebuthani regis, qui
 Christianos odio persequi cæperat, cum multis alijs
 Hispanis captus, à socijs misere ibi derelictus est, cum
 omnium salutem noui ducis libertati, vitæq; anteferen-
 dam esse iudicarent. Multas igitur prætergressi insu-
 las, tandem Molucchas adiere, cum duas naues
 vsi reliquarum armentis refecissent. Ibi cariophylo,
 ac cinnamomo, & omni aromatum genere naues suas
 replentes, naturam, magnitudinemq; Moluccharum
 diligenter scrutati sunt. Inde inter eos ita conuenit, vt ex
 duabus nauibus vna eo, quo vtebantur Portugallen-
 ses, itinere in Hispaniam rediret, (naui nomen Victo-
 riæ inditum erat,) altera verò Panamam, vel No-
 uæ Hispaniæ littus breuiori itinere appeteret. Quamob-
 rem Hispani, qui Victoria naui vehebantur, ventis
 vela

DE TITVLIS

Vela dantes incogniti Oceani immensis spatijs vsq; adeò
audacter se se commiserunt, vt præteruecti Auream
Chersonesum, & Samotrā, Bonæ Spei promontorium
superarint, & ad Hesperides insulas peruenerint; ex
1522 quibus in Hispaniam tandem incolumes deuecti fue-
rint, anno millesimo quingentesimo vigesimo secundo.
Altera verò nauis, quæ alium cursum tenebat, cum
tempestatis, ac ventorum vi ad Molucchas regressa
esset, ibi à Portugallensibus capta, & omnibus rebus
exspoliata est. Atq; hic quidem totius Magallanis na-
uigationis exitus fuit. Nunc partes nostræ postulant,
vt ad Didacum Almagrum, & Franciscum Pi-
zarrum orationem nostram conferamus.

HI CVM per multos iam annos Panama, quæ
Vrbs Nicaraguae prouinciæ finitima est, domicilium
suum habuissent, magnamq; sibi pecuniæ summam
adesse intelligerent, inita societate nouas regiones pro-
1525 prijs sumptibus querere instituerunt, anno millesimo
quingentesimo vigesimo quinto. Itaq; eo anno cum Pa-
nama discessissent, per S. Michaelis sinum, quem
primus Blasus Nunijs, vt supra diximus, adierat,
cursum tenuere, littora illa, quæ ad leuam sunt, le-
gendo per quadringenta ferè millia passuum, cum vlti-
rius progredi non potuerint. Nam rerum necessariarū
inopia conflictati cum in terram exire contenderent, ab
incolis

incolis prohibiti domum reuerti coacti sunt. Ubi maiore contracto exercitu rursus idem iter alacri animo sunt ingressi, & tandem post multos, ingentesq; labores, usq; ad Tumbez magnam Peruti urbem peruenere. Quo factum est, ut maximæ, ditissimæq; prouinciæ, quæ in illis orbis partibus constitutæ sunt, & quæ deinde temporum progressu sub Christianam ditionem uenerunt, vno Peruti nomine contineantur, quod nostra classis ad eam primùm regionem, quæ reuera Perutum vocatur, fuerit appulsa. In hac verò tota nauigatione tres amplius anni insumpti sunt. Pizarus autem, cum uidisset illa littora multo auro referta, audiissetq; regna etiam, quæ essent in continenti, maiore auri copia redundare, in Hispaniam proficisci decreuit, ut à Cesare Carolo Peruti administrationem impetraret. Eò cum accessisset, expositis postulatis suis, ab Imperatore obtinuit, ut summus exercitus dux, & Peruti præses appellaretur. multa enim de immensis huius regionis opibus, ac diuitijs Imperatori commemorauerat, cum montes gemmis collucere, fluminaq; prope vniuersa auream arenam ducere, atq; priuatis in domibus omnium rerum suppellectilem solido ex auro confectam reperiri diceret. ita ut omnium animos propter insitam auri sitim ad hanc expeditionem alacriter suscipiendā accenderet, & Imperatorem in certissimam spem induceret,

DE TITVLIS

ceret, fore, ut breui maximos ab hac prouincia fructus consequeretur. Pizarrus igitur his dignitatum titulis affectus Panamam sibi esse redeundum censuit, ut Perutum repeteret, & Imperatori, quod promiserat, praeſtaret. Poſtquam autem eò eſt peruentum, Tumbez primùm, quae ciuitas ſuſcipere Chriſtianos reſuſabat, expugnaui, deinde urbem non longo inde tractu condidit, cui S. Michaelis nomen impoſuit. Ibi cum de opibus Caxamalcae urbis ampliſſimae, in qua Attabalipa rex potentiſſimus reſidebat, certior factus eſſet, eò cum militibus contendere optimum eſſe duxit. Itaq; Caxamalcam proſectus, conſerto cum Indis praelio, incredibilem eorum multitudinem interfecit, atq; inſuper ipſum regem Attabalipam captiuum abduxit. Qui ſtatim immenſam prope auri vim Chriſtianis pollicitus eſt, ut e carcere eductus in libertatem reſtitueretur. Poſt eius captiuitatem Almagrus etiam Caxamalcam venit, ut de omnibus rebus partem ſuam à Pizarro ferret. Hic deinde vnà cum eodem Pizarro Cuſcum celeberrimam urbem, ac diuitijs maxime affluentem poteſtatis ſuae fecit. & Quitum quoq; regionem latiſſimam per duces ſuos Chriſtianorum imperio ſubiecit. Poſtea ipſe ſolus anno milleſimo quingentiſimo trigeſimo quinto, Chilem prouinciā quandam illuſtrem petijt, ut nihil relinqueretur, quod Chriſtiano
nomini

1535

nomini non pareret. Vbi multo auro potitus, Cuscum redijt. Sed non multò post, cum Pizarro, quem honoris gradu multò superiorem conspiciebat, inuidere cœpisset, atrocissimas cum eo contraxit inimicitias, quæ in diuturna bella ciuilia proruperunt, & vtriq; mortem acerrimam pepererunt. Si quidem Almagrus anno millesimo quingentesimo trigesimo octauo, victis, fugatisq; quodam in prælio militibus suis, in hostium potestatem venit, & in carcerem detrusus, atq; à Ferdinando Pizarro Francisci fratre capitis condemnatus, laqueo strangulatus est. Pizarrius verò non multos inde annos à Didaco Almagro Almagri filio, & ab alijs coniu-
ratis, qui Almagri turpissimam mortem omninò vlcisci statuerant, domi suæ interfectus, omnia bona sua vnâ cum vita perdidit. Atq; hunc quidem finem Almagrus, & Pizarrius tulere, qui Peruti regnum auri-ferum, & amplissimas alias prouincias sub Hispanorum imperium subiunxerunt, & Christianam religionem longe lateq; propagarunt. Ex quibus omnibus satis quisq; intelligere potest, PHILIPPE REX, Maiestatem vestram non immeritò huius noui orbis dominatum tenere, cum auspicijs, atq; armis Hispaniæ regum fuerit in Christianorum potestatem adductus. Nam & sub Ferdinando Catholico, & Carolo quinto Imperatore patre vestro Hispaniæ regibus hæc omnes nouæ

1538


Anno
1541

K regiones

DE TITVLIS

regiones fuerunt aditæ, atq; armis subactæ. Cum autem multa, maximaq; regna contineant, Maiestas vestra tribus duntaxat regnorum titulis omnia complectitur, quando nimij esset laboris, illa omnia regna numerando percensere. Quæ quidem Hispanis regibus ingentem gratiam habere debent, quod post multa tandem secula abrogatis idolorum superstitionibus, ueram Christi religionem nunc susceperint, & perpetua ciuili pace fruantur, cum inuictæ gentis præsidio terra, mariq; munitissima nihil amplius à quoquam finitimo hoste vim, & arma extimescant.

DE ARCHIDVCATV AVSTRIÆ.




A VSTRIA, quæ olim Pannonia superior dicebatur, nobilissima totius Germaniæ prouincia, quam Danubius maximus Europæ fluius mediam secat, inter Hungariam, Bauariam, Bohemiam, ac Styriam sita est. Hæc, cum à Marchionibus primùm teneretur,

teneretur, qui ab Imperatoribus finium tutandorum
caussa creabantur, Ducatus deinde titulo à Friderico
primo Imperatore decorata est. Postremò uerò, cum ad
tantas opes ascendisset, ut ceteros omnes Ducatus lon-
ge post se relinqueret, digniorem Archiducatus titulum
à Friderico secundo Imperatore obtinuit. De quibus
omnibus quia uberius in libro de Titulis Maximilia-
ni Caesaris, qui hoc tempore Austriae dominatur, su-
mus dicturi, nunc illud tantum ostendemus, cur ve-
stra quoque Maiestas Archidux Austriae nuncupetur.
Cuius quidem rei causam omnibus credo esse notissi-
mam, cum Caesar Rodolphus Habsburgensis Comes
Austriam, quae tunc legitimo successore carebat, Al-
berto filio dono dederit, & inde amplissima gens AV-
STRIACA nomen acceperit, ita ut omnes, qui ab
Alberto suam repetunt originem, Archiducis titulo
utantur. Id quod in peruoluendis historiarum monu-
mentis non minimum aliquando solet hominibus scru-
pulum inijcere, cum multi vno tempore Archiduces
nominentur. Apparet ergo Maiestatem vestram san-
guinis, & agnationis iure hunc sibi titulum asciscere.
De Archiducum porrò successionem opportunius alio loco,
pleniusque disputabitur.

K ij

DE TITVLIS
DE DVCATV BVRGVNDIÆ.



BVRGVNDIA celebris in Gallia regio, cuius fines, cum non eisdem semper terminis fuerit comprehensa, nimis est operosum describere, in duas hodie partes distinguitur, Inferiorem, & Superiorem. Inferior, quæ & Regia vocatur, et Ducatus titulo gaudet, ab Aeduis quondam fuit inhabitata. Superiorem autem, quæ Imperatoria dicitur, & Comitatus nomine censetur, cuius Metropolis est Vesontio, Sequani olim habuerunt. Hanc verò omnem regionem, quo tempore Franci, & Gotthi reliquam ferme Galliã occuparunt, Burgundiones Septentrionales populi Romanis ademerunt, atq; sub Regni titulo possederunt. Burgundionibus inde à Francis erepta, Francicoq; regno subdita, post tamen alijs proprijs, ac peculiaribus suis regibus paruit. postremò verò in Ducatum, & Comitatum distributa est, quæ diuisio nunc quoq; manet.

Burgun-

Burgundionum autem gentis, tum cum eius nomen in
 Gallia illustre factum est, quod in annum salutis qua- 420
 dringentesimum vicesimum ferè incidit, Gundencum
 quendam primum regem inuenio. A quo eius posteri
 per aliquot annos regnarunt, quousq; tandem Childe-
 bertus, & Clotarius fratres, Francorum reges, pulso,
 fugatoq; Gundemaro rege, qui Gundeci ex Gundebal-
 do filio nepos erat, hanc prouinciam inter se partiti sunt.
 quod anno quingentesimo vicesimo sexto factum esse, 526
 in quibusdā annalibus notatum extat. Post Francos,
 qui diu hoc regno potiti sunt, iterum Burgundia ad pro-
 prium regem recidit. Anno enim octingentesimo & 890
 nonagesimo, Rodolphus vir potens corona imposita rex
 Burgundionum statuitur. Quod inde regnū per annos
 plusquam centum & triginta propagatum est: siqui-
 dem postea, id est, anno millesimo trigesimo quarto, 1034
 Burgundia, vt dixi, in Ducatum, & Comitatum est
 diuisa, quemadmodum quidam Francicorum annaliū
 scriptores litteris prodiderunt, cum nihil eiusmodi apud
 eos auctores, qui huic etati ferè proximi fuere, scrip-
 tum inuenerim. Verū de Ducatu tantū nunc est
 agendum, nam de Comitatu inferius dicam. Qui qui-
 dem Ducatus, quamuis nunc à Francorum rege tenea-
 tur, iure tamen ad AVSTRIAM gentem spectat. Cu-
 ius rei non est difficilis admodū explicatio. Etenim
 post

DE TITVLIS

post interfectum Carolū ultimum Burgundiae Ducem,
 Maria unica eius filia, & haeres, Maximiliano
 Archiduci Austriae, qui Maiestatis vestrae proauus
 est, in matrimonium data, omnia bona ad maritum
 iure uxorio traduxit, sicuti etiam inferius narrabi-
 mus. Verumtamen Burgundiae Ducatus à Ludouico
 undecimo, qui ea tempestate Francorum regnum ad-
 ministrabat, praecipuus fuit, cum illum ad Fran-
 corum regiam sedem pertinere affirmaret, & quòd
 Duces è stirpe regia essent, & quòd Ioannes rex ip-
 siusmet Ludouici abauus, illum Philippo Audaci filio
 secundogenito, & Caroli quinti Regis fratri tradi-
 disse, cum mortuo Philippo Burgundionum Duce,
 haeres & successor Ducatus ob Ioannam matrem Phi-
 lippi Ducis consanguineam fuisset, anno supra mille tre-
 centosq; sexagesimo primo. Qua de re multa bella inter
 Francos, Germanosq; subsecuta sunt, cum Maximi-
 lianus ius suum acriter tueretur. Eum tamen haec tota
 res habuit exitum, vt tandem ciuitas Gandauensis
 Maximilianū ad id adegerit, vt desponsa filia Mar-
 garita Carolo Franciae Delphino, cum Ludouico rege
 pacem componeret, & quas terras, & loca Rex oc-
 cupasset, ei concederet. id quod anno millesimo qua-
 dringentesimo octuagesimo secundo actum est. Atq;
 hoc quidem modo Burgundiae Ducatus ad Francorum
 reges

reges peruenit, cum tamen ad Maieſtatem veſtram, PHILIPPE REX, directo iure pertineat. Nam & Maximilianus vi compulſus ſocietatem illam cum Ludouico rege contraxit, & ſi quid ipſa ſocietas roboris antea habuit, tunc proſus amiſit, cum Carolus rex Ludouici regis filius Margaritā Maximiliani filiam repudiauit, & Annam Britanniæ Duciffam ipſi Maximiliano per legatum nuptam, vxorem accepit. Nō mirum igitur cuiquam eſſe debet, ſi hunc titulum Maieſtas veſtra ſibi aſcribat, quamuis re ipſa Franci Burgundia potiantur.

DE DVCATV MEDIOLANENSI.



MEDIOLANVM illuſtris quondam citerioris Gallia, rebus Populi Romani florentibus, ciuitas, eandem quoq; ſub Imperatoribus Romanis retinuit dignitatem. Afflicta inde à Gothhis, & Longobardis, procedentibus tamen temporibus reſtituta, magnas

DE TITVLIS

magnas sibi opes cūm incredibili ciuium potentia, tūm
summa Archiepiscopi auctoritate comparauit. Othone
inde Magno Germania rege in Italiam aduersus Be-
rengarium Italia regem vocato, multò etiam quàm an-
tea magis creuit, cum Archiepiscopus regnum Italie
Othoni detulisset, eumq, in eade S. Ambrosij corona
regia, quæ ferrea erat, ornasset. Quibus rebus elata
ciuitas eò superbiæ prouecta est, vt non solum Conra-
do Imperatori Archiepiscopo duce restiterit, sed etiam
Laudenses, Comenses, ac Papienses, neglecto ipso re-
gum imperio, sibi parere coegerit. Quo factum est, vt
à Friderico Barbarussa eo nomine sit deleta. Restituta
inde, & priuilegijs multò amplioribus decorata, ple-
rumq, Imperatorum rebus inuidit. Itaq, cum Friderico
secundo Imperatore, vnà cum ceteris Italia ciuitati-
bus in duas factiones esset distracta, Guelforum, &
Gibellinorum, Turriani exorti sunt, qui se in ea ex-
cellentius gerere cæperunt. Turrianorum autem paullo
post opibus fractis, Vicecomites principatum excepe-
runt. Qui cum se diu pro Vicarijs Imperatoris tulissent,
tandem nomine Ducum ornati sunt. Quos deinde Sfor-
tiani, ac postremò Austriaci sunt consecuti. Viceco-
mitum verò nobilem familiam ad tantum euexit im-
perium Otho Archiepiscopus. Hic enim, cum Pontificia
auctoritate creatus Archiepiscopus aduersus duos falsos
antistites

PHILIPPI REGIS. 41

antistites sacri imperij sui sedem, & patriam armis
 repeteret, quinquies à Turrianis repulsus, post viginti
 annos, victis acie, captisq; eius familie principibus,
 in sua Vicecomitum domo huius nobilissimi principa-
 tus fundamenta feliciter iecit. Post Othorem, qui
 anno millesimo ducentesimo nonagesimo quinto vi- 1295
 ta functus est, undecim principes numerantur, qui
 Mediolani per annos ferme centū & sexaginta rerum
 positi sint. tot enim sunt à Mattheo Magno, qui Otho-
 ni successit, vsq; ad Philippum, in quo principum pro-
 genes defecit, cum sine vlla legitima sobole decesserit.
 Tres tamen ex his principibus tantum fuere, qui Ducis
 nomine fuerint insigniti, Ioannes Galeacius, qui pri-
 mus à Cesare Venceslao hunc titulum impetrauit anno
 millesimo trecentesimo nonagesimo quinto, & duo filij, 1395
 Ioannes, & Philippus, qui Mariae cognomentum tu-
 lere. Quibus mortuis, cum nulla, vt diximus, proles
 legitima superstes esset, Mediolanenses se se in liberta-
 tem vindicarunt. Cum interim non deessent multi prin-
 cipes, qui hunc Ducatum ad se pertinere dictarent.
 In primis enim Fridericus Imperator illum ad se iure
 feudali deuolutum asseuerabat. Contra Alphonsus rex
 Arragonum, & Neapolitanorum ex Philippi testa-
 mento hereditatem petebat. Quin etiam Carolus Dux
 Aurelianensis ab intestato sibi illum deberi affirma-
 bat,

DE TITVLIS

bat, quòd ex Valentina Ioannis Galeacij primi Ducis filia, Philippiq, sorore progenitus esset. Præter hos aderat Franciscus Sfortia filius Sfortiæ præstantissimi rei militaris præfecti, qui etiam hunc Ducatum ad se iure spectare contendebat, quòd & Blancam Mariam Philippi filiam, quam ex Agnete Maina nobili concubina susceperat, vxorem haberet, & quòd à Philippo filius adoptatus, Vicecomitum stirpi esset insertus. Eumq, tandem hæc tota res tulit exitum, vt Sfortia, Anno cum iam duo anni à morte Philippi præterijssent, per-
1450 domitis, subactisq, Mediolanensibus, hoc imperium per annos sexdecim obtineret. Post eum quinq, alij ex Sfortianorum genere Duces Mediolani exstiter. cum quibus ferè omnibus Ludouicus duodecimus Caroli Aurelianorum Ducis, de quo supra fecimus mentionem, filius, & Franciscus primus Francorum reges, pro suo in hoc Ducatu recuperando iure, adeò continenter, & sæue bella gesserunt, vt nonnunquam captis, vel alio quo modo expulsis Ducibus, ipsi per aliquot annos Mediolano potirentur. Contra verò Imperator Cæsar Carolus quintus pater vester Francos validis adeò præsit armis, vt sæpe pulsus, multisq, attriti prælijs bellum redintegrare cogerentur. Illius demùm virtuti fortuna arrisit: quippe qui solus eiectis prorsus Gallis, & Sfortiana domo penitus extincta, hunc Ducatum sit consecutus

sit consecutus anno millesimo quingentesimo trigesimo
 quinto. iam enim Franciscus secundus Sfortia ultimus
 Dux, cui ab ipso Carolo Cesare auitum, paternumq;
 imperium redditum fuerat, maximo omnium cum lu-
 etu sine liberis diem suum obierat, cum per quinque tan-
 tum annos post illud Caroli beneficium summa rerum
 praefuisset. Ceterum, ne quis existimet, Carolum Im-
 peratorem vi potius, quam vlla iusta de causa hunc
 Ducatum occupasse, aperiendum est, quem possessionis
 titulum praese tulerit, & quo iure illum sibi ascuerit.
 Ludovicus duodecimus Francorum rex, cum Ludoui-
 cum Sfortiam Ducem, Francisci primi filium, inito
 cum Venetis foedere, Mediolano magnis opibus expu-
 lisset, reuersumq; deinde ex Germania ad Nouariam
 cepisset anno millesimo & quingentesimo, quod here-
 ditate legitima, & iustis armis vindicatum arbitra-
 tur, idem auctoritate quoq; Maximiliani Caesaris cor-
 roborandum existimauit. Atq; in hunc quidem mo-
 dum pax esse firmata dicitur, vt Ludovicus rex, eiusq;
 posterius successores beneficiario iure Mediolani Duces
 appellarentur, si Claudiam filiam primogenitam dotali
 iure Britanniae ditionem in nuptias trahentem Carolo
 Philippi Hispaniarum principis filio, & Maximi-
 liani ipsius nepoti collocaret: alioquin, si haec nuptiae ad
 optatum exitum non peruenissent, Mediolanensis Du-

1535

Anno

1530

1500

L ij catus

DE TITVLIS


carus ad Carolum nepotem directo iure transferretur. Itaq; Ludouicus, si quid iuris antea in hoc Ducatu habuit, deinde prorsus amisit, postquam neglectis his conditionibus, Claudiam filiam Francisco Duci Angolismorū, qui postea mortuo Ludouico socero ad Gallie regnum est euocatus, in matrimonium dedit. Contrā verò Carolus ius sibi maximum parauit, postquam à Cesare Maximiliano auo Dux institutus est, qui antiquo Cesarum iure huiusmodi beneficij conferendi potestatem habuit, cum Mediolanum feudi ratione Imperio sit obnoxium. Confirmatum inde hoc ius est Carolo, postquam mortuo auo Maximiliano ipse ad Imperium est euectus. Nam Ducatus, qui ab Imperatore Venceslao fuerat institutus, extincta Vicecomitū, qui inuestiti fuerant, stirpe iure feudi ad ipsum, vt ad Imperatorem, & regem Italie redijt. Inde verò multò etiam magis est stabilitum, tum cum ipse Franciscus secundum Sfortiam in paternū regnum restituit. siquidem ea conditione est restitutus, vt si ei sine liberis mori contigisset, Mediolanensis principatus ad se perueniret. Quod cum euenisset, iure optimo Carolus Ducatum tam multis, tamq; iustis de causis ad se pertinentem Francis frustra remitentibus occupauit, atq; occupatum possedit, & tibi filio suo, Rex Clementissime PHILIPPE, reliquit. Ceterum Mediolanensis Ducatus, qui ab

qui ab una Vrbe Mediolano nomen habet, multas,
 easq; magnas Vrbes finitimas est amplexus. Ex quibus
 CREMONA patria mea inter principes merito nume-
 ratur, siue antiqua decora, siue presentes opes eius re-
 spiciantur. Nam vigente Populo Romano, quod ma-
 ximo tum honori tribuebatur, & colonia, & prima
 trans Padum colonia, & non exhaurienda plebis vr-
 bane, sed tutandi imperij gratia nempe aduersus infe-
 stos Gallorum impetus est deducta. & post Romanum
 deletum Imperium irrumpentibus in hanc regionem
 Longobardis, diutius, & constantius fidem erga Ro-
 manum Imperatorem, qui Constantinopoli sedebat,
 Italicamq; dignitatem, quam aut Mediolanum, aut
 Ticinum, est tutata. Si quidem illae Vrbes Alboino regi
 sub primam Longobardorum impressionem cesserunt:
 haec non nisi post multos annos ab Agilulfo subacta est.
 cui quanta vi restiterit, quantaq; ope dominatum bar-
 barorum repudiavit, illud esse argumento potest, quod
 ab ipso Agilulfo ira feruido faedo in primis incendio fuit
 deleta. Postquam autem regnum Italiae una cum Im-
 perio ad Germanos translatum est, cum pravis Italia
 factionibus Guelforum, & Gibellinorum teneretur,
 quarum una Ecclesiae, altera Imperij partes assereret,
 haec semper Imperio adhesit, & Gibellinorum partes
 defendit, & maximas pro ijs contentiones suscepit. Itaq;
 multis

DE TITVLIS

multis propterea priuilegijs, & iuribus, quæ nunc etiã nostra diligentissimè asseruat ciuitas, ab Imperatoribus exornata, ad eum statum euecta est, vt hodie neq; rerum copia, neq; commerciorum, neq; opificiorum varietate, neq; ciuium celebritate, atq; in omni laudanda arte industria primoribus multis Italiae vrbibus cedat, reliquas verò Ducatus Mediolanensis ipso excepto Mediolano longè superet. Cuius felicitatis nostræ maximam partem clementie, ac iustitiæ vestræ tribuendam esse, REX PHILIPPE, nos & opinione arbitramur, & sermone libentissime confitemur, ac prædicamus; atq; iccirco Maiestatem vestram omnibus, quæ præstare possumus, officijs, & honoribus meritò amplectimur, & excolimus.

DE DVCATV LOTHARINGIÆ.



QVO iure Maiestas vestra sibi Ducatus LOTHARINGIÆ titulum vindicet, cum etiam
nunc

nunc à proprio, & peculiari Duce obtineatur, facile ostendam, si prius, unde hoc Lotharingie manauerit nomen, exposuero. Ludouicus cognomento Pius, Imperator, Caroli Magni filius cum regna filijs suis iniqua diuisione partitus esset, grauissimi inter eos belli post mortem causam attulit. Quo cum filij Carolus, Ludouicus, & Lotharius vires ipsas Franciæ attriuisent, demùm sedatis rebus pacem in hunc modum composuerunt: vt Lotharius natu maximus Imperij titulum, Italiam, Prouinciam, & partem Franciæ orientalem, quæ Austrasia dicebatur, obtineret; Carolus Franciæ partem occidentalem à Britanico Oceano vsq; ad Mosam fluuium, (in qua postea Franciæ semper nomen remansit,) haberet; Ludouicus verò omnia trans Rhenum paterna bona possideret. Ita factum est, vt Lotharius Imperatoris, & regis Italiæ nomen gesserit, Carolus autem regis Franciæ, & Ludouicus regis Germaniæ. Ceterum Lotharius Transalpina sede delectatus, Italia cum titulo etiam Imperij Ludouico filio suo commissa, ipse Austrasiam magna administrare cura Metis, & Aquisgrani præcipue sedens instituit. Vnde Austrasiam ipsam quoq; à nomine suo Lotharingiam appellauit. Quo nomine Austrasiæ non solum quæ nunc Lotharingia vocatur, sed etiam Brabantia, Hannonia, Hollandia, Geldria, Cluiua, & multa

DE TITVLIS

multa alia quoq; regiones includebantur. Hoc Lothario
855 vita functo anno octingentesimo quinquagesimo quin-
to, Lotharingiae regnum in eadem Caroli Magni pro-
genie vsq; ad Carolum quartum Francorum regem co-
gnomento Simplicem permansit. Hic enim, cum non
solum cognomine, sed etiam re ipsa simplex esset, Lo-
tharingiam Henrico Aucupi Germaniae regi permisit
924 anno nongentesimo vigesimo quarto. Hinc factum est,
Anno ut aliquot post annis, cum bellum acre inter Imperato-
977 rem Othonem secundum, qui Henrici Aucupis nepos
fuit, & Lotharium Francorum regem exortum esset,
Otho Carolum Lotharij fratrem ex Francia euocarit,
atq; ei Lotharingiam Ducatum, qui titulus per ideam
tempus vsurpari captus est, dono dederit: ut is benefi-
ciarius Caesarum iureiurando effectus, fratrem regem,
Francosq; minus respiceret. Lotharingia tamen tunc an-
guustioribus finibus est descripta, quam vnquam antea
fuisset. Non contemnenda enim pars hinc Colonienſiū,
illinc sacrae Leodiensium Ecclesiae attributa est. Noui
etiam postea magni nominis Ducatus, Comitatusq; in-
stituti sunt, ex illius cuius regno equandae regionis cor-
pore velut membra dirempti. Mortuo deinde Lothario
986 Francorum rege anno salutis nongentesimo octuage-
simo sexto, Ludouicus quintus, filius in eius locum suc-
cessit, ultimus qui ex agnatione Caroli Magni nomen
regis

regis Franciæ gesserit. Hic, cum vnius tantum anni spatio regnasset, vita defunctus Franciæ regnū varijs seditionum procellis agitatum reliquit. Hugo enim Capetus Parisiorum Comes vi, & militum favore regnum sibi assumebat. contrā verò Carolus Lotharingiæ Dux Ludouici mortui patruus Galliæ fines cum exercitu erat ingressus, vt regnum sibi iure debitum vindicaret. Verum res haud prospere cecidit. Etenim, cum Francis ea de causa esset inuisus, quod nimium Germanorum rebus studeret, & prælio victus fuit, & non multò post fraude Ascelini Laudunensis Episcopi Lauduni captus, Aurelianum in custodiam est missus. Inde Capetus nihil præterea grauius in Carolū statuit, quàm vt perpetua, diligentiq; asservaretur custodia. ei tamen copiā vxoris tam liberam fecit, vt liberos duos sustulerit, Ludovicum, & Carolū: sed qui intra pueritiæ annos decesserint. Othonem tamen filium, quem ex priore susceperat vxore, reliquit. Hic, cum per aliquot annos Lotharingiæ Ducatum obtinuisset, sine vlla sobole morte sublatus anno millesimo quinto, belli inter 1005 Francos, Germanosq; redintegrandi, ob incertum Lotharingiæ ius, causam attulit. Verumtamen, cum in conditiones esset ab vtrisq; descensum, Imperator Henricus Claudus, qui in Othonis tertij defuncti locum suffe-

Etus erat, hunc Ducatum Comiti Gotthofredo filio

M

Gottho-

DE TITVLIS

1106

Gotthofredi Arduennensis concessit. Cuius agnati per aliquod tempus ei præsuerunt, donec tandem Imperator Henricus Iunior hanc prouinciam, quam tunc temporis obtinebat Henricus Lemburgensis princeps, cum eam ab Henrico Seniore Imperatore dono accepisset, in duas partes diuisit circiter annum Domini millesimum centesimum sextum. Nam cum alia esset Lotharingia superior, alia inferior, superiorem, quæ sola nunc Lotharingiæ nomen habet, & à domo Valdemōtensi possi-
detur, Tiero Gotthofredi Ducis, de quo mentionem suprâ fecimus, nepoti assignauit: inferiorem verò, quæ hodie Brabantia appellatur, Gotthofredo Barbato Lo-
uanienti Comiti attribuit, qui ex muliebri sexu origi-
nem ducere ab illo Carolo Ultimo, de quo suprâ dixi-
mus, Lotharingiæ Duce videtur. Atq; hic Gotthofre-
dus quidem fuit primus, qui se Ducem Brabantiæ nun-
cuparet, vel potius illum titulum, qui iam obsoleuerat,
recuperaret, cum etiam interim se Ducem Lotharin-
giæ inscriberet, propterea quòd ad Carolum Ultimum,
Lotharingiæ Ducem genus suum referret. Hinc postea
factum est, ut qui in ipsius locum successerunt, etiam
hodie illum sibi titulum assumant, quamuis verè Lo-
tharingia, ut dixi, à proprio Duce teneatur. Quomodo
autem illius Gotthofredi Barbati opes ad Maiestatem
Vestram fuerint translatae, in Brabantia proximè de-
clarabimus.

PHILIPPI REGIS. 46
DE DVCATV BRABANTIAE.



BRABANTIA olim magna ex parte Aduaticorum sedes, de quibus Caesar in suis Commentarijs meminit, hodie Mosa, Schaldi, Sabi, & Tenera fluminibus ferè circumscribitur: habetq; à Septentrione Hollandiam, & Geldriam, ab Oriente Leodiensem Diæcesem, à Meridie Namurci Comitatum, & Hannoniam, ab Occidente Flandriam. Eius porrò Ducatus & opum amplitudine, & vetustatis nomine reliquis ferè omnibus videtur esse superior. Ac diuitias quidem, & potentiam eius declarant in primis illæ nobilissimæ Vrbes, quibus maximè exornatur, Louanium, Bruxellæ, & Antuerpia, vt ceteras, quæ minoris sunt nominis, omittamus. Nam Louaniū gymnasiij amplissimi celebritate longè clarissimum, Bruxellæq; principis aula frequentes latè nomen, famamq; suam extendunt. Antuerpia verò celeberrimam totius orbis

M ij terra-

DE TITVLIS

terrarum emporium ad tantam ascendit dignitatem ,
vt nulla penè sit alia ciuitas, quæ cum ea iure possit com-
parari. Antiquitas autem ex duobus vetustissimis Ca-
roli Martelli, & Pipini filij, qui Caroli Magni
pater fuit, vulgatis epitaphijs cognosci potest, cum ex illis
plane constet, hunc Ducatus Brabantie titulum priscis
etiam temporibus fuisse vsurpatum. Quæ operæpretium
erit, vt omnia præ oculis sint, hîc subiungere. Caroli
Martelli epitaphium ita se se habet.

Ecce Brabatinus Dux quartus in orbe triumphat ,
Malleus in mundo specialis Christicolarum.

Dux, dominusq; Ducû, regû quoq; : Rex fore spreuit.

Non vult regnare, sed regibus imperat ipse.

Pipini verò filij hoc modo.

Iste Brabatinus Dux quintus Austrasiorum ,

Ex Duce fit tandem Rex primus germinis huius.

751 Ex quibus satis intelligi potest, septem fuisse ex hac
nobilissima familia Brabantie Duces, cum enim ille
Pipinus, qui regnum Franciæ, (Chilperico rege abdi-
cato, sibi asciuit anno septingentesimo primo & quin-
quagesimo, Dux quintus Brabantie appelletur, profe-
cto sequitur, vt Carolus Magnus filius, Dux sextus,
Ludouicus verò Pius nepos, septimus fuerit. Nam post
ipsum Pium vsq; ad Gotthofredum Barbatum Comi-
tem Louanensem, (quod est spatium ducentorum am-
plius

plius & quinquaginta annorum,) nulla est certa Brabantie memoria, cum hæc regio nunc sub Austrasie, nunc sub Lotharingie nomine contineretur, quemadmodum etiam superius fuit demonstratum. Postquam autem Gotthofredus ille Barbatus Lotharingiâ inferiorem ab Imperatore Cesare Henrico Iuniore accepit anno (Christi millesimo centesimo sexto, tunc iterum Brabantie 1106 nomen celebrari cœptum est. Gotthofredus enim, reiecto Louaniensis Comitatus titulo, se Barbatiæ Ducem ex suo Barbati cognomine appellauit, vel potius illum titulum, qui iam in obliuionē abierat, restituit. Nam quod nonnulli asserunt, Brabantiam primum ita esse à Gotthofredo Barbato appellatam, prorsus à veritate alienum esse, ex his, quæ suprâ commemorauimus, manifestè deprehendi potest, cum hoc Brabantie nomen multò fuerit antiquius. Gotthofredi inde posterī per multos annos Brabantiam tenuerunt vsq; ad Ioannem tertium Ducem, qui anno millesimo trecentesimo quinquagesimo quinto nullis superstibus filiis mortuus est; cum tamen aliquot filius post se reliquisset, & in primis Ioannam primogenitam, & Margaritam. Ioanna verò, quæ primum Gulielmo Hollandiæ Comiti, deinde Ven- 1355 ceslao Imperatoris Cesaris Caroli quarti Bohemiæ regis fratri nupsit, sine liberis mortua, hic Ducatus ad posterōs Margaritæ sororis, quæ Ludouicum Malea-
num

DE TITVLIS

num Flandriae Comitem maritum habuit, directo iure peruenit. Ex ea nata est Margarita altera omnium bonorum heres, quam alij Kunigundem appellant, quae Philippo Audaci Burgundiae Duci, & Caroli quinti Francorum regis fratri in matrimonium collocata fuit. Ea porro genuit Ioannem Burgundiae, & Antonium Brabantiae Duces. Antonio inde in hoc Ducatu successerunt duo filij, Ioannes, qui academiam Louaniensem instituit anno millesimo quadringentesimo vicesimo sexto, & Philippus. Quibus nulla relicta sobole vita functis, Brabantia ad Ducem Burgundiae, 1430 tanquam propinquiorem heredem deuenit anno millesimo quadringentesimo trigesimo, ad Philippum scilicet Pium, Ioannis filium, & Philippi Audacis nepotem. Ex hoc Philippo Pio editus est Carolus potentissimus Dux Burgundiae, Brabantiaeq, qui multis etiam alijs regionibus imperabat, vir magnitudine animi non suae modo, verum superioris etiam aetatis omnibus Ducibus longe superior. Hic cum Nanscum Lotharingiae oppidum pertinacius oppugnaret, ab Heluetijs petitus, initoq, praelio circumuentus, atq, misere trucidatus anno 1477 millesimo quadringentesimo septuagesimo septimo, Mariam unicam filiam heredem reliquit. Quae deinde, cum non multo tempore post mortem patris Maximiliano Archiduci Austriae, Friderici tertij Imperatoris

ratoris filio nupsisset, omnia in virum iure hereditario
translulit. Ex ea verò natus est Philippus, qui postea
regnum Hispaniarum ob Ioannam uxorem suam est
adeptus, & qui Caroli quinti Imperatoris inuictissimi
pater, & Maiestatis vestrae auus fuit.

DE DVCATV LEMBURGI.



LEMBURGVM ampla, nobilisq; Vrbs, & huius
Ducatus princeps, ad fluuium Vueser posita, non
multum ab Aquisgrani, atq; à Leodio distat. Hic
verò Ducatus à quo Imperatore fuerit institutus, non
satis liquet, cum nemo ex priscis auctoribus hoc lite-
rarum monumentis mandarit. Illud quidem apud quos-
dam recentiores scriptum extat, ipsam Lembergensem
Vrbem, cum antea esset Comitatus dignitate ornata,
ad hunc Ducatus titulum fuisse euectam circa annum
Domini ferè septuagesimum secundum post millesimum 1172
& centesimum. ita vt suspicari possimus, aut Frideri
cum-

DE TITVLIS

cum primum Imperatorem, qui Barbaruffæ cognomine
 vsus est, aut Henricum eius filium huius Ducatus au-
 ctorem fuisse. Ceterum virilis horum Ducum progenies
 1293 iam pridem defecit anno millesimo ducentesimo nonage-
 mo tertio, quo tempore Henricus vltimus Dux Lem-
 burgi sine vlla sobole mortuus est. Cui deinde successit
 Ioannes primus, Brabantie Dux, qui hanc regionem,
 præterquam quòd eam magna pecuniæ vi ab Henrico
 Duce mercatus esset, armis etiam sub ius, ditionemq;
 suam redegit, cum eam Geldrensis Comes sibi vindic-
 caret, quòd Irmingardim sororem, & heredem
 Henrici nuper mortui in matrimonio haberet. Ob quã
 rem cum odia inter Brabantinos, & Geldrenses ve-
 hementius exarsissent, magnum initum est prælium,
 in quo ipse Geldrie Comes, multis alijs captis, occisq;
 viris nobilibus, in Brabantinorum potestatem venit.
 Ex eo tempore Lemburgensis Ducatus Brabantinis
 Ducibus vsq; ad hanc nostram ætatem semper paruit,
 ita vt quo iure Brabantie, eodem etiam Lemburgi
 Ducatus ad Maiestatem vestram peruenerit. Verum
 Ioanni primo Brabantie Duci successit alter Ioannes,
 1355 quem postea excepit Ioannes tertius, qui anno millesi-
 mo trecentesimo quinquagesimo quinto supremũ vitæ
 spiritum emisit. Quem inde qui in his Ducatibus sub-
 secuti fuerint, cum superius tradiderimus, tum cum de
 Braban-

Brabantia egimus, nunc sermonem nostrum ad reliqua transferemus.

DE DVCATV LVCEMBVRGENSI



LVCEMBV RGI Ducatus, qui à Metropoli sua
 Lucemburgo nomen habet, à Septentrione Leo-
 diensem, & Namurcensem regionem attingit, à Me-
 ridie Lotharingiam, ab Oriente Mosam fluvium, &
 Treuerensem Diœcesim, ab Occidente Mosam, &
 Syluam Arduennam. Ipsa verò Vrbs Lucemburgum
 ad Alifunciam amnem sita, Augusta Romanduorū
 à Ptolemæo dicitur, quemadmodū Ludouicus Guic-
 ciardinus existimauit. Cum autem primū Comitatus
 nomen ferret, in signiorem deinde Ducatus titulum est
 adepta. Sed quis fuerit primi Comitatus tituli auctor,
 nemo quidem est, quem adhuc legerim, qui litteris
 tradiderit, quòd res obscuris sit vetustatis tenebris
 N inuoluta.

DE TITVLIS

inuoluta. De Ducatu verò varia sunt auctorum sententiae. Alij id Imperatori Caesari Henrico, qui dicitur septimus, qui Lucemburgensis Comes fuit, acceptum referunt, alij Carolo quarto, nonnulli etiam Venceslao Caesari. ita ut in re tam ambigua vix quicquam certi statuere possimus. Eorum tamen opinioni magis accedimus, qui Henricum septimum hunc Ducatum instituisse asserunt, cum verisimile sit, Henricum potius, qui primus ex Lucemburgensibus Comitibus ad
1308 Imperij summum honorem euectus est anno millesimo trecentesimo octauo, quam ullum aliū dignitatis hunc titulum auitae ditioni suae, nobilitandae eius gratia concessisse. Vicinque tamen res sit, illud certè constat, Lucemburgenses principes in Germania summae semper auctoritatis fuisse, cum per annos amplius centum Bohemiae regno potiti sint, et cum etiā quattuor ex hac illustrissima familia Imperatores, Germaniaeque reges designati fuerint: Imperator Caesar Henricus septimus, Imperator Caesar Carolus quartus, Caesar Venceslaus, & Imperator Caesar Sigismundus, qui quoque Ungariae rex fuit. Ceterum post Henricum septimum Imperatorem, Henrici filium, & Henrici cognomento Blondelli Comitum Lucemburgensium nepotem, (nè rem alius repetamus,) eius posterij hunc Ducatum tenuerunt vsq; ad Venceslaum Caesarem, qui Caroli quarti
filius,

filius, & Ioannis Bohemiae regis nepos, ipsiusq; Hen-
rici pronepos fuit. Hic enim Venceslaus Elisabetham
Goriciensem sibi ipsi sanguine coniunctam Antonio
Burgundioni, Brabantiae Duci, Philippiq; Audacis
filio uxorem dedit, doti ascripto Lucemburgensi Du-
catu, cū tamen ipse Antonius ingentem pecunie sum-
mam ob id Venceslao pependisset. Antonio inde, qui
anno millesimo quadringentesimo decimo quinto ex hac
vita decessit, nulli ex hoc matrimonio liberi fuerunt. 1415
Ioannes autem, & Philippus, quos ex priori sustu-
lerat coniugio, & qui in hunc Ducatum mortua no-
uerca, (sic enim conuenerat,) successuri erant, &
ipsi quoq; nullam unquam sobolem susceperunt. Post eos
igitur Burgundiae Dux Philippus Pius patruelis,
(ex Ioanne enim Burgundiae Duce Antonij fratre ge-
nitus erat,) tanquam proximior heres hunc Ducatum
armis inuasit, cum Lucemburgenses Sigismundi Im-
peratoris, qui Venceslai Caesaris frater fuit, heredi-
bus se se dedere vellent. Elisabetha enim unica Sigis-
mundi filia, & heres, quae Alberto Caesari Austriae
Duci nupserat, duas reliquerat filias, Annam, quae
Gulielmo Saxoniae Duci, & Elisabetham, quae Ca-
simiro Poloniae regi in matrimonium data fuerat. ita
ut & Saxoniae Dux, & Poloniae rex in hoc Duca-
tu aliquem iuris hereditarij titulum praeenderent, cum
N ij iam

DE TITVLIS

iam Vladislaus Alberti Caesaris filius posthumus Hungariae, & Bohemiae rex sine ullis liberis decessisset. Quamobrem, ut tandem huic liti finis imponeretur, Carolus Burgundiae Dux, Philippi Pij filius, quicquid iuris & Saxoniae Dux, & Poloniae rex in hoc Ducatu praeferebant, magna numerata pecunia emit. Quo factum est, ut Maximilianus Archidux Austriae, qui Carolo ob Mariam unicam eius filiam uxorem ductam in omnibus eius ditionibus successit, Luxemburgensem etiam sine ulla controuersia sibi Ducatum assumpserit. Ex quo tempore Ducatus ille AVSTRIAE familiae in hunc usque diem obtemperavit.

DE DVCATV GELDRENSI



GELDRIA antiquorum Sicambrorum, (uti ferè omnes scriptores consentiunt,) sedes respicit à Septentrione Frisiam, & sinum Germanici maris vulgò Zuyder

Zuyder zee, ab Oriente Cluuiæ Ducatum, à Meri-
die Iuliacū, ab Occidente Brabantiam, & Hollādiam.
Ceterū Geldrenses principes alijs atq, alijs temporibus
diuersis nominibus sunt uſi, cum modò Præſecti, modò
Comites, poſtremò uerò Duces fuerint appellati. Primus
autem, qui Præſecti nomen tulerit, fuit Uuicardus qui
dam, qui floruit anno ſalutis plus minusue oſtingentiſi- 880
mo & oſtuageſimo. quo etiā tempore Geldriæ nomen
in lucem prodijt, cum hic oppidum quoddam Gelder ad
flumen Niers, quod longo inde tractu in Moſam in-
fluit, condiderit, à quo poſtea tota prouincia nomen
accepit. Ab eo ſex alij Præſecti fuere, quorum poſtre-
mus, qui Uuicardus quoq, nuncupatus eſt, cum ſine
uirili ſtirpe diem ſuum obijſſet, filiam tamen Ade-
leidem reliquit, quæ dotali iure Geldrenſem principa-
tum in Othonem Comitem à Naſſau, cui collocata fue-
rat, contulit. Hic autem Otho primus Geldriæ Comes
fuit, quem dignitatis titulum ab Imperatore Henrico
Seniore conſecutus eſt anno milleſimo ſeptuageſimo no- 1079
no. Poſt eum quinq, alij Comites numerantur, nam
Reinoldus, qui ſeptimus fuit, primus Geldriæ Dux à
Cæſare Ludouico Bauariæ Duce in Francofordienſi
conuentu creatus eſt anno Chriſti milleſimo trecēteſimo 1329
viceſimo nono. Hic uerò Reinoldus duas habuit ux-
ores, Mariam, ex qua Iſabellam genuit, cuiusdam
Bertoldi

DE TITVLIS

Bertoldi Mechliniensis, qui prædiues erat mercator, filiam, & Isabellam Eduardi regis Angliæ sororem, ex qua Reinoldum sibi cognominem, & Eduardum, atq; filiam Ioannam suscepit. Defuncto igitur Reinoldo primo Duce, duo filij alter alteri succedere. Post quorum mortem, cum nulla soboles virilis extaret, magnum est inter duas sorores dissidium excitatum. Ioanna enim ius successionis ad se pertinere, fratribus suis extinctis, putabat. Isabella verò, ut quæ priori matrimonio esset edita, sibi iure deberi omnia contendebat. Hanc Ioannes à Bloys vir summæ in Francia potentie uxorem duxerat, ita ut ei magna fuerit cum aduersarijs super hereditate contentio, futura sine dubio perniciosissima, & in bellum grauißimum eruptura, nisi opportuna Isabella mors omne prorsus hoc incendiū extinxisset. Ea igitur mortua, Ioanna, quæ Gulielmo Iuliacensi principi nupserat, unica patris heres sine ulla controuersia fuit. Ex coniuge porro filium Gulielmum procreauit, eiusdem, cuius pater, nominis, qui hac de causa dominus Geldriæ factus, quartus Dux fuit. Quem deinde excepit Reinoldus frater Dux Iuliacensis. Quo factum est, ut Iuliacenses Duces in hoc Geldrensi Ducatu aliquem semper iuris hereditarij titulum prætulerint, quousq; tandem omni suo iure decedere & pecunie, & armorum vi fuerint coacti. id quod

quod inferius demonstrabitur. Verum Reinoldo, cum ipse quoque sine virili prole uita excessisset, Margarita unica eius filia successit, (quam tamen nonnulli alij filiam Ioannae, quae Gulielmi, & Reinoldi Ducum soror fuerat, esse dicunt,) quae Arnoldo Egmondano, qui originem à filia Reinoldi primi Ducis trahebat, nuptui data fuit. ex quo ipse Arnoldus sextus Geldriae Dux numeratur. Sed euenit inde, ut Adolphus ipsius Arnoldi filius, qui pro septimo Duce habetur, diuturnae patris vitae pertaesus, ipsum patrem detestanda, & inaudita quadam impietate ceperit, & multis contumelijs affectus in teterrimum carcerem detruserit, in quo per sex menses eum detinuit. Quod tam nefandum scelus cum Paulus secundus Pontifex Maximus, & Imperator Caesar Fridericus tertius dissimulare non possent, Carolo Burgundiae Duci, Philippi Pij filio imperarunt, ut contractis copijs Arnoldum ex carcere liberaret. Id quod sentiens Adolphus, cum Pontificis, atque Caesaris auctoritatem, & Caroli quoque summas vires formidaret, patrem ex vinculis exemit, & una cum eo Carolum, qui tum erat Dorlani, (id Artesiae oppidum est,) litis componendae causa conuenit. Qui quidem Carolus, & si cupiebat huic controuersiae finem aliquando imponere, magis tamen erat effusus in filium, cui & Burgundiae praefecturam, & Geldriae possessio-

nem

DE TITVLIS

nem deferebat, vno tantum excepto oppido, Grauiam
 vocant, quod est ad Mosam, Brabantiae vicinum.
 Illud enim patri volebat seruari vnà cum tribus flore-
 norum millibus, qui quotannis persoluerentur, & nu-
 do Geldriae titulo. Quae conditiones cum Adolpho pro-
 positae fuissent, statim ille nimis acerbè respondit, se
 malle, vnà cum patre mortem oppetere, quàm eas
 accipere: patrem enim per totos quadraginta quattuor
 annos Ducatui praefuisse, æquumq; esse, vt tandem &
 ad se quoq; principatus perueniret: placere tamen, illum
 quotannis tria millia florenorū habere, sed ea lege, vt
 ex Geldria discederet, nec vnquā eò reuerteretur. Qua
 oratione permotus Carolus in Adolphum animo incita-
 ri cœpit. Itaq; ille mutata veste rediturus in Geldriam
 via se se dedit, sed cum apud Namurcum traïceret
 flumen, ab vno atq; altero agnitus, Namurcum cap-
 tiuus deductus est, & in custodia habitus, donec tan-
 dem mortuo Carolo Duce, Gandauenses illum libera-
 runt, eiq; bello, quod cum Tornacensibus gerebant,
 praefecerunt. quo quidem in bello miserè trucidatus,
 aliqua ex parte flagitiorum suorum penas persoluit. In
 terea verò, dum filius in carcere tenebatur, Arnoldus
 pater Geldriae Ducatum Carolo vendidit anno millesi-
 mo quadringentesimo septuagesimo secundo. atq; etiam
 mox è vita discedens eum instituit heredem, filium
 tanquam

1472

tanquam ingratum, impiū, atq; rebellem exheredans.
 Quo multiplici iure fretus Carolus Geldriam, quæ,
 & si fortiter obsistebat, non poterat tamen se se tueri,
 occupauit, & iurata à populis fide, possessionem eius
 iniuit. Quo etiam tempore, ut ditionem nuper partam
 firmiorem redderet, quicquid iuris & Gherardus Iu-
 liacensis Dux, & eius posteri in hoc Ducatu praten-
 derent, aut prætendere potuissent, summo precio com-
 parauit. cum interim Carolum, & Philippam Adol-
 phi captiui liberos in Flandriam educationis caussa re-
 legasset. Atq; hac quidem ratione Carolus Burgundio-
 num Dux Geldriam sub ius potestatemq; suam addu-
 xit, quam inde moriens iure hereditario Mariæ vni-
 cæ filiae suæ reliquit. quæ cum Maximiliano Archidu-
 ce Austriæ matrimonio coniuncta, florentissimarum
 opum heredem eum fecit. Verum Maximilianus,
 cum Geldrenses imperata sua facere recusarent, ma-
 gno vndiq; collecto aduersus eos exercitu Bolducū vsq;
 quod est Brabantiae oppidum, processit. Qua de re sum-
 mum in timorem adducti statim sub imperium eius re-
 dierunt, & debitum ei obsequium iurarunt. Exinde
 Maximilianus hanc prouinciam summa cum pace
 semper possedit, donec tandem Carolus Adolphi filius,
 qui à Francis Betuniae, quod oppidum in Artesia po-
 situm est, captus, non multo post dimissus fuerat, in
 O Geldriam

DE TITVLIS

Geldriam redijt. Vbi à Geldrensibus perbenignè acceptus, pro vero domino habitus, atq; summis honoribus cultus est. ita vt octauus in ordine Dux appellatus fuerit. Hic Princeps tam magni animi fuit, tamq; multa bella gessit, vt finitimos omnes armis petierit, & cum Maximiliano, & Philippo eius filio, & Carolo quinto Imperatore nepote congredi bello non dubitarit, adeò quidem feliciter, vt tandem à Carolo quinto potentissimo hoste pacem æquissimam impetrarit, cuius hæ præcipuæ conditiones fuere. Vt ipse, & eius legitimi filij Geldriæ Ducatum, & Zutpheni Comitatum possiderent, Imperatorem tamen tanquam Brabantie Ducem, & Hollandiæ Comitem, vt dominum principem respicerent. Quòd si illo mortuo nulli filij relinquerentur, eæ ditiones ad Carolum quintum, aut ad ipsius hæredes sine vlla controuersia redirent. Præterea verò, vt Carolus Dux Gruningam, & Couordensem agrum obtineret, ita tamen, vt hæc statim à morte ipsius ad Carolum Imperatorem, aut ad eius posteros pertinerent. Extincto igitur sine liberis Carolo Duce anno trigesimo octauo supra mille & quingentos, Geldriæ quidem Ducatus ad AVSTRIAM domum directo iure peruenire debebat, nisi Geldrenses, (quæ gens assueta armis ingentis est ferociæ,) Gulielmum Ioannis filium Ducem Cliensem, Iuliacensem, & Bergen-

1538

Bergensem euocassent, atq; eum propter Vetera Ducū
Iuliacensium in hoc Ducatu iura, Geldria Ducem
creassent. Quamobrem vehementer irritatus Carolus
quintus, quippe qui etiam à Gulielmo, cum se se Fran-
cis socium adiunxisset, bello esset petitus, summis com-
paratis copijs eius regionem inuasit, atq; sue pote-
statis fecit, adeò ut etiam Gulielmum ad officium
redire, ac se se dedere coegerit. Cui tamen Imperator
pro summa sua erga omnes clementia tres Ducatus,
excepto vno Geldrensi, qui ad se iure spectabat, con-
donauit, ita tamen, ut omne ius suum, si quod for-
tasse haberet in Geldrensi Ducatu, remitteret. Atq;
hoc quidem modo Carolus quintus Geldriam sibi mul-
tis de causis debitam recuperauit anno millesimo quin- 1543
gentesimo quadragesimo tertio. Qua re tu quoq; PHI-
LIPPE post sex inde annos à Geldrensibus, ut verus Anno
princeps, exceptus es, atq; excultus, cum omnes Ma- 1549
iestati vestra de præstanda fide iureiurando se se obstrin-
gerent.

O ij

DE TITVLIS
DE DVCATV ATHENARVM.



ATHENAS totius Græciæ nobilissimam quondam ciuitatem, & disciplinarum omnium altitrem, atq; etiam inuentricem, hodie corrupto vocabulo Sethinas appellamus. Hæc à Romanis capta Græciæ omni, eaq; sub nomine Achaïæ, quod principatum Græciæ tunc temporis obtinerent Achæi, prouincia facta, libertate tamen donata est, ac legibus proprijs vti permissa. Eandem libertatem inde non solum florente Romanorū Rep. sed etiā sub Imperatoribus tutata est. Post diuiso in duas partes Imperio, in Occidentale, & Orientale, tandiu Imperatoribus Orientalibus paruit, quoad tandem propriū dominum, qui Dux est nuncupatus, fuit nacta. Id quod in hunc modū accidisse legimus.

1195 Veriebatur annus salutis millesimus centesimus nonagesimus quintus, cum Alexius Angelus exacto fratre Isaacio, atq; oculis priuato, Constantinopolis occupauit Imperium.

Imperium. Eius vim, atq; insidias Alexius Isacii filius metuens, antequàm à patruo comprehendi, & in custodiam conijci posset, fuga elapsus, & ad principes Latinos se conferens, in primis Philippum Cæsarem, cui soror ipsius Eirene iuncta erat matrimonio, adiit. A Cæsare cum frustra petisset auxilium, quòd acri bello contra Othonem Imperij æmulum implicitus esset, ad Francos se conuertit. Iam Franci sacra induerant arma, & in Syriam, ut rem Christianam ibi iacentem subleuarent, cursum dirigere parabant, cum in Græcos tota uis belli prorupit. In eo bello Veneti se se Francis socios eò libentius adiunxerunt, quòd superioribus annis Emmanuel Græcorum Imperator Venetos mercatores uno eodemq; omnes die tota Græcia comprehensos indignis habuisset modis. Hùc etiam Pontificis auctoritas accedebat, qui Francos cohortationibus suis excitabat, cum diceret, Græcos ad sanitatem esse reducendos, à Romanæ Ecclesiæ corpore vsq; ad eam diem fuisse diuulsos, nunc cū Ecclesia Catholica iungendos, ut quemadmodum decebat, Pontifici Romano dicto essent audientes. In Thraciam igitur magna animorum alacritate procures Latini nominis profecti, Constantinopolim caput Imperij petunt, & prælio cū Græcis inito, ingentem eorum multitudinem cadunt, alios fundunt, fugantq;. Ea clade consternatus Alexius tyrann-

DE TITVLIS

tyrannus fuga sibi esse consulendum ratus est. Qua
 Anno vulgata, Constantinopolim Latini hostile nihil molien-
 1203 tes ingrediuntur, atq; Isacio in antiquum dignitatis lo-
 cum restituto paullo post morte sublato filium Alexiū
 substituunt. Hic, cum Latinis quicquid domesticæ ma-
 iestatis gratia recuperandæ spopondisset, cumulatè præ-
 stare vellet, in suorum acerrimum odium incurrit, qui-
 bus ingentis pecuniæ collatio grauis ingrataq; erat. Præ-
 terea etiam indignè admodum ferebant, Ecclesiam
 Græcam subesse, seruireq; Pontifici Romano debere, à
 cuius imperio iam fuisset subtracta. Duce igitur Ale-
 xio Myrtilo, quem Murtzuphlum alij vocant, Cæsa-
 reæ stirpis viro arma capiunt, atq; ipsum Myrtilum
 Imperatorem salutant. Qui statim principatus sui sta-
 biliendi causa, post sextum imperij mensem Alexiū
 spiritu faucibus oppressis intercluso sustulit, & Lati-
 nos magna vi armorum est aggressus. Hac de causa
 procures nostri prius inter se iureiurando firmato pacto,
 ut cum debellatum esset, quicquid in potestatem ve-
 nisset, inter fortes fidosq; socios distribueretur, Con-
 stantinopolim acriter oppugnare cœperunt, & post mul-
 ta præclara edita facinora, tandem sub ditionem suam
 Anno coegerunt. Vrbe capta, atq; Imperij summa ad Fran-
 1204 cos translata, Balduinus Flandriæ Comes primus ex
 Latinis Imperator Orientis omnium suffragijs creatus
 est.

est. Diuise inde aliæ alijs prouinciæ. Bonifacius Montisferrati Marchio Thessalia donatus, regem se Thessalorum nominauit. Venetis datæ maris Aegæi insulæ. Gotthofredus præterea è Tricassium nobilitate, excellenti virtute præditus, Dux Athenarum, & Achaia Princeps declaratus fuit. Atq; hæc quidem huius Ducatus est origo. Quem postea qui successionis ordine in- corrupto tenuerint, exploratum non habeo. Illud quidem apud Paulum Aemilium Francicarum rerum auctorem reperi, Athenas à piratis quibusdam, cum etiã se illis exules Græci consociassent, fuisse occupatas, atq; earum Ducem Brennae nobilitatis virum interfectum circiter annum millesimum trecentesium quintum. 1305
Ad hæc Raphael Volaterranus scribit, Gallos, cum rebus excidissent Constantinopolitanis, Athenas nihilominus diu tenuisse, post in regnum Neapolitanum eas fuisse translatas, inde sub potestatem Acciaiorum nobilium Florentinorum beneficio Ioannæ secundæ Reginae peruenisse. Post quos sub impium Turcarum imperium fuerint redactæ anno millesimo quadringentesimo quinquagesimo secundo, cum per annos ferè triginta Acciaiolis obtemperassent. Quin etiam in annalibus Florentinis apud Ioannem Villanum mentio fit Gualterij Brennae Comitis, & Athenarum Ducis, qui Florentiæ dominatum occupauit anno millesimo trecentesimo 1342
mo

DE TITVLIS

mo quadragesimo secundo. Qui tamen Gualterius ab ipso Villano titulotenus fuisse Dux Athenarum dicitur, cum alij urbem possiderent. Quos ego fuisse existimo piratas illos, de quibus supra dixi, cum Athenis captis diuturno errori suo finem imposuerint, & illam sibi domicilio delegerint. Ea vero ratione Majestatem vestram, PHILIPPE REX, arbitror hunc titulum sibi tribuere, quod iam antea Neapolitanorum regum, quorum illa nunc merito tenet locum, Athenae fuerint. Quo iure autem Reges Neapolis non Athenas solum, sed etiam omnem Achaiam, atque ipsum quoque Constantinopolitanum Imperium ad se pertinere iudicent, non est difficile demonstrare. Balduinus enim Iunior Graecorum Imperator à Michaelē Paleologo Anno imperio exactus in Italiam venit, & cum Carolo
1260 Andegauensi Neapolis rege congressus, illius filiam suo filio Philippo matrimonio locauit, concessa puella in dotem, quam amiserat, Constantinopoli, si Caroli opibus in bello adiuuaretur. Cuius rei testis est in sua Byzantia historia Nicephorus Gregoras. Qui etiam tradit Athenarum dominum suis temporibus Ducem vocatum, cum Magnus Dux appellari deberet, origine huius tituli iam inde à Constantino Magno deducta. Cui opinioni uix possum assentiri, cum tanto temporis spatio, quod à Constantino Magno usque ad Latino-
rum

rum Imperium currit, nullam Magni Ducis Athenarum mentionem inuenerim. Ex Philippo porro, & Caroli filia genita est Catharina heres Imperij, quæ Carolo Valesio Philippi Pulchri Francorum regis fratri nupsit. Ex ijs nata est filia, Græcorum Imperatrix, quæ Philippum Principem Tarentinum, Caroli secundi Neapolitani regis filium, maritum habuit. Ex quibus & Robertus Princeps Tarentinus, Imperatorq; Constantinopolitanus, & Philippus Imperator itidem Byzantij procreati sunt. Quibus sine ulla sobole vita functis, non immerito omne ius Imperij ad reges Neapolis, qui ab eodem stemmate genus ducebant, traductum est. Hinc fit, ut ego pro certo affirmare ausim, non Athenas tantum, verum etiam omne Græcorum Imperium ad Maiestatem vestram debito iure spectare, ita ut nobis sperare liceat, illam pro singulari sua erga Catholicam Ecclesiam pietate nunquam quieturâ, donec tandem Constantinopoli expugnata, pristinum Latinis honorem restituerit, & in barbarico solo trophæa virtutis eximie monumenta de fixerit.


P

DE TITVLIS
DE DVCATV NEOPATRIÆ.



NEOPATRIA nec ubi posita sit, nec quo tempore Ducatus titulo fuerit affecta, nec qua ratione ad Maiestatem Vestram reciderit, mihi compertum est, cum apud scriptores, quos legi, nullam eius mentionem repererim. si tamen, quò me ducit opinio, eò me dare velim, facile crediderim, ipsam Urbem in Gracia esse, eodemq; nomine, quo Ducatus Athenarum, ad Maiestatem Vestram fuisse deuolutam. Id verò cum proponere pro certo non ausim, rem doctioribus perquirendam uiris relinquam. Volui enim hunc Ducatum, & si nihil, quod de eo dicerem, habebam, quasi digito commonstrare, ut viam alijs aperirem, atq; etiam ut illud ostenderem, me omni ope contendisse, nè quid, quoad fieri posset, huic tractationi deesset.

DE MARCHIONATV
Sacri Romani Imperij.




MARCHIONATVS SACRI ROMANI IM
PERII summae dignitatis est titulus, quem
Brabantiae domini sibi ascribunt, quod opes, quae olim
sub hoc Marchionatu continebantur, nunc Brabanti-
nis Ducibus debeantur. Cuius rei cognoscendae gratia,
prius explicandum est, quo tempore hic Marchiona-
tus principium sumpserit. Ut igitur multa, quae de eius
initio à nonnullis litteris produntur, quae mihi cum ipsa
Veritate coniuncta esse non videntur, silentio prae-
ream, placet super hac re Pauli Aemilij, qui res Fran-
corum scripsit, opinio. Ex eo enim colligere possumus,
originem huius Marchionatus ob Othone secundo Im-
peratore fluxisse circa annum ferè salutis humanae non
gentesimum septuagesimum quintum, cum scribat, 975
ipsum Othonem Gerbergæ amicae suae, quae iam antea
P ij Ludo-

DE TITVLIS

Ludouico Transmarino Francorum regi matrimonio sociata fuerat, quattuor Vrbes pro dote assignasse, Louanium, Bruxellis, Antuerpiam, & Niuellam, eumq; Marchionatum Sacri Imperij à Germanis appellari cœptum esse. Verùm causam, cur ea ciuitates nomine illo fuerint insignitæ, non addit: nisi nos fortasse eam asserre volumus, vt dicamus, Marchionatum Sacri Imperij ea de causa fuisse nuncupatum, quòd illæ ciuitates, quæ essent Imperatoris, & in finibus Imperatoriæ ditionis, ab Imperatore loco dotis ad alium fuerint translata. Quocunq; tamen modo res sit, idem Aemilius auctor est, hunc Marchionatum procedente tempore Gotthofredo Barbato Gerbergæ consanguineo obuuisse. Qui quidem Gotthofredus ille est, qui neglecto Louaniensis Comitatus titulo, Brabantiae Ducis titulum, qui iam perierat, recuperauit, cum etiam interim se Sacri Imperij Marchionem nominaret, proptereaquòd his ciuitatibus, ex quibus Marchionatus constabat, imperaret. Ex eo tempore Brabantiae Duces, Marchiones Romani Imperij appellari cœpi sunt, qui deinde titulus hereditario quodam iure semper principibus Brabantinis adhæsit. ita vt nulla quenquam admiratio capere debeat, si Maiestas quoq; vestra, PHILIPPE REX, eum sibi attribuat. Verùm quomodo, & quo iure in locum illius Gotthofredi Barbati sequentibus


tibus temporibus successerit, superius fuit à nobis, cum res Brabantia exponeremus, latè explicatum.

DE MARCHIONATIBVS
Oristani, & Gotiani.



ORISTANI, ET GOTIANI Marchionatus nec qua tempestate initium acceperint, nec quo modo fuerint ad Maiestatem vestram deducti, expiscari adhuc potui. Illud vnum apud Damianum à Goes in sua Hispania scriptum legi, hos dignitatum titulos in Hispania esse. Vnde facile conijcere possumus, eos iam ante vel cum Castelle, vel cum Arragonie regno copulatos, succedentibus deinde temporibus ad Maiestatem vestrā vnā cum eisdem regnis deuensse. Id tamen totum eruditioribus considerandum uiris relinquam, cum illud, quod mihi non liquet, pro vero affirmare nullo modo debeam.

DE COMITATV BARCINONENSI.



BARCINO apud Hispanos totius tractus Tarraconensis celeberrima Vrbs, cum à Sarracenis occupata esset Hispania, eandem, quam reliqua ferè vniuersa prouincia, tulit fortunam. Inde, cum Carolus Magnus religionis propaganda caussa in Hispaniam Anno 796 cōtra Sarracenos à Christiana fide prorsus abhorrentes venisset, & Pompeiopolim, Cesaraugustamq; nobilissimas ciuitates armis captas, militibus diripiendas dedisset, eius fidei metu adaēta vtrò se se credidit, Zato Vrbs prefecto id maximè contendente. Ditio- nis igitur Caroli Magni facta, Bernardum quendam ab eo Comitem accepit. qui egregie suæ erga Imperato- rem voluntatis non minimū specimen edidit, cum terra mariq; ab hostibus petitus, nunquam tamen ab eo de- scernerit. Bernardo extincto, Ludouicus Pius Caroli filius

filius Barcinonem adiit, depulsisq; Sarracenis, urbem
 Iamfredo gubernadam tradidit anno vigesimo quinto 825
 supra octingentesimum. Ab hoc Iamfredo postea Co-
 mites Barcinonis originem traxerunt, qui per multos
 annos hunc Comitatu feliciter administrarunt, quoad
 demum cum regno Arragonie fuerit hoc modo conne-
 xus. Mortuo sine liberis Alphonso rege Arragonie,
 Raymirum monachum fratrem eius procures Arrago-
 nie regem deligunt, impetrataq; à summo Pontifice
 facultate, è monasterio educunt, atq; ei uxorem collo-
 cant. Ex ea Raymirus unicam tulit filiam Petronellā,
 siue, ut alijs placet, Vrracam. quæ Raymundo Barci-
 nonensi Comiti vxor data, regem cum Arragonie
 iure dotis constituit, quamuis ex Raymiri testamento
 non Regis, sed Principis Arragonie titulum vsurpa-
 rit. Raymundo ex hac vita sublato successit filius Al-
 phonsus, qui primus Rex Arragonie, & Comes Bar-
 cinonis post horum principatuum coniunctionem fuit
 appellatus. Ex quo sequitur, Maiestatem vestram,
 cum Arragonie regno præsint, meritò quoq; Barcino-
 nensi Comitatu iura dare, cum hæc ditiones iam retro-
 actis multis annis vnâ fuerint copulatæ. Ceterum, an-
 tequam hæc consociatio fieret, ex Iamfredi primi gene-
 re decem fuerunt Barcinonis Comites, quorum nonnulli
 plurima virtutis sue monumenta posteris reliquerunt.

Ex

DE TITVLIS

885 *Ex Iamfredo enim susceptus est Iamfredus secundus, cui Ludouicus quartus, cognomento Nihilus, Rex Franciæ, quicquid in Barcinonis Comitatu iuris habebat, liberaliter concessit anno octingentesimo octuagesimo quinto, cum proprijs uiribus aduersus Mauros prouinciam tueri non desisteret. Iamfredum secundum duobus interiectis Comitibus subsecutus est Borrellus, qui Barcinonem à Mauris occupatā illicò recuperauit, & Sarracenos à tota prouincia Barcinonensi breui tempore eiecit. Post eum alijs duobus Comitibus præteritis, locum tenuit Raymundus Berengarius, qui non solum partem Barcinonensis principatus negligentia superiorum Comitum amissam recepit, sed Maurorum etiam reges duodecim campestri prælio victos tributum sibi ipsi pendere coegit. Vnde Propugnator, & Murus Christiani populi vocitari meruit. Huius nepos Raymundus Berengarius tertius, virtute bellica maxime fuit insignis. Maioricam enim insulam à Mauris possessam ditionis sue reddidit, atq; eius incolis omnes ad fidem Christianam reduxit. Post in Hispaniam reuersus, ut Barcinonensibus, qui à Mauris dura obsidione premebantur, auxilium ferret, eos statim obsidione liberauit. atq; insuper Ilerdæ, Dertose, & Valentie reges vectigales sibi fecit. Huius Raymundi filius fuit Raymundus ille, qui uxore ducta Raymiri regis filia, Barcinonis*

cinonis Comitatum, ut dixi, ita cum Arragoniæ regno coniunxit, ut sequentibus temporibus qui Arragoniæ Rex, idem & Barcinonis Comes extiterit.

DE COMITATIBVS
Ruscinonis, & Cerretaniæ.



RVSCINONIS, ET CERRETANIAE Comitatus simul esse iungendos duximus, quod nullam ferè scriptores Ruscinonis Comitatus mentionem faciant, quin aliquam quoq; Cerretaniæ commemorationem adiungant. Ruscinonis porro Comitatus in montibus Pyrenæis, qui Hispaniam, Galliamq; diuidunt promontorijs in duo diuersa maria proiectis, situs est, præcipuamq; habet urbem Perpinianum. Cerretani vero etiam ab antiquis nominati, & ipsi ad Orientem Pyrenæos inhabitant. Quo tempore autem hi Comitatus principium nacti sint, aperte non comperi. Assumere tamen possum scriptorum auctoritate fultus, eos antiquissimos

Quisissimos

DE TITVLIS

quissimos esse. Nam Frācisus Tarapha in libro de Regibus Hispaniæ scribit, Iamfredum secundum Barcinonis Comitem à Ludouico rege Franciæ dono accepisse
885 anno octingentesimo octuagesimo quinto, quicquid ipse Rex iuris habebat in Barcinonis, Ruscinonis, & Cerretaniæ Comitatus. Ex quo suspicari etiam licet, hos Comitatus unā cum Barcinonensi originem sumpsisse, cum videamus illos iam inde ferè à primo exordio cum eo fuisse coniunctos. Mortuo verò Iamfredo secundo, locum subiit Miron filius, qui horum trium Comitatum est potitus. Miron, cum tres filios ex vxore suscepisset, vni Iamfredo Barcinonis, alteri Oliuano Ruscinonis, & Cerretaniæ, tertio Mironi Gerundæ Comitatus attribuit. Oliuano inde qui in his Comitatus successerint, clarum mihi non est. Credo tamen Barcinonenses Comites illorū imperium tenuisse, cū Raymundus Raymundi Berengarij tertij filius, is qui Princeps Arragoniæ fuit, duos filios procrearit, Alfonsum regē Arragoniæ, Comitemq; Barcinonis, & Sanctium Ruscinonis, & Cerretaniæ Comitem. Sanctio postea è rebus humanis erepto, hos Comitatus arbitror ad reges Arragoniæ peruenisse. Iacobus enim Fortunatus Arragonum rex Petrum filium regem Arragoniæ, Iacobum verò regem Maioriciæ, Comitemq; Ruscinonis, & Cerretaniæ reliquit. Habuit etiam Fortunatus filiā Isabellam,
quam

quam Philippus rex Francorum Diui Ludouici regis
 filius uxorem duxit, pacto prius inito, ut Carcaffonem,
 quæ vrbs in controuersia erat, loco dotis haberet: omni
 autem iure, si quod ei competeret in Cathalonia, &
 Ruscinone, cederet. Verùm Iacobus Maioricæ rex,
 & Ruscinonis, Cerretaniæq; Comes his omnibus suis
 ditionibus ab Alphonso Petri regis Arragoniæ filio
 exutus fuit, quòd Gallorum partes contra Petrum tue
 retur. Petrus inde moriens Iacobo fratri eas reddi
 iussit. Itaper nonnullos annos hi Comitatus cum regno
 Maioricæ fuerunt connexi, quoad demùm ad reges
 Arragoniæ unà cum ipso Maioricæ regno redierunt.
 Id autem factum est tempore Petri quarti regis Arra-
 gonie, qui Ceremoniosus est appellatus. Hic enim Ia-
 cobum vltimum Maioricæ regem non regno solum,
 sed Ruscinonis etiam, Cerretaniæq; Comitatus spolia-
 uit, cum præstare debitum obsequium recusaret. Quas
 prouincias regno Arragoniæ subdidit. Anno postea mil- 1462
 lesimo quadringentesimo sexagesimo secundo Ioannes
 Rex, Ferdinandi Catholici pater Barcinonensium de-
 fectione perculsus opem à Francorum rege Ludouico
 vndecimo postulauit: quam tradito ac veluti oppigno-
 rato, quanti auxilia lata constarent, Ruscinonensi Co-
 mitatu impetrauit. ex qua re maxime contentiones
 exortæ, quæ vsq; in annum millesimum quadringente- 1492

Q y

DE TITVLIS

simum nonagesimum secundum protractæ sunt. Quo anno Carolus octauus rex Franciæ Ruscinonis Comitatum Hispanis restituit. Ab eo tempore hi duo Comitatus Arragoniæ semper regibus subiecti fuere. ita vt cognoscere clarè possimus, qua ratione ad Maiestatem Vestram demùm peruenerint.

DE COMITATV FLANDRIÆ.



FLANDRIA, quæ in tres partes diuisa est, Teutoniam, Gallicam, & Imperatoriam, hodie Brabantia, Hannonia, Artesia, & Oceano clauditur. Nescio autem, an ullus sit alius in vniuerso Christiano orbe Comitatus hoc Flandrico nobilior, atq; illustrior, cum tot, tantaq; sint, quæ eius dignitatem, & præstantiam nobis aperte prodant, vt vix sciam, unde mihi sit exordium capiendum. Sed, (vt hanc rem quoquo modo persequamur,) eius amplitudinis testes sunt in primis nobilissimæ, quas complectitur, vrbes,

bes, Gandauum, Brugæ, Hypræ, Douacum, Insule, (quam urbem nostro sermone Lillam vocamus,) et Tornacū, ut interim inferiores multas prætereamus. Deinde verò Comitum ipsorum virtus, atq; excellentia, cum Balduinus, & Henricus fratres ob spectatam multis in bellis virtutem ex Flandriæ Comitibus Constantinopolitani Imperatores acclamari, & coronari meruerint circiter annum millesimum ducentessimū quartum. Nam Rubertum Hierosolymitanum, Theodoricum, & Philippum Alsatios mitto, qui magnis bellis in Oriente contra hostes Christianos gestis, ingentem gloriam, eternamq; nominis famam reportarunt. Hūc etiam illud accedit, quod huic regioni non parum nobilitatis asferre potest, quod nos omnem Germaniam Inferiorem, quæ multos Ducatus, & complures etiam alios Comitatus continet, vno Flandriæ nomine vocitamus, illud nimirum significantes, Flandriæ Comitatum eius præcipuam esse partem. Quod si nondum satis ex his Flandriæ decus perspicitur, illud quidem nobis facile ostendet, eam esse præclarissimam, quod ipsius Comes fuerit olim vnus ex Fræciæ Paribus. Quod nomen non in Francia solum, sed in Italia, & Germania etiam fuit antiquis temporibus vsurpatum, cum Pares dicerentur conuassalli, qui ab eodem domino, eadem uè domo seuda tenerent. qui in legibus Feudorū

1204

Pares

DE TITVLIS

Pares curtis, siue curia, siue domus appellantur. In Francia igitur multos abhinc annos duodecim principes ex omni procerum nobilitate selecti fuere, (cui autem Francorum regi hoc sit attribuendum, inter auctores, quos ego legerim, non constat,) qui Pares ea de causa fuerunt nuncupati, quod omnes eidem Francia regi seu di ratione essent obnoxij, atque ita inter se pares essent. Quorum ita late patuit potestas, ut ad ipsorum arbitrium, et iudicium omnium rerum, et consiliorum summa recideret, constituendi quoque regis, cum de successione controuersia esset, facultatem haberent, atque ipsi regi tandem omnibus in rebus adessent. Ex his sex profani fuere, sex vero sacratii: ex profanis tres Duces nunerantur, Burgundiae, Nortmaniae, et Guiennae, seu Aquitaniae, totidemque Comites, Flandriae, Tholosa, et Campaniae. Ex sacratii autem tres episcopi, qui Ducis etiam nomen tulerunt, Rhemensis, Laudunensis, et Lingonensis, atque tres alij, qui Comites vocati sunt, Niviodunensis, Bellouacensis, et Cathalaunensis. Ex priori ordine nulli hodie tituli supersunt, praeter Flandriae Comitem. A multis enim annis Galliarum reges Nortmanniam, et Guiennam, et Campaniam, Tholosanamque ditionem, et a morte Caroli Ducis Burgundiam tenent, atque patrimonio suo coniunxerunt. Flandria sola restat, quam tamen Carolus quintus Imperator pater vester superioribus

bus annis, quando cum Francisco Valesio Francorū re-
ge * Madriti, et postea * Cameraci pactus est, exemit * An.
à fide, qua Gallie prius erat obstricta, cum Frācorum 1525
regum esset Beneficium, ita ut ex Flandria ad Sena- * An.
tum Parisiensem prouocari soleret. Cui iuri postquam 1529
Franciscus primus cessit, prouocationes omnes vel Atre-
batur, vel Mechliniam nunc deferuntur. Quod ad
reliquos Pares attinet, ij, quoniam sunt ecclesiastici,
adhuc manent, quanquam non magna sit eorum aucto-
ritas, & Rex, quicquid sibi velit, agat. Ceterum,
ut ad propositam historie nostrae seriem reuertamur,
(à qua tamen non sine causa digressi eramus,) non uno
eodemq; modo auctores sentiunt, quo tempore hic Flan-
driae Comitatus initium ceperit. Maior tamen pars id
Carolo Caluo Franciae regi, qui postea Imperator quoq;
fuit, ascribendum putant. aiunt enim Balduinum Ar-
duennae Saltuarium, qui ob ingentem fortitudinem,
virilemq; animum Ferreus est dictus, Iuditham filiam
ipsius Calui, quae mortuo Edelulpho Angliae rege, cui
nupserrat, ad patrem trans mittebat, interceptisse, tho-
roq; sibi iunxisse, atq; ea de causa per aliquot annos re-
gis gratiam inire non potuisse: tandem verò precibus
mulieris paternum animum motum, ita ut Balduinus
ex hoste, praedoneq; gener fieret, Flandriaq; tota una
cum nouo Comitatus titulo donaretur anno octingentesimo 863
sexagesimo

DE TITVLIS

Anno 879 sexagesimo tertio. Post hunc Balduinum, qui post annos inde sexdecim fato functus est, vnus et triginta alij Flandriae Comites recensentur, connumeratis tamen quinq; Comitibus, & te PHILIPPE REX potentissime. qui per annos septingentos Flandriam possederunt, & Varijs semper se bellorum tumultibus exercuerunt, cum & contra Francos, & Anglos, & Germanos, & nonnunquã etiam in subiectos populos assidue bella gesserint: adeo vt nullus ferẽ extiterit Flandriae Comes, qui non ingentis virtutis, atq; animi fuerit, cum maximis victorijs grauib; ex bellis tulerint, & huius regionis non paruam potentiam omnibus notam fecerint. Verum, quo iure Maestas vestra Flandrico Comitatu potiatur, non est difficile commemorare. cum enim Burgundicae domus haeres fuerit, vt superius saepe docuimus, non iniuste Flandriam, quam Burgundiones antea tenerent, sibi vindicat. Sed hic peropus est ostendere, quomodo Burgundiae Duces ad reliquas suas ipsorum ditiones eam quoq; adiecerint. Ludouicus Maleianus Ludouici Niuernensis, vel, (vt alij eum nominant,) Cressiaci filius, qui fuit vigesimus quartus Flandriae Comes, cum anno millesimo trecentesimo octuagesimo tertio moreretur, Margaritam filiam vnicam, quae omnes eius ditiones exciperet, superstitem reliquit, quae iam antea viuente patre, Philippo Audaci

PHILIPPI REGIS. 65

Audaci Burgundiae Duci, & Caroli quinti Franciae regis fratri nupserat. Hac post patris obitum omnium se bonorum heredem dixit, & Burgundiae Ducem virum suum, dominum constituit. atq; ita ex eo tempore Burgundionum Duces, Flandriae quoq; Comites nominari caepti sunt. Erepto autem è rebus humanis Philippo Audace, successit Ioannes filius eius, Philippi Tij pater, & Caroli potentissimi Ducis, atq; Comititis auus. Cuius inde maximae opes, cum in eo defecerint, quippe qui nullam vnquam virilem prolem suscepit, in AVSTRIAM, quae adhuc rerum potitur, familiam traductae sunt.

DE COMITATV ARTESIAE.



ARTESIA, quam Atrebares à Cesare sepe nominati maiori ex parte olim tenuerunt, non eisdem semper finibus contenta fuit. Nunc verò à Septentrione Lisa fluuio, ac magno Fosse nouae alueo terminatur,

R

minatur,

DE TITVLIS

minatur, ab Oriente Flandria Gallica, & Camera-
censi regione, à Meridie autem, & ab Occidente Pi-
cardia. Hæc porrò regio multis iam antè annis vnà cū
Flandriæ Comitatu fuit coniuncta. Nam & Baldui-
no illi Ferreo, qui primus Flandrensium Comes à Ca-
rolo Caluo est constitutus, & reliquis subinde Comiti-
bus paruit, donec tandem à Philippo Alsatio, qui fuit
decimus sextus Flandriæ Comes, in hunc modum se-
iuncta est. Hic enim Philippus cum Margaritam so-
rorem Balduino Hannoniæ Comiti collocasset, ex eaq;
multi liberi essent progeniti, ex ijs Elisam, seu Isabel-
lam idem auunculus admodum puellam euocatā apud
se educarat, loco filię habiturus, quod ex vxore sua
neq; vllos liberos haberet, neq; speraret, quippe insana-
bili morbo implicita. Elisam igitur sibi heredem fami-
liaribus in sermonibus destinabat; perpulitq; Philippū
Franciæ regem, qui Augustus, & Adeodatus appel-
latus est, Ludouici septimi filium eam in matrimoniū
ducere, tributis nomine dotis Atrebatibus, Odema-
rensibus, Lendensibus, Effedinensibus, omniq; illa
Flandriæ parte, quæ à Fossa noua in Occidentem ver-
git. Qui terrarum tractus non multò inde post, anno
1195 millesimo centesimo nonagesimo quinto, siue, (vt alij
volunt,) nonagesimo octauo, Comitatus est ab eodem
Philippo rege institutus, (sunt tamen nonnulli, qui
huius

huius Comitatus originem Diuo Ludouico ascribāt,) Anno
 Artesiaq; Comitatus dictus, ac primus Atrebatium 1236
 Comes creatus Ludouicus Regis filius, & Diui Ludo-
 uici Francorum regis pater. Diuus inde Ludouicus Ru-
 bertum fratrem hoc donauit Comitatu, quem postea
 excepit Rubertus alter, filius, qui Artesiam multo,
 quam antea fuisset, ampliorem successoribus suis re-
 liquit. Atq; ita quidem hic Comitatus per annos plus-
 quam centum & octuaginta à Flandria disiunctus
 fuit: nam post id temporis, anno millesimo trecentesi- 1382
 mo octuagesimo secundo, sub Ludouico Maleano Flā-
 driæ Comite iterum cum ea sociatus est, proptereaquod
 Ludouicus ex Margarita Philippi Longi Franciæ re-
 gis filia, quæ Comitatum Atrebatensem secum trahē-
 bat, editus esset. Post hunc Ludouicum, Flandriæ
 Comites Artesiam semper sibi dicto audientem habue-
 re, exceptis tamen paucis aliquot annis, quorum inter-
 uallo sub Ludouici undecimi, & Caroli octauī Fran-
 corum regum imperio fuit, cum Ludouicus undeci-
 mus statim à morte Caroli Vltimi Burgundiæ Ducis,
 qui Flandriæ quoq; Comes erat, sui iuris eam fecisset
 anno millesimo quadringentesimo septuagesimo septi- 1477
 mo. Quam tamen Carolus octauus post annos inde sex
 decim, quando cum Cesare Maximiliano fœdus, Anno
 amicitiamq; inijt, Philippo Archiduci Austriæ eius 1493
 R ij filio,

DE TITVLIS

filio, & Caroli Burgundionum Ducis heredi restituit. Quibus ex rebus cum satis appareat, Maiestatem uestram illo eodem nomine Artesiam, quo Flandriam tenere, ordo postulat, ut verba nunc de Hannonia fiant.

DE COMITATV HANNONIÆ.



HANNONIA, quæ magnam regionis eius partem occupat, quam Neruij luculento Cæsaris nobilitati testimonio quondã incoluerunt, à Septentrione Brabâtiâ, Flandriamq; spectat, à Meridie Campaniam, & Picardiam, ab Ortû Namurci Comitatum, et Leodiensem Episcopatum, ab Occasu Schaldim fluium, ac Flandriam Gallicam. Eius verò Comitatus neq; quo anno, neq; quo Imperatore fuerit institutus, mihi vel diutius querenti compertû est. Illud quidem apud quosdam inueni, Montensem Comitatu, (quæ Vrbs totius est Hannoniæ princeps,) iam inde à
Carolo

Carolo Magno originem traxisse, ita ut verisimile videatur, hos deinde Comites succedentibus temporibus, repudiato priore nomine, Comitibus Hannoniensis titulum tanquam nobiliorem sibi ascivisse. cum præsertim ex nonnullis alijs auctoribus illud elicere possimus, Comites Montenses univæ Hannonia iura dedisse. Vt cumq; tamen res æstimetur, illud profecto nullius ferè negotij est, ostendere, cur Maiestas vestra Hannoniam in potestate habeat, cum eadem de causa hic Comitatus, qua Flandrensis, atq; Atrebatensis, ad ceteras eius ditiones accesserit. Verumtamen, ut rerum omnium uberior habeatur cognitio, percommodum fuerit docere, quo pacto Burgundia Duces hanc quoq; regionem ad imperium suum adiunxerint. Albertus Bavaria Dux, Hannoniaq; Comes, Cæsaris Ludouici Bauari filius duos tulit ex uxore liberos, Margaritam, quæ cum Ioanne Burgundia Duce, & Philippi Audacis filio matrimonio copulata fuit, & Gulielmum, qui Iacobam filiam genuit, quæ unica patris hæres supersuit. Hæc Iacoba, quanquam matrimonij vinculo quattuor viris fuit coniuncta, nullos tamen unquam filios parere potuit. Post eius itaq; mortem, Philippus Pius Burgundia Dux, Ioannis filius rebus Hannonicis præesse cæpit anno millesimo quadringentesimo trigesimo quinto, quod ex Margarita Alberti Comitibus filia, Guliel-

1435
miq;

DE TITVLIS

miq̃ sorore natus esset. Ab hoc Philippo, qui deinceps eum consecuti sunt, (de his verò multis in locis superius diximus,) Hannonia quoq̃, dominatum semper tenuere: ita vt non immeritò Maiestas vestra, PHILIPPE REX, hoc Comitatus titulo vtatur.

DE COMITATV HOLLANDIÆ.



HOLLANDIA clarissima Inferioris Germaniæ prouincia, à Septentrione, & Occidente mari Oceano cingitur, à Meridie Mosa fluuius, & Brabantia Ducatu, ab Oriente sinum habet Germanici maris vulgò Zuider zee, Geldriaq̃ Ducatū. Quæ verò à nobis Germanico nomine dicitur Hollandia, quòd terra sit cauernosa, ea fuit priscis temporibus Batavia. quam Meroueus Francorum rex, (nè longius exordium ducamus,) dùm per Germaniam in Gallias contenderet, fluctuantibus iam Romanorum rebus, magno armorum impetu sub ditionem suam coegit anno
qua-

quadringentesimo et dequingentesimo. Hanc deinde 449
 Francie reges ipsius successores, licet per multos annos à
 Danis, atq; alijs diuersarū gentium populis oppressam,
 tandiu tenuerunt, quoad demū à Carolo Caluo rege,
 Ludouici Pij filio ad Comitatus fastigium est elata,
 Theodoricoq; è regia Francica stirpe oriundo attributa 863
 anno Christi octingentesimo sexagesimo tertio. Theodo-
 rico verò è rebus humanis exempto, progenies eius
 exceptam dominationem per annos amplius quadrin-
 gentos vsq; ad Ioannem perduxit, qui decimus sextus
 inter Hollandie Comites numeratur. Qui omnes cum
 ceteris in rebus insignes fuere, tum eo maximè nomine
 celebrantur, quòd non solum regionem suam ab hosti-
 libus impressionibus tutam præstiterint, sed multis
 etiam acceßionibus auxerint. Quin etiam Gulielmus
 secundus laudes omnium ante se Comitum cumulauit,
 cum, præterquam quòd à principibus Germanie Cesar
 est declaratus, multas victorias contra hostes suos
 fuerit consecutus. Verum Ioanni illi, de quo antea di-
 ctum est, & qui Florentij quinti filius, Gulielmiqu; se-
 cundi Romanorum Regis nepos fuit, cum nulla virilis
 soboles existeret, successit alter Ioannes, Hannonie
 Comes, eo quòd ex Adeleide, (Margaritam alij eam
 nominant,) Gulielmi Regis sorore progenitus esset.
 Quo postea factum est, ut qui Hollandie, ijdem etiā
 Hannonie

DE TITVLIS

- Hannoniæ Comites fuerint. Ioannis inde in locum sub-
 1304 biijt Gulielmus tertius, filius anno millesimo trecente-
 simo quarto, qui Gulielmum quartum post se Comi-
 tem reliquit. In quo cum virile genus rursus perierit,
 Cesar Ludovicus Bauariæ Dux, Hollandiæ, Hanno-
 1346 niæq; Comitatum adeptus est anno millesimo trecente-
 simo quadragesimo sexto, quod Margarita, quæ Gu-
 lielmi tertij filia, quartiq; soror erat, matrimonio vte-
 retur. Tum verò Cesaris Ludouici locum obtinuit Gu-
 lielmus quintus, filius, & eo mortuo, Albertus alter
 filius, cui duo liberi fuerunt, Margarita, Guliel-
 musq; sextus. Ex quibus Margarita Ioanni Burgun-
 diæ Duci nuptui data est, Gulielmus verò paternas
 1404 possessiones gubernandas suscepit anno millesimo qua-
 dringentesimo quarto; Iacobamq; vnicam filiam ha-
 buit, quam moriens tantorum bonorum heredem reli-
 quit. Quæ Iacoba quattuor quidem maritis prædita
 fuit, nullos tamen vnquam filios suscepit. Cum igitur
 vita decessisset, Philippus Pius Burgundiæ Dux,
 Anno Ioannis filius eo nomine Hollandiam imperio suo sub-
 1435 iecit, quod Margarita mater sua Gulielmi vltimi Co-
 mitis soror esset, sicuti etiam in Hannonia paullo ante
 demonstratum est. Philippum autem excepit Carolus
 1457 filius anno sexagesimo septimo post mille & quadrin-
 gentos, qui Mariam vnicam filiam omnium suarum
 regionum

regionum heredem procreavit. Quæ postea, cū Maximiliano Archiduci Austriæ nuptiarum vinculo fuerit sociata, omnes ditiones paternas in Austriacū genus traduxit. cuius auspicijs hodie quoq; felicissimè administrantur.

DE COMITATV SELANDIÆ



MVLTAE sunt in Oceano Germanico insule, quæ à Septentrione Hollandiam respiciunt, à Meridie Flandriæ Comitatum, ab Oriente Brabantiam, ab Occidente Angliæ regnum, exiguæ illæ quidem, singulæq; diuersi nominis, sed quæ omnes simul iunctæ non contemnendum constituent Comitatum, vnoq; SELANDIÆ, siue ZELANDIÆ nomine contineantur. Quod nomen veteribus incognitum à terra & mari conflatum est, vt si quis dicat, terram & solum maritimum. nam Selandiæ Comitatus mari vndiq; perfusus varijs insulis distinguitur. Ex quibus
S septem

DE TITVLIS

Septem præcipue recensentur, quæ ceteris & incolarum frequentia, & mira soli vbertatè longè præstant, tres quidem Orientales, quattuor verò Occidentales satis nota de causâ dictæ. Orientales autem sunt, Schaldia, Duellant, & Tolén. Occidentales, Valacria, Zutbeuera, Nortbeuera, & Vuolferdyck. Has verò insulas iam inde à Caroli Magni posteris, à Ludouico scilicet Germaniæ rege, Ludouici Pij filio, & Caroli Magni nepote, (Ut antiquiora omittamus tempora,) Hollandi muneris loco sunt affecuti, qui per multos annos earum potiti sunt. Nam deinde ab Imperatore Henrico, qui Claudus est nominatus, in Balduinū 'Barbatum, qui fuit sextus Flandriæ Comes, fuerunt translata anno millesimo septimo, propterea quòd Balduinus vir strenuus, & bello, paceq; clarus Imperatori valdè esset acceptus. Ex quo diuturnū inter Flandriam, & Hollandiam ortum est dissidium, quod ferè quadringentos durauit annos, cum Hollandi ius suum, quod à principio in his insulis nacti fuerant, acriter defendere non desisterent. Multa quoq; insecta sunt bella, eaq; nonnunquàm adeò seua, ut quodam nauali in prælio, quod anno millesimo ducentesimo quinquagesimo tertio inter Margaritam Flandriæ Comitissam, & Gulielmum Hollandiæ Comitem, qui etiā Romanorum Rex fuit, commissum est, Flandren-

sum

1007

1253

sum quinquaginta millia fuerint interfecta, prater incredibilem eorum numerum, qui vel gurgitibus maris fuerint hausti, vel capti in carceres detrusi, cum idem numerus mari absumptorum, itemq; captiuorum, qui & occisorum à nonnullis scriptoribus prodatur. Quo felici rerum successu elatus Gulielmus nullas pacis conditiones, praterquam ipsi Margaritæ durissimas, accipere volebat. ita ut etiam ingentem pecuniæ summam aspernaretur, quam Margarita ultro deferebat, ut duo filij Vido, ac Ioannes Dampetræ, qui eodem in prælio capti fuerant, in libertatem restituti domum remitterentur. Verum paullo post in Frisiam profectus, ut eam gentem, quæ imperata sua detrectabat, bello frangeret, sub iugumq; reduceret, ibi à Frisijs occisus, una cum vita omnia quoq; bona sua amisit. Post eius itaq; obitum liberati sunt Vido, ac Ioannes, & pax in hunc modum conciliata: ut Florentius Gulielmi mortui filius Beatricem Vidonis filiam, Margaritæq; neptem in matrimonium duceret, nomineq; detis omne illud ius obtineret, quod Flandriæ Comites in Selandia vel haberent, vel prætenderent. Atq; ita tunc primum Selandia ad Comitatus gradum est euecta, primusq; Selandiæ Comes appellatus Florentius, qui decimus quintus Hollandiæ Comes fuit. Id quod anno millesimo 1256 ducentesimo quinquagesimo sexto factum est. Huic

S ij autem

DE TITVLIS

autem Florentio successit Ioannes filius, ultimus, qui ex agnatione Theodorici primi Hollandie Comititis hos rexit Comitatus, cum sine ullis filiis extremum diem obierit. Quem inde subsecutus est Ioannes secundus, Hannonie Comes, quod ex sorore Gulielmi Romanorum regis natus esset. Qua re Hannonie, Hollandie, & Selandie Comitatus inter se fuerunt confociati, ita ut vnus & idem Comes summe rerum præset. Quicquid igitur supra in Hollandia post mortem Ioannis primi diximus, (nè eadem repetantur,) hunc quoque referendum est. Ut enim Hollandia, sic Selandia eo rerum successu, de quo scripsimus, ad Maiestatem vestram. REX PHILIPPE, deuenit.

DE COMITATV NAMVRCENSI



NAMVRCI Comitatus inter Brabantiam, Hannoniam, & Leodiensem regionem continetur. Ipsa verò vrbs Namurcum ad Mosam fluitium posita,

sita, non mediocrem habet nobilitatem, cum & Comitatus titulo multis iam ante seculis fuerit insignita, et nomen suum toti Comitatus impertiat. De cuius origine quod pro certo afferam, nihil mihi est, cum rerum gestarum auctores eam non prodāt. Illud quidem apud Vuolfgangum Lazium in Genealogia Austriaca legi, Carolum Martellum Caroli Magni avum Comitem primum Namurcensem, deinde Brabantiae Ducem fuisse. Ex qua re intelligi potest, hunc Comitatus titulum antiquissimum esse. De subsequentibus deinceps Comitibus nihil comperti habeo. immo potius apud quosdam inuenio, Namurcum Marchionatus titulum gessisse circiter annum millesimum ducentesium quartum, quo tempore Balduinus Flandriae Comes Constantinopolitanum Imperium est adeptus, deinde temporis progressu, repudiato nescio qua de causa priori nomine, Comitatus titulum accepisse. Alij verò contrà nominant Henricum quendam Namurci Comitem, ex cuius sorore progenitus fuerit Balduinus Hannoniae Comes, Balduini Imperatoris pater. ita ut facile credam, hos principes pro arbitrato suo vel Marchiones, vel Comites se appellasse: id quod etiam ex Iacobo Meyero in libris de Flandricis rebus colligere possumus. Verum Henricus ille Comes, cum nullis susceptis liberis è vita discessisset, hunc Comitatum magnis bellorum perturbatum

1204

DE TITVLIS

batum contentionibus reliquit. Si quidem cū duæ ipsius
 sorores extarent, Adela, quæ Comiti Hannoniæ, &
 Isabella, quæ Lucemburgensi nuptiis locata fuerat, non
 modica excitata est dissensio. Adela enim natu maior
 omnia ad se iure trahebat. Isabella verò, accedente
 Henrici fratris voluntate, Comitatum sibi vindicabat.
 Quamobrem inter Balduinum Adela, Valeramumq;
 Isabella filium acriter prælio decertatum est: in quo ipso
 Valeramo Lucemburgensi capto, fugatisq; eius militi-
 bus, Balduinus nobilem tulit victoriam, & Namur-
 ci Comitatum sub imperium suum subiunxit. Eo mor-
 tuo Balduinus filius, qui sibi Græcum Imperium egre-
 gia virtute sua comparauit, Hannoniam, & Flan-
 driam, quam Balduinus pater ob Margaritam vxor-
 em fuerat consecutus, obtinuit. Philippus verò alter
 filius Namurcum administravit. Quo sine ulla sobole
 extincto, credo Henricum eius fratrem, qui Imperator
 quoq; Constantinopolitanus post Balduinum alium fra-
 trem constitutus est, illud hereditario iure tenuisse,
 cum Iolein filiam, (quam tamen alij sororem eius fa-
 ciunt,) Petro Comiti Altsiodorensi, & post Impe-
 ratori Græcorum matrimonio iunxerit, & inde natus
 fuerit Robertus Imperator Constantinopolitanus, &
 Philippus Comes Namurcensis. Ex quo etiam con-
 iungere possumus, aut Græcorum Imperatorum propin-
 quos,

quos, aut ipsos Imperatores Namurcum deinde eousq;
possedisse, quousq; tandem ab Henrico Lucemburgensi
Comite, qui Henrici septimi Imperatoris avus fuit, ob
antiqua Lucemburgensium in hoc Comitatu iura fue-
runt possessione deiectioni. Atq; ita hic Comitatus ad prin-
cipes Lucemburgenses devenit, quorum tamen in fami-
lia diutius non mansit. Siquidem Henricus ille, cum
Isabellam filiam Vidoni Dampetræ Flandriæ Comiti
matrimonio copulasset, Namurcum filie loco dotis assi-
gnavit. Ex qua inde multi procreati sunt liberi, præci-
pue verò Ioannes, qui Namurcensis Comes fuit. Cuius
inde progenies huic semper Comitatu præfuit usq; ad
annum millesimum quadringentesimum vigesimū octa-
uum. Quo anno, Ioanne ultimo Comite nullis relictis 1428
liberis morte sublato, Philippus Pius Burgundie Dux,
Flandriæq; Comes Namurci possessionem adiit, cum
paullò ante à Ioanne Comite hunc Comitatum non exi-
gua numerata pecunia comparasset. Post Philippi dein-
ceps virilem stirpem extinctam, Namurcum eadem
de causa, de qua sepe iam diximus, ad Maiestatem
vestram deductum est. sub cuius tutela hodierno etiā
die prospere degit.

DE TITVLIS
DE COMITATV ZVTPHENI



ZUTPHENVM oppidum, quod in Geldria ad
Isalam amnem situm est, quo tempore fuerit Co
mitatus honore decoratum, scriptores, qui ad nostras
peruenerint manus, non aperiunt. Illud verò dubium
non est, hunc Comitatum iure posse cum reliquis Vetu-
state contendere, cum suprà quingentos iam annos eius
memoria extet. ita vt etiam nobilitatem eius immen-
sam propè esse iudicare liceat. Quo iure autem Maie-
stas vestra eum teneat, facile est ad indicandum. cum
enim Geldrie Ducatum possideat, meritò quoq; hunc
titulum sibi asciscit, cum Zutpheni Comitatus circa
1082 annum millesimum octuagesimum secundum cum Gel-
drie ditione fuerit hoc pacto coniunctus. Otho Co-
mes à Nassau, qui propter Adeleidem vxorem Gel-
drie dominatum obtinuit, & qui primus Geldrie Co-
1079 mes factus est anno millesimo septuagesimo nono, mor-
tua

rua Adeleide aliam vxorem duxit. Ea fuit Gerlacci Zutpheni Comitis filia, quæ omnes possessiones paternas ad maritum iure vxorio transportauit. Ex quo deinde tempore Zutphenum semper fuit cum Geldria copulatum. ita vt quæ suprà copiosè de Geldria diximus, hîc quoq; repetita esse existimari debeant, nè tempus in re iam patefacta teratur.

DE COMITATV BVRGVNDIÆ.



DE BVRGVNDIÆ regno, quod priscis floruit temporibus, quomodo, & quo tempore fuerit in Ducatum, & Comitatum diuisum, itemq; quæ de caussa Ducatus ad Maiestatem vestrâ pertineat, superius breuiter narrauimus. Nunc res postulat, vt eodem ordine differamus, quemadmodum hic Comitatus ad eandem fuerit deuolutus. Cuius rei aperiendæ gratia, principium paullo altius ducamus, necesse est. Cum Philippus Longus post mortem Ludouici Hutini

T fratris

DE TITVLIS

1316 *fratris Francorum rex constitutus esset anno millesimo trecentesimo decimo sexto, initio regni sui Ioannam trium filiarū maximam Odoni Duci Burgundiae uxorem dedit, ascripto loco dotis Burgundiae Comitatu, in quem defuncto Othone auo materno, Rubertoq, auunculo, ea Virgo successerat. Margaritam vero secundam filiam Ludouico Ruberti Flandriae Comitis ex Ludouico filio nepoti, eidemq, materno iure Comiti Niuernensi, & Mariam tertio loco genitam Delphino Viennensi collocauit. Ex Odone, & Ioanna editus est Philippus Burgundiarum dominus: ex illo alter Philippus. quo ineunte adolescentia mortuo, Margarita secunda Longi regis filia, quae Flandro iuncta fuit, in Comitatum Burgundiae successit, cum Ioannes Franciae rex ob Ioannam matrem, Philippi Ducis consanguineam Ducatum excepisset. Atq, hoc modo hic Comitatus ad Flandriae Comites delapsus est, in quorum deinde progenie semper mansit. Etenim ex Margarita, & Ludouico Niuernensi, qui vigesimus tertius Flandriae Comes fuit, susceptus est Ludouicus Maleanus, qui & Flandriae, & Burgundiae dominationem ad posteros suos in hunc usq, diem transmisit. Qui verò Comites mortuo Maleano locum eius tenuerint, superius in Flandria pluribus expositum est.*

DE

DE COMITATIBVS

Habspurgi, & Tyrolis.



HABSPURGI, & TYROLIS Comitatus quo tempore fuerint instituti, & à quibus subinde Comitibus possessi, per opportunè in libro de Titulis Maximiliani Caesaris ostendam. Nunc verò causam tantum afferam, cur vestra quoq; Maiestas eorum Comitatum titulos gerat, cum ab eius patrue libus Ferdinandi Caesaris filijs nunc teneantur. Atq; Habspurgi quidem Comitatum, qui ab Habspurgo celebri oppido, quod in Heluetia in finibus Iurae, ac Vogesi montium situm est, nomen accepit, antiquissimū fuisse gentis Austriae patrimonium nemini dubium est. Nam quae nunc AVSTRIACA est familia, quondam HABSPURGICA fuit, cum Austria nobilissima regione parta, titulus Habspurgensis Comitatus paulatim obsoleuerit, Austriae verò Archiducatus nomen ad tantam per-

T ij uenerit

DE TITVLIS

1350

uenerit amplitudinem, ut nihil hodie illustrius, nihil augustius dici posse constet. Tyrolis autem Comitatus, qui & argenti fodinis admodum est insignis, & annuis prouentibus reliquos ferè omnes Comitatus superat, vnà cum Austria, & Habsburgo fuisse coniunctum ex historiarum monumentis apparet. Eo enim tempore Rodolphus cognomento Ingeniosus, Alberti Sapientis Austriae Ducis filius, Caesaris Alberti nepos, Caesarisq; Rodulphi pronepos Margaritam filiam Henrici Ducis Carinthiae, & Comitis Tyrolis, qui etiam per aliquod tempus Bohemiae rex fuit, uxorem duxit, ac nomine dotis genus suum Comitatu Tyrolensi auxit. Nam Carinthia mortuo Henrico Duce ad Imperium deuoluta, ipsis quoq; Austriae Ducibus à Cesare Ludouico Bauariae Duce iam in feudum attributa fuerat. Hæc autem Margarita, quæ ob turpem, & deformem faciem uulgò à Germanis per risum Multaschyn nominata est, duos antea viros habuit, Ioannem Henricum Morauie Marchionem, Ioannis Bohemiae regis filium, ex quo nullam suscepit prolem, & Ludouicum Marchionem Brandeburgensem, Caesaris Ludouici Bauari filium, ex quo Meinhardum Comitem Tyrolis peperit. Quo sine stirpe vlla defuncto, ipsa Margarita mater loco dotis, ut dixi, Comitatum Tyrolensem

Tyrolensem ad Principes Austrios transtulit. In quo-
rum deinde imperio, ac ditione semper fuit. Cognosci
igitur ex his omnibus potest, Maiestatem vestram
iure sanguinis, & gentilitatis hos Comitatum titulos
sibi ascribere. De quibus quia vberius alibi dicetur, has
nunc sufficiat in medium breuiter attulisse.

DE DOMINATV CANTABRIÆ



CANTABRIA, quam hodie Biscayam appella-
mus, in eo littore Hispanie, quod respicit Sep-
tentrionem, suprâ Asturiam Orientem versus posita
est. Hanc olim populi efferi, & nullam esse vitam sine
armis existimantes incoluerunt, qui hac de caussa, cum
etiam locorum accederet asperitas, à Romanis uigente
Rep.

DE TITVLIS

Rep. nullo modo subigi potuerunt. Eos inde Cæsar Augustus acri bello fatigatos Romano demum imperio adiecit. Vnde cecinit Horatius Poeta,

Cantaber fera domitus cathena.

Et alio loco,

Cantabrum indoctum iuga ferre nostra.

Post Augustum hæc regio Romanis Imperatoribus per multos annos fuit subiecta. Inde sensim deficiente

Anno Imperio à Gotthis vnà cum reliqua omni prouincia est
411 occupata, qui eam per Ducem videntur administrasse.

Pelagius enim, qui primus Asturum, & Legionis Rex fuit, Fauilla Ducis Cantabrie uiri inter Gotthos illustris, quem Vitiza rex occiderat, filius fuisse per-

Anno hibetur. Gotthos postea exceperunt Sarraceni, qui ex-
717 pulsus Gotthis quicquid terrarum à mari vsq; ad Pyreneos longè latèq; patet, Cantabris solùm, & Asturibus exceptis breui temporis spatio suæ ditionis fecerunt.

Hoc modo occupata à Sarracenis Hispania, Pelagius, de quo dixi, in Asturiam se contulit, & quorundam Gotthorum, qui è manibus Sarracenorum effugerant, auxilio fuluus, oppidum Legionis recepit, & Asturum, Legionisq; Regem se nominauit: atq; assidue cum Sarracenis bella gerendo, paullatim effecit, vt afflicta gens reuiuiscere aliquantulum uideretur. Eo morte sublato successit filius Fauilla, & post eum Alphonsus

Petri

Petri Cantabrie Ducis filius, & Pelagij regis ex filia Ermisenda gener. Atq; ita Cantabria sub potestate regum Asturie, qui postea Castellæ dicti sunt, semper fuit. Ex qua re satis liquet, nullam aliam regionem in Hispania esse, quæ non longo tempore post eam sub Castellæ regum ditionem venerit, cum Gotthi post primâ in Hispaniam irruptionem illam semper obtinuerint.

DE DOMINATV MOLINÆ.



MOLINA oppidum est in Castellâ nobilissimum non longè à finibus Arragoniæ, quod ferè septem leucarum interuallo à Segontia Vrbe celeberrima distat. Illud porrò qua etate concefferit in Castellæ regum potestatem, certis rerum monumentis traditum non reperi. Si tamen suspicari licet, coniecturamq; aliquam adhibere, ego puto Molinam iam antea à Sarracenis recuperatam, Castellæ regno fuisse additam circiter annum millesimum ducentessimum nonagesimum 1290

DE TITVLIS

nagesimum. Cur autem ita credam, afferre possum.
Etenim legi Sanctium quartum, Regem, qui per ea
tempora vixit, Mariam filiam Alphonsi Infan-
tis de Molina uxorem accepisse. Alphonsus verò ea
fortasse de caussa Infans de Molina appellabatur,
quòd ei oppido imperaret. De cuius filijs cum nullam
aliam mentionem inuenerim, coniectura ducor, ut
existimem, Sanctium Regem iure uxorio Molinam
consecutum esse. Hac tamen res, cum mihi non constet,
pro certa non videtur esse ponenda. Ea igitur in medio
relieta, illud saltem proficiemus, ut alij studio nostro
accensi Veritatem diligentius inquireant, & tandem
cognitam litteris, ac posteritati prodant.

DE DOMINATV FRISIÆ.



FRISIA, cuius nomen antiquissimum est, longè
latèq. olim patuit. Hodie verò in Occidentalem,
& Orientalem diuiditur. Occidentalis, quæ à finibus
Transisalanæ

Transsalanæ ad Amasium vsq; fluvium protenditur, habetq; sub se Ostergoiam, Vuestergoiam, Septem syl-
uis, & Gruningam inclytam urbem, (quæ tamen proprio titulo principem afficit,) ad Maiestatem ve-
stram pertinet. Orientalis autem, quæ ultra Ama-
sium posita est, quamvis ei subiecta non sit, multa ta-
men complectitur oppida, quæ vel illi parent, vel quæ ad eam, ut ad præcipuum dominum spectant. Præ-
terea verò Maiestas quoq; vestra, PHILIPPE
R E X, ut quæ Inferiorem Germaniam imperio te-
neat, in uniuersa Frisia pro perpetuo Imperatoris vi-
cario habetur, quia dignitatem hanc Cæsar Maxi-
milianus à Friderico Imperatore patre delatam nō sibi tantum, sed & posteris suis quesuit. Verum Occiden-
talem Frisiam, de qua solum locuturi sumus, Carolus Magnus, (ut vetustiora prætereamus tempora,) multis attritam bellorum calamitatibus non modo im-
perij sui iugum, sed Christianam etiam religionem, quam sæpe antea respuerat, suscipere coegit. Sed inde, cum à Frisijs summa cum fide multis in bellis esset ad-
iutus, ut egregiam ipsorum virtutem munere aliquo compensaret, eos suis uti legibus, nulliq; parere voluit. Temporis tamen processu, Carolus Calvus Franciæ rex, qui et Imperator fuit, cum Theodoricum regij san-
guinis virum Hollandiæ Comitem *fecisset, eundem *An.
863
V quoq;

DE TITVLIS

quoq; Frisia donauit. At Frisij post memoriam Caroli Magni se se liberos esse affirmantes, egre seruitutis onus subierunt. ita vt saepe Hollandiae Comitum imperium detrectarint, ab eorumq; fide defecerint. Nam & sub Theodorico secundo, qui Theodoricum primum Comitem patrem habuit, & sub Theodorico quinto, qui Florentij primi filius fuit, & Hollandiae Comitatum suscepit gubernandū anno millesimo septuagesimo sexto, arma sumpserunt, vt se se in libertatem vindicarent. Quin etiam Gulielmum Regem Romanorum, Hollandiae Comitem, Dominumq; suum anno millesimo ducentesimo quinquagesimo quinto quodam in praelio interemerunt. Quibus tamen rebus omnibus nihil vnquā profecere, cum Hollandiae Comitū imperiū deicere nullo modo potuerint, inuictisq; eorum armis cedere semper fuerint coacti. Extincta igitur progredientibus temporibus vltima Comitum Hollandiae familia, Frisia vnā cum ipsa Hollandia ad Philippum Pium, Burgundiae Ducem, & Flandria Comitem, Caroliq; potentissimi Ducis patrem deuenit, vt in Hollādia quoq; supra docuimus. Carolo deinde mortuo, Caesar Maximilianus Austriacus successit, qui Philippum regem Hispaniarum, & harum omnium regionum heredem progeniuit. Philippus inde feudi nomine in Albertum, & Georgium Saxoniae Duces Frisiam contulit, qui ta-

men

men per magnum temporis spatium eam nō tenuerunt.
 Etenim Georgius ob crebras Frisiorum defectiones sol-
 licitus prouinciam hanc Carolo Philippi filio, quem
 postea summum Imperatorem vidimus, vt legitimo
 domino cessit anno quingentesimo decimo quinto post 1515
 millesimum. Frisij tamen ob hoc in fide nō perstiterunt,
 quin potius armis captis sepe tentarunt, quo modo se se
 ab imperio Caroli subtraherent. Sed res commodè non
 cecidit, cum vi armorum in officio semper fuerint re-
 tenti. ita vt nunc quoq; Maiestati vestræ, PHILIP-
 PE REX, obnoxij vitam traducant.

DE DOMINATV MECHLINIÆ



MECHLINIA Vrbs, quamuis in Brabantia
 inter Louanium, Bruxellas, Antuerpiamq;
 posita sit, & à singulis earum ciuitatum per idem ferè
 quattuor leucarum spatium absit, cum Brabantie ta-
 men Ducatu non est coniuncta, sed propriam, & ma-
 V ij gnam

DE TITVLIS

gnam habet iurisdictionem, ita vt titulum Domini pariat. Nobilis est autem vrbs, cum & antiquitatis nomine, & descriptione edificiorum, pulchritudineq;, & populi frequentia cum singulis Germaniæ Inferioris vrbibus sine dubio possit comparari: & cum amplissimus Senatus Regius in ea resideat, cui tota ferè Germania Inferior pareat, cum ad eum omnes prouocationes deferantur. Ceterum Mechlinia multis iam retrò annis illustrissima Bertholdorum familiæ obtemperabat. Quæ demùm cum legitima sobole fuisset destituta, non defuerunt, qui varios iuris titulos præferrent, vt eius vrbis dominatum occuparent. sed post multas contentiones vna pars vrbis ad episcopum Leodiensem, altera ad Comitem Geldrensem peruenit. Qui cum per aliquot annos eam tenuissent, tandem anno millesimo trecentesimo trigesimo tertio omne ius, quod in ea habebat, Ludouico Niuernensi, qui & Cressiacus, vt diximus, ab alijs vocatur, Flandriæ Comiti vendiderunt. Ex eo tempore Flandriæ Comites Mechlinia potiti, eius se Dominos appellarunt. Qui verò Comites Ludouicum Niuernensem fuerint consecuti, superius varijs in locis patefecimus.

DE

PHILIPPI REGIS. 79
DE DOMINATV VLTRAIECTI



VLTRAIECTVM illustrima est in *Hollandia*
Vrbs, fuitq; antiquis temporibus ita cum ea con-
iuncta, vt quicquid ferè *Hollandie* Comites nunc te-
nent, ipsa tunc temporis sub imperio suo cõplecteretur.
Etenim *Carolus Magnus*, (nè rem altius auspice-
mur,) cum hanc Urbem, quæ à *Nortmanis* penitus
vastata fuerat, episcopaliq; dignitate exuta, instau-
rasset, & in ea rursus episcopatum excitasset, episco-
pum omni *Hollandia*, vt se se ab ingruentium hostium
impetu tueri posset, cum omnibus eius prouentibus do-
nauit. Ex quo ita creuit Urbis potentia, vt quadragin-
ta militum millia, si quando necessitas postularet, ad
bellum mitteret, & contra omnem barbarorum vim
ditionem suam strenuè defenderet. At *Carolus Caluus*
Franciae rex, qui Imperator etiam anno octingentesi- 875
mo septuagesimo quinto factus est, cum *Hollandie*
Comitatum

DE TITVLIS

863 Comitatum erexisset anno octingentesimo sexagesimo tertio, atq; eum Comitatum à principatu *Ultraiecti* se-
creuisset, multis urbibus, & castris episcopatum *Ul-
traiectinum* spoliauit. Quare inter *Hollandiae* Comites,
& episcopos maxima sunt orta dissidia, diuturnaq; bel-
la, cum episcopi Imperatorum auxilio pristinas opes
suas recuperare conarentur, Comites verò imperium
nuper partum Francorum regum auspicijs adaugere
contenderent. Non solum autem cum *Hollandis* bello
decertatum est, sed etiam cum *Frisijs* & *Geldrensi-*
bus, cum omnes illud vnum spectarent, quemadmo-
dum episcopum sua ipsius ditione depellerent. Quorum
tamen omnium conatus ita sunt cohibiti, & fracti, ut
pauca quidem ad se trahere potuerint, cum ipsi quoq;
multis detrimentis quotidie afficerentur. Permanserunt
autem hae discordiae vsq; ad patrum nostrorum
memoriam, quando hic principatus fuit cum *Hollan-
diae* Comitatu sociatus, sublatumq; omnis dissensionis
semen. Id quod in hunc modum euenisse scriptum inue-
nimus. Cum *Henricus* *Bauarius* episcopus *Ultraiecti-*
nus à *Carolo* Duce *Geldriae* grauissimè affligeretur, ita
ut etiam à ciuibus, quorum maior pars *Geldrensi* fa-
uebat, vrbe expelleretur, et se vndiq; ab hostibus cir-
cumuentum videret, auxilium à *Carolo* quinto Impe-
ratore, Duce *Brabantiae*, Comiteq; *Hollandiae* petere
statuit,

Statuit, ut eius opibus sacri sui imperij sedem repeteret. Sed quò magis ipse Cesar ad praesidia subministranda accenderetur, inito consilio optimum esse duxit, ditionem suam in eum, quippe qui esset Hollandiae Comes, transferre, cuius viribus à quibuscunq; hostium incursionibus defendi posset. Existimabat enim & sibi, & subsequentibus episcopis, & subiectis populis id utilissimum fore, cum non deceret sacros viros huiusmodi semper bellorum tumultibus implicari, & cum populi hoc modo optatae pacis, quietisq; fructum singularem percepturi essent. Anno igitur millesimo quingentesimo vigesimo septimo ita inter Imperatorem Carolum, & Henricum episcopum convenit; ut Henricus, quicquid iuris haberet in principatu Ultraiectino, & in regione, quae est trans Isalam flumen, Carolo Imperatori tanquam Brabantiae Duci, & Hollandiae Comiti concederet, ita ut Imperator pro se, suisq; legitimis heredibus, quibus post eum cessurae erant Brabantia, et Hollandia, possessionem iniret: Contra verò Carolus iurando se astringeret, fore, ut contra hostes episcopi arma caperet, auxiliaq; non mediocria ad episcopatum recuperandum suppeditaret. Principio ergo sequentis anni bellum ingens coortum est, cum omnia ea, quae ad exercitum, atq; ad rem militarem pertinent, summo cum studio fuissent conquesta. Quo maximo belli apparatu

1527

Anno
1528

DE TITVLIS

ratu optimè res sunt administratæ. Nam non solum ciuitas Ultraiectina è manibus Ducis Geldrensis erepta est, sed omnia etiam alia oppida, quæ ipse Dux occuparat, præsentî metu victa in deditionem concesserunt. Postquàm autem Henricus episcopus in antiquum dignitatis episcopalis locum fuit restitutus, vt Carolo Imperatori, quod promiserat, plenè præstaret, totius ditionis suæ proceres conuocauit, illisq, quid sibi cum Imperatore conuenisset, aperuit, atq, insuper eos adhortatus est, vt libenti animo Caroli imperium subirent, cum eius auspicijs vitam semper summa cum pace tractaturi essent. Qua oratione episcopi post multas sententias tandem approbata, communi consilio constitutum est; vt Ultraiectum cum omnibus eius oppidis, iurisdictione, prouentibus, agris, montibus, syluis, fluminibus, & quicquid ad profanum attineret dominium, cederet deinceps in proprietatem Carolo Cesari, & omnibus eius legitimis heredibus vtriusq, sexus Ducibus Brabantie, atq, Hollandie Comitibus: Episcopus verò posthac nihil præter iurisdictionem ecclesiasticam haberet. Vt autem hæc ditionis translatio magis rata, firmaq, esset, illicò missa est legatio Romam ad Clementem septimum, Pontificem Maximum, vt ille quoq, sua auctoritate eam confirmaret. Atq, in hunc quidem modum principatus Ultraiectinus, quem episcopi
illius

illius Urbis per multos annos tenuerant, ad Duces Brabantinos, & Comites Hollandie translatus est. Vnde fit, ut Maiestas vestra, PHILIPPE REX, cum & Brabantie Ducatum, & Hollandie Comitatum possideat, non iniuria titulum huius Dominatus ferat.

DE DOMINATV TRANSISALANÆ.



ANTEQVAM narremus, quemadmodum TRANSISALANA ad vestram Maiestatem transierit, ut omnia sint illustriora, explicandum est, qua in parte Germaniæ Inferioris constituta sit. In quo de Rheni fluminis ostijs disputatio mihi pernecessaria videtur. Intelligendum est igitur, Rhenum, qui post Danubium maximus totius Germaniæ fluminis iudicatur, non procul à Curia Rhetorum Vrbe in alpibus, quæ olim Summæ appellabantur, hodie mons sancti Gotthardi dicitur, initium sumere, & inde post immensa terrarum peragrata spatia circà Bataurorum

X fines

DE TITVLIS

fines in tria cornua diuidi, totidemq; ostijs in Oceanum
 Septentrionalem effundi. Illa autem tria cornua à Ger-
 manis hodie nominantur, *Valis*, *Lecca*, & *Isala*,
 quorum postremum antiquitus non erat, sed *Drusi* ad-
 uersus Germanos bellantis iussu, ducta fossa à *Rheno*
 ad mare, factum est, ut munimentum contra barba-
 rorum irruptiones esset. Atq; ideò tria sunt nobis Rhe-
 ni ostia, quæ veteribus duo tantum, ita ut mirum non
 sit, tertium hoc ostium *Virgilio* fuisse incognitum, qui
Rhenum vocauit bicornem, quasi duo ostia habentem.
 Quicquid igitur ultra *Isalam* fluuium, siue extremum
 Rheni ostium inter *Frisiæ* Occidentalis, & *Geldriæ*,
*Vuestfaliæ*q; fines continetur, id totum *Transisalana*
 dicitur, quod trans *Isalam* collocata sit. Complectitur
 verò tres paruas ditiones, quæ appellantur *Iselant*,
Drent, & *Tuent*, quæ simul iunctæ sub vestro, *PHI-*
LIPPE REX, imperio florent. Ad Maiestatem
 vestram autem eodem modo peruenerunt, quo *Ul-*
traiecti principatus. Nam cum *Episcopis Ultraie-*
 1527 *ctinis* olim paruissent, tandem anno millesimo quin-
 gesimo vigesimo septimo ab *Henrico Bauaro* episco-
 po eadem de causa, qua ditio *Ultraiectina*, in *Caro-*
lum quintum Imperatorem patrem vestrum fuerunt
 traductæ.

PHILIPPI REGIS. 82
DE DOMINATV GRVNINGÆ.



GRVNINGÆ Urbis, quæ Frisia Occidentalis
caput est, dignitas, & splendor ex eo præclare
cognosci potest, quod propriam, & à Frisia seiunctam
habeat ditionem. Cui verò nobili familie hic principa-
tus iam antea paruerit, mihi incertum est, cum nullā
ferè principum horum mentionem apud scriptores inue-
nerim. Solū enim Ioannem quendam Gruningæ Do-
minum reperi, qui anno millesimo quadringentesimo 1491
nonagesimo primo à Philippo Burgundie Duce, Cæ-
saris Maximiliani filio inter equites aurei velleris
ascitus fuit. Quo deinde vita sublato, hanc urbem ad
ipsum Philippum, ut ad præcipuum dominum perue-
nisse credo. Etenim cum Saxonie Ducibus Frisiam
feudi nomine attribuisset, in eosdem quoq; Gruningam
transtulit. qui tamen diu eam tenere non potuerunt,
cum à Comite Emdensi (qui Comitatus in Orientali
X ij est

DE TITVLIS

est Frisia,) eius possessione fuerint depulsi. Ceterum hic Comes, cum pacatè Gruninga frui non posset, ut qui à Georgio Saxoniae Duce, Frisiaeq; Domino armis quotidie peteretur, vtilius sibi fore existimauit, si Urbem Carolo Geldriae Duci concessisset, cum maximi animi vir nihil ab hoste vel potentissimo timeret. Atq;
1514 haec quidem translatio anno millesimo quingentesimo decimo quarto facta est. Quo etiam ferè tempore, (id Anno enim anno insequenti actum est,) Georgius Saxoniae
1515 Dux, crebris Frisiorum seditionibus perturbatus Frisiam Carolo Philippi Hispaniarum regis, Burgundiae Ducis filio, ut legitimo, summoq; domino remisit. Ex quo inter Carolum, & Geldrenses maxima, & diuturna sunt consecuta bella. Tandem pax ita conuenit, ut Carolus Geldriae Dux Gruningam possideret, sed ea conditione, ut illa post mortem suam ad Imperatorem, vel ad heredes eius legitimos recideret. quemadmodum etiam in Geldria supra narrauimus. Mortuo igitur Carolo Duce anno millesimo quingentesimo trigesimo octauo, Carolus Imperator Gruningensem ditionem in potestatem suam accepit, quam postea in te, Serenissime REX PHILIPPE, hereditario iure transmisit.

QVI DEO ipso auspice non Gruningam solum, sed tot praeterea etiam Comitatus, tot Ducatus, tot Regna, tot ditiones longè latèq; dispersas obtines, ut iure Christianorum


PHILIPPI REGIS. 83

Christianorum regum omnium maximus, ac potentissimus habearis. Idem verò hac omnia adeò pacatè possides, ut id vnum argumentum certissimum sit, te non minus moderatum, ac iustum esse, quàm opibus, & potentia firmum. adeò verò carus populis longè inter se lingua, moribusq; disiunctis es, ut qui propter imperij tui magnitudinem omnibus es metuendus, te vniuersi summo studio, atq; incredibili beneuolentia complectantur. Ex quo sperare possumus, non solum diuturnum fore istud Maiestatis vestrae in terris imperium, sed etiam apud omnem posteritatem illustre, & gloriosum. Quod ut ita sit, nos qui benignitate vestrae aequitatis præcipue fruimur, summis à Deo precibus, assiduisq; petimus.

FINIS.



IACOBI MAINOLDI GALERATI
CREMONENSIS
In Successiones Titulorum
PHILIPPI REGIS
TABVLÆ.



NON sum nescius, Potentissime
REX PHILIPPE, me, dum
successiones singulorum Maie-
statis vestre titulorum digessi,
obscuritatis aliquid contraxisse,
quæ lectori etiam diligenter at-
tendenti aliquam ad intelligendum moram possit affer-
re. Nam & rerum, quas tractavi, insita implicatio,
& nominum, factorumq; similitudo, & historie eius-
dem necessariò sæpe iterata narratio plurimum retar-
dare lectoris intelligentiam, aut memoriam potuerunt.
Quem scopulum quia vitare ipsa re coactus non potui,
opportunum esse duxi, ut ad ipsam successionum ex-
positionem tabulas earundem successionũ adiungerem,
ut quam doctrinam homines animis imbibissent, ean-
dem etiam propositã oculis diutius retinerent. Sic enim



SVCCSSIONVM

Et ipsos quoque facere Cosmographos video. Nam post-
 quam terrarum, mariumque disputatione perfuncti
 sunt, quae mentes humanas situ singularum partium
 imbuerunt, tabulis etiam attexunt, quibus oculis hu-
 manis eadem illa ad faciliorem cognitionem rursus obij-
 ciunt, ita ut non solum docendi, sed etiam delectandi
 laudem querere videantur. neque id iniuria. Fit enim
 nescio quo modo, ut quae vnum in locum collata vno
 spectari intuitu possunt, ea et facilius comprehendan-
 tur, et maiore cum voluptate aspiciantur. ex quo fir-
 mior etiam perceptio ad diuturnitatem memoriae pro-
 ficiscitur. Hoc igitur consilio usus, quae superiore com-
 mentario pluribus verbis perpetua oratione exposui, e-
 a- dem magna ex parte in his tabulis mihi proponenda ad
 lectoris commoditatem, ut dixi, constitui.

DE REGNIS HISPANIARVM.



Um in Hispania multa regna sint, quorum titulus Maiestas vestra vtitur, vt superius aperui, haudquaquam mihi in animo est, omnium illorum regnorum successiones inquirere, cum nec tempora, nec nomina Maurorum regum omnium nobis cognita sint. Sed eorundemtaxat regnorum successiones perscrutabor, quæ & à principio à Christianis regibus instituta, & deinde ab eisdem possessa sunt. Sub quorum ditionem cum alia etiam omnia regna temporum progressu venerint, mihi faciendum esse duxi, vt, quo tempore id acciderit, breuiter adiungam, vt hoc modo omnium Hispaniæ regnorum, ex quo sub Christianorum potestatem redierunt, successiones facile percipiantur. Primum verò Castellæ reges, qui prius Asturum, & Legionis dicti sunt, deinde Arragoniæ, postremò Nauarræ expediām. Neque enim alij sunt in Hispania reges, quorum successionem ad hunc locum pertinere existimem.

Y

		SUCCESSIONVM		
Anni Dñi.	Or do Re gū.	ASTVRVM, ET LEGIO- NIS REGES.		Anni Regni.
717	1	<p>PELAGIVS Fauilla Ducis Canta- bria, quem Vitiza rex Gotthorum occiderat, filius, Roderico vltimo Got- thorum in Hispania rege interfecto, & Sarracenis Hispanias inuadentibus, se in Asturiam rettulit, & cœlesti fretus auxilio oppidū Legionis recepit. ex quo Asturum, & Legionis Rex dici vo- luit. Regnavit autem</p>		
737	2	Fauilla Pelagij regis filius		an. 20
739	3	<p>Alfonsus cognomento Catholicus Petri Cantabrie Ducis filius, & Pela- gij regis ex filia Ermisenda gener</p>		an. 2
		<p>Hic Galleciam, & complura aliarum ditionum oppida eiectis Sarracenis recu- peravit.</p>		an. 19
758	4	<p>Froilla Alfonsi filius</p>		an. 13
		<p>Hic Sarracenos Galleciam infestates re- pressit.</p>		
771	5	Aurelius Froilla frater, & Alfonsi F.		an. 6
777	6	Sillo Alfonsi regis ex Egimūda F. gener		an. 6
783	7	Maurigatus, siue Magaretus Al- fonsi		

TABVLÆ.

			86
		fonsi regis filius nothus	an. 3
786	8	Veremundus Vimerani filius, Alfonsi	
		regis nepos	an. 2
788	9	Alfonfus II, cognomento Castus Fro	
		illa regis F. Alfonsi regis Catholici N.	an. 41
		Hic Sarracenos in Asturum fines irrum	
		pentes cecidit.	
829	10	Raymirus Veremundi regis filius an. 6.	mēs 9
836	11	Ordonius Raymiri filius	an. 10
846	12	Alfonfus III, cognomento Magnus	
		Ordonij filius	an. 40
		Hic Lusitaniam, quæ nunc magna ex	
		parte dicitur Portugallia, expulsis Sar	
		racenis, incolendā Christianis tradidit.	
886	13	Garcias Alfonsi Magni filius	an. 3
889	14	Ordonius II, Garcia frater, Alfonsi	
		Magni filius an. 8.	mēs. 6
898	15	Froilla II, Ordonij II, & Garcia fra	
		ter, Alfonsi Magni filius	an. 1
899	16	Alfonfus IV, Froilla II filius an. 5.	mēs. 7
904	17	Raymirus II, Alfonsi IV frater, Froil	
		la II filius	an. 12
916	18	Ordonius III, Raymiri II filius	an. 25.
941	19	Ordonius IV, cognomento Malus,	
		Alfonsi IV regis F. Froilla II regis N.	an. 20

Y ij

SUCCESSIONVM

961	20	Sanctius, cognomento Crassus Ordonij ⁱⁱⁱ F. Raymiri ⁱⁱ N.	an. 13
974	21	Raymirus III, Sanctij Crassi F.	an. 25
999	22	Veremundus II, Ordonij ⁱⁱⁱ filius, & Raymiri ⁱⁱⁱ patruus	an. 7
1006	23	Alfonſus V, Veremundi ⁱⁱ filius	an. 9
1015	24	Veremundus III, Alfonsi ^v filius A' Pelagio vsq; ad hoc tempus hi Reges titulum Asturum, & Legionis tulerunt. Inde Castelle, & Legionis.	an. 10

CASTELLÆ, ET LEGIONIS REGES.

1025	25	F ERDINANDVS Sanctij Maioris Arragonum, & Nauarra regis filius, cum Castellæ Comitatum ob Eliurā matrem esset consecutus, Asturum quoq; & Legionis regnū obtinuit, quod Sanctiam Veremundi ⁱⁱⁱ sororem, & Alfonsi ^v filiam vxorem duxisset. Inde Castelle, & Legionis Rex primus voluit appellari. Regnavit Verò Hic Conymbricam ciuitatem, potioremq; Portugallie partē recepit à Sarracenis.	an. 47 mēs. 8
1073	26	Sanctius II, Ferdinandi filius Alfonſus	an. 6

TABULÆ.

87

- | | | | |
|------|----|--|--------|
| 1079 | 27 | <p>Alfonſus VI, Sanctij ii frater, Ferdi-
nandi filius
Hic Toletum pulſis Sarracenis recupera-
uit. Portugalliam verò alienauit, ea loco
dotis attributa Tareſiæ filie nothæ, quæ
Henrico Lotharingiæ Comiti nupſit.
Unde Portugallia reges originem ſuam
trahunt.</p> | an. 27 |
| 1106 | 28 | <p>Alfonſus VII, rex Arragoniæ, San-
ctij iii regis Arragonum filius, & Al-
fonſi vi ex Vrraca filia gener
Hic Sarracenis multa oppida eripuit.</p> | an. 20 |
| 1126 | 29 | <p>Alfonſus IIX, Raymundi Berengarij
Comitis Tholoſæ filius, & Alfonſi vi
ex Vrraca filia nepos
Hic Imperator Hiſpaniarum dictus eſt.</p> | an. 50 |
| 1176 | 30 | <p>Sanctius III, Deſideratus, Alfonſi
iix filius, Caſtellæ rex tantum, nam Al-
fonſus iix pater Legionis regnum Ferdi-
nando alteri filio reliquit.</p> | an. 1 |
| 1177 | 31 | <p>Alfonſus IX, Bonus Sanctij iii
filius, Caſtellæ rex tantum
Hic commiſſo cum Sarracenis prælio, du-
centa eorum millia interfecit.</p> | an. 38 |
| 1215 | 32 | <p>Henricus, Alfonſi ix filius Caſtellæ
rex tantum</p> | an. 3 |

SUCCESSIONVM

- | | | | |
|------|----|--|--------|
| 1217 | 33 | Ferdinandus III, Alfonsi ix ex Berēga
ria filia nepos, Alfonsiq; Legionis regis fi-
lius, Ferdinādi i i Legionis regis nepos, et
Alfonsi ix Castellae, Legionisq; regis pro-
nepos. Et ipse Castellae, Legionisq; rex
Hic Cordubam, Hispalim, Giennum, et
totam ferē Vandaluziam recuperavit,
Sarracenosq; ab omnibus ferme alijs Hi-
spaniae finibus exactos in Granatam
compulit. | an. 45 |
| 1262 | 34 | Alfonsus X, Astronomus, qui et
rex Germaniae fuit, Ferdinandi i i F.
Hic Murciam recepit à Sarracenis. Al-
garbij Verò Comitatum filiae Beatrici,
quam ex pellice genuerat, in dotem de-
dit, quae Alfonso regi Portugalliae nu-
pta Dionysium regem peperit, qui pri-
mus Algarbij regis titulum sibi ascivit,
eodem etiam regni titulo apud Castellae
reges permanente. | an. 25 |
| 1287 | 35 | Sanctius IV, Alfonsi x filius | an. 8 |
| 1295 | 36 | Ferdinandus IV, Sanctij iv filius
Hic Sarracenis Gibraltarum eripuit,
quod oppidum inde amissum Henricus
iv recuperavit. | an. 13 |

NOVA TABVLÆ.

88

1308	37	Alfonſus XI, <i>Ferdinandi</i> iv filius <i>Hic ſubegit Algeziram pulſis Sarracenis</i>	an. 42
1350	38	Petrus Crudelis, <i>Alfonſi</i> xi filius	an. 19
1369	39	Henricus II, <i>Alfonſi</i> xi filius nothus	an. 8
1377	40	Ioannes <i>Henrici</i> ii filius	an. 11
1388	41	Henricus III, <i>Ioannis</i> filius	an. 16
1404	42	Ioannes II, <i>Henrici</i> iii filius	an. 50
1454	43	Henricus IV, <i>Ioannis</i> ii filius	an. 23
1477	44	<i>Ferdinandus</i> V, <i>Arragoniæ</i> , & <i>Si-</i> <i>ciliæ</i> rex, <i>Ioannis</i> ii <i>Arragonum</i> re- gis filius, & <i>Ioannis</i> ii <i>Caſtellæ</i> regis ex <i>Iſabella</i> filia gener	an. 27,
		<i>Hic Granatam Sarracenis ademit, &</i> <i>Sarracenos omnes Hiſpania expulit, ex</i> <i>quo rex CATHOLICVS meruit appel-</i> <i>lari. Nauarram quoq; ſui iuris fecit.</i> <i>Primus deniq; nouas extra orbem no-</i> <i>ſtrum inſulas inuenit.</i>	
1504	45	Philippus Magnus <i>Archidux Au-</i> <i>ſtriæ</i> , <i>Dux Burgundiæ</i> , & <i>Flandriæ</i> <i>Comes</i> , <i>Cæſaris Maximiliani</i> filius, & <i>Ferdinandi Catholici</i> ex <i>Ioanna</i> filia gener	an. 2
1506		<i>Interregnum tutelare decem annorum</i>	an. 10,
1516	46	<i>Carolus Philippi Aſtriæ Archiducis</i> filius,	

SUCCESSIONVM

filius, qui etiam Arragoniam, Siciliam, Neapolim, Nauarram, Nouum Orbem, & multas alias ditiones obtinuit. Fuitq; Romanorum Imperator Augustissimus, & Christianae religionis propugnator acerrimus

an. 40.

1556 47 Philippus II, Caroli Imperatoris filius, qui nunc feliciter regnas.

ARRAGONIAE, ET NAVARRAE REGES SIMVL.

912 1 ENNECVS, cognomento Arista, ex Gotthica iam olim christiana familia, pulsus ex Tarraconensi Mauris, cum in Nauarram uictor se rettulisset, à populis primus rex Arragoniae, & Nauarrae factus est. Regnauit

an. 7

919 2 Garcias Ennecus, Enneci Arista F.

an. 10

929 3 Sanctius Garcias, cognomento Abarca, Garciae Enneci filius

an. 7

936 4 Garcias Sanctius, cognomento Tremulus, siue, ut alij eum appellant, Temulentus, Sanctij Garciae filius

an. 28

964 5 Sanctius II, Maior, Garciae Sactij F.

an. 53

Post hunc Arragoniae, & Nauarrae regna

TABVLÆ.

89

regna fuere inter se disiuncta. Nam
Raymirus Sanctij Maioris filius Ar-
ragoniam, Garcias verò alter filius
Nauarram obtinuit.

ARRAGONIÆ REGES

TANTVM.

1017	6	RAYMIRVS Sanctij Maioris filius, vt nonnullis placet, notus	an. 46
1063	7	Sanctius III, Raymiri filius	an. 35
1098	8	Petrus Sanctij III filius patre viuento Ribagorciæ, & Montifoniæ regis titu- lum sibi vindicauit, post regis Arrago- niæ nomen tulit	an. 10
1108	9	Alfonſus, Petri frater, & Sanctij III filius, qui etiam ob Vrracam vxor- em Alfonsi VI filiam Castellæ, & Le- gionis rex fuit	an. 18
1126	10	Raymirus II, Monachus, Alfon- ſi, & Petri frater, Sanctij III filius	an. 20
1147	11	Raymundus, Comes Barcinonenſis, Comitis Raymundi Berengarij III fi- lius, & Raymiri Monachi ex Petro nella, ſeu Vrraca filia gener	an. 15
Hic non Regis, ſed Principis Arrago-			

Z

SUCCESSIONVM

		nia nomen tulit. Nam Raymirus rex socer ipsius ijs conditionibus regnum re- liquerat, vt non Rex, sed Princeps di- ceretur, & Comes Barcinonis.	
1162	12	Alfonſus II, Raymundi filius primus rex Arragonie, & Comes Barcinonen- ſis poſt horum principatum coniuñtio- nem	an. 34
1196	13	Petrus II, Alſonſi II filius	an. 17
1213	14	Iacobus Fortunatus, Petri II F. Hic Valentiam, & Maioricam inſu- lam Sarracenis eripuit.	an. 63
1276	15	Petrus III, Iacobi Fortunati filius, qui & ob vxorem Conſtantiam Manfre- di regis filiam Sicilie rex fuit	an. 10
1286	16	Alfonſus III, Largus, & Caſtus, Petri III filius	an. 6
1292	17	Iacobus II, Alſonſi Lari frater, Pe- tri III filius, qui & Sicilie rex	an. 35
1327	18	Alfonſus IV, Mitis, Iacobi II F.	an. 8
1336	19	Petrus IV, Cæremonioſus, Alſon- ſi IV filius	an. 51
1387	20	Ioannes, Petri IV filius	an. 9
1396	21	Martinus, Ioannis frater, Petri IV F.	an. 14
1410		Interregnum duorum annorum	an. 2

Fer

TABVLÆ.

90

1412	22	Ferdinandus, Ioannis I Castellæ regis filius, & Petri IV Arragoniæ regis ex Leonora filia nepos	an. 4
1416	23	Alfonfus V, Ferdinandi filius, qui & Siciliæ, & Neapolis rex	an. 42
1458	24	Ioannes II, Alfonsi V frater, & Fer- dinandi filius, qui & Nauarræ, & Siciliæ rex	an. 21
1479	25	Ferdinandus II, Catholicus, Ioan- nis II filius, qui & Castellæ, Siciliæ, Nauarræ, Neapolisq; rex fuit	an. 37
1516	26	Carolus Austriacus, Philippi Archi- ducis filius, & Ferdinandi Catholici ex Ioanna filia nepos, qui Imperator fuit	an. 40
1556	27	Philippus, Caroli Imperatoris filius, qui regnas.	

NAVARRÆ REGES

TANTVM.

1017	6	G ARCIA Sanctij Maioris Arra- gonum, et Nauarræ regis filius, cū fratribus facta rerū diuisione, Nauar- ram tulit. ex quo sextus rex Nauarræ numeratur. Aliqui tamen hunc primū regem Nauarræ faciunt. Sed nos Fran-
------	---	--

Z ij ciscum

SVCCSSIONVM			
		<i>ciscum Tarapham sequimur</i>	an. 11
1028	7	Sanctius, <i>Garcie filius</i>	an. 5
1033	8	Raymirus, <i>Sanctij filius</i>	an. 8
1041	9	Garcias II, <i>Raymiri filius</i>	an. 58
1100	10	Sanctius II, <i>Sapiens, Garcie II F.</i>	an. 63
1163	11	Sanctius III, <i>Fortis, Sanctij Sapien- tis filius</i>	an. 42
1205		<i>Interregnum 23 annorum.</i>	an. 23
1228	12	Theobaldus, <i>Campanie Comes, San- ctij Sapiensis ex Blanca filia gener</i>	an. 32
1260	13	Theobaldus II, <i>Theobaldi filius</i>	an. 11
1271	14	Henricus, <i>Crassus, Theobaldi II fra- ter, & Theobaldi filius</i>	an. 3
1274		<i>Interregnum decem annorum.</i>	an. 10
1284	15	Philippus, <i>Pulcher, Francie rex, Philippi III filius, S. Ludouici Fran- corum regis N. & Henrici Crassi ex Ioanna filia gener</i>	an. 23
1307	16	Ludouicus, <i>Hutinus, Philippi Pul- chri filius, qui & Francie rex postea</i>	an. 9
1316	17	Philippus II, <i>Longus, Pictauie Co- mes, Ludouici Hutini frater, Philippi Pulchri filius, qui & Francie rex</i>	an. 5
1321	18	Carolus, <i>Pulcher, Philippi Longi, & Ludouici Hutini frater, Philippi Pul-</i>	

TABVLÆ.

91

		Pulchri filius, qui & Franciæ rex	an. 7
1329	19	Philippus III, Eburonicum Comes, vel, ut alij eum nominant, Aureliæ Comes, Ludouici filius, Philippi III Frā ciæ Regis N. S. Ludouici pronepos, & Ludouici Hutini Franciæ, et Nauarræ Regis patruelis sui ex Ioāna filia gener	an. 13
1343	20	Carolus II, Ambustus, Philip. III F.	an. 44
1387	21	Carolus III, Iunior, Caroli Ambu- sti filius	an. 12
1399		Interregnum trium annorum.	an. 3
1402	22	Martinus Siciliæ rex, Caroli Iunioris ex Blanca filia gener	an. 7
1409		Interregnum 25 annorum.	an. 25
1434	23	Ioannes, Ferdmandi I Arragonum regis filius, secundus Blanca reginæ Na uarræ maritus, et Caroli Iunioris gener	an. 44
1478	24	Gasto, Foxanus Comes, Ioannis ex Leonora filia gener dies Ab aliquibus tamen ob temporis breui tatem in numero regum non ponitur.	15
1480	25	Phœbus, Ioannis filius, Gastonis, & Leonoræ N. Ioannis regis ex Leonora filia pronepos	an. 25
1505	26	Ioannes II, Alebretius, Druidum Comes	

SUCCESSIONVM

Comes, Gallus, ob Catharinam coniugem Phæbi sororem

an. 8

Hic Ioannes à Iulio 11 Pontifice Max. sacris interdictus, ac regno est priuatus, quod Francorum partes aduersus Ecclesiam tueretur. Nauarra verò regnum Castellæ regno addictum est, occupante Ferdinando Catholico Castellæ, Arragoniæ, & Siciliæ rege, Ioannis 1 Nauarræ regis filio, non tamen ex Blanca Nauarræ regina, sed ex Ioanna Friderici Ammirantis Castellæ filia, & Ioanne Alebretio quadriennio adhuc in exilio superuiente.

1513 27

Ferdinandus Catholicus, ex summi Pontificis auctoritate

an. 3

1516 28

Carolus Austriacus, Philippi Austriæ Archiducis filius, & Ferdinandi Catholici ex Ioanna filia nepos, qui Imperator fuit

an. 40

1556 29

Philippus, Caroli Imperatoris filius, qui regnas

TABVLÆ.
DE REGNO VTRIVSQ.
SICILIAE.

92

ANTEQVAM *Utriusq; Siciliae* reges enumeremus, *ut omnia plenius cognoscantur, placet eorum progeniem alius repetere, & quibus initijs creuerint, demonstrare.*

APVLIAE COMITES, ET APVLIAE
CALABRIAEQVE DVCES.

1040

GVLIELMVS, qui propter fortitudinem *Ferebrach*, id est, brachium forte dictus est, Nortmanorum Comes, Tancredi filius, & Ricardi nepos circiter annū millesimum quadragesimum cum exercitu Apuliam est ingressus, & profligatis Constantinopolitani Imperatoris ducibus, primus ex Nortmanis in Apulia pedem fixit, & se Apuliae Comitem vocauit. mortuus est non multò inde post.

Drogo, Gulielmi frater, Apuliae Comes 11 mortuus est an. 1050.

1050

Hunfridus Drogonis frater, Apuliae
Comes

SUCCESSIONVM

Comes III mortuus an. 1057.

1057

Robertus Viscardus, trium superiorum Comitum frater, quartus Nortmanorum in Italia Apulia Comes. Hic cum Troiam in Apulia, & Rhegium in Calabria de Graecis vicepisset, primus ex Nortmanis se non Comitem, sed Apulia, & Calabria Ducem vocauit an. 1059. Et non longè post omnem Apuliam, Calabriam, Lucaniam, & magnam Siciliae partem subegit. primusq; omnium pro ditione, quam tenebat, ligium, siue homagium Papae Nicolao II fecit, eiq; fidelitatis solenne praestitit iuramentum. A quo per vexillum Dux Apuliae, & Calabriae confirmatus est, inuestituram terrae suae accipiens. Rerum autem potitus est partim Comes, partim Dux annos 27. et menses 7. Comes enim fuit biennio, Dux verò an. 25. mens. 7. Obijt sexagenarius mense Iunio, anno 1085.

1085

Rogerus Roberti Viscardi filius, Tancredi Nortmanorum Comitis nepos, Ricardi pronepos, quintus Comes, & secundus

TABVLÆ.

93

1110

cūdius Apulie, Calabriaq, Dux. Pra
fuit annos 24. mens. 8. Obijt annorū
l. anno 1110. mense Februario.

Gulielmus Rogerij filius, Roberti Vi
scardi nepos, sextus Comes, & tertius
Apulie, Calabriaq, Dux. Praefuit
annos 17. mens. 5. Obijt annorum tri
ginta, anno 1127 sine liberis. Duca
tumq, testamento reliquit Rogerio Sici
lie Comiti, Rogerij filio, patris sui pa
trueli.

SICILIE COMITES.

1085

R OGERIVS Tancredi Norma
norum Comitis filius, Ricardi N.
& quattuor priorum Apulie Comitum
frater. Hic, cum à Roberto Viscardo
fratre accepisset Sicilie partem, quam
ipse Viscardus bello acquisierat, pri
mus se Comitem Sicilie appellauit, om
nemq, postea insulam pulsīs Sarracenis
obtinuit. Fuit autem Sicilie Comes ab
obitu Viscardi fratris, annoq, 1085
vsq, ad annū 1102, quo mortuus est,
annos 17.

AA Simon

SVCCESIONVM

1102

Simon Rogerij Siciliae Comitatus filius
primogenitus, secundus Siciliae Comes
praefuit annos 8. mortuus est an. 1110.

1110

Rogerus II, Rogerij Siciliae Comitatus
filius secundogenitus, tertius Siciliae
Comes mortuo fratre Simone creatus
est anno 1110. Praefuit Comitatus
Siciliae annos 17. usque ad annum 1127.
quo anno, mortuo sine liberis Gulielmo
Rogerij filio, Duce Apuliae, & Ca-
labriae, ex eius testamento Dux ipse
quartus factus est. Dux autem fuit
annos 3. homagiumque more maiorum
Honorio II Pontifici praestitit. Inde
Neapolim de Imperatore Constantino-
politano cepit, & anno Christi 1130
Rex utriusque Siciliae appellatus est ab
Anacleto II Pontifice apud Beneuen-
tum. Qua re die Natalis sequentis,
ineunte anno 1131, ab episcopis, &
archiepiscopis regni sui se iungi, & co-
ronari voluit in Sicilia. Anno etiam
1138 idem regni titulus ab Innocentio
II Pontifice est confirmatus, & anno
1144 à Celestino II, vel, ut alij vo-
lunt,

TABVLÆ.

94

lunt, à Lucio ^{II} multò etiam magis est
stabilitus. Regnavit autem annos 22,
menses 5. Obijt Panormi in Sicilia an
no Christi 1153. anno, ex quo primùm
Comes factus fuit Siciliæ post mortem
fratris Simonis, 43. Ducatus verò
Apuliæ, & Calabriæ 26. Ceterùm an
no Domini 1150, triennio antè, quam
moreretur, filium suum Gulielmum co
ronari regem Siciliæ voluit, cum quo
tribus ferè annis regnavit.

Or
Anni do
Dñi. Re
gū

VTRIVSQ. SICILIAE REGES.

Anni
Regni.

1130

1

R OGERIVS Rogerij Siciliæ Comi
tis filius, & ipse Siciliæ Comes, de
quo diximus, primus Utriusq. Siciliæ
rex Regnavit

annos 22. mēs. 5.

1153

2

Gulielmus Malus, Rogerij Regis F.
Prius autem cum patre Rogerio regna
uerat an. 2. mens. 10.

an. 13

mēs. 2.

1166

3

Gulielmus II, Bonus, Gulielmi Ma
li filius, Rogerij nepos

an. 20

1186

4

Tācredus, Rogerij primi regis F. notus

an. 9

1186

5

Rogerius II, Tancredi filius, viuente
patre rex creatus, regnavit cū eo annos

aa ij plus

SUCCESSIONVM

		plus minus nouem.	
1195	6	Gulielmus III, Tancredi filius, Rogerij frater, regnavit menses aliquot, captus est enim ab Henrico VI Imperatore, & oculis, atq; virilibus priuatus.	
1195	7	Imp. Cæs. Henricus VI, Augustus, Friderici Barbarussæ Imperatoris filius, ob Constantiam uxorem Rogerij Ducis Calabriae filiam, & Rogerij primi regis neptem.	an. ferè 4
1198	8	Imp. Cæs. Fridericus II, Rogerius Augustus, Henrici VI Imperatoris F.	an. 52
1250	9	Cæsar Conradus rex Romanorū, Friderici II Imp. filius	an. 3. mès. 5
1254		Interregnum anni vnius, & mensium aliquot.	an. 1
1255	10	Manfredus Imperatoris Friderici II filius notus	an. 11
		Contra hunc Urbanus quartus Pontifex Carolum Comitē Prouinciæ, & Andegauensem in Italiam vocauit. qui anno 1265 Italiam ingressus, à Clemente IV Urbani successore rex Vtriusq; Siciliae coronatus est. Quamobrem aduersus Manfredum bellum mouens Neapo	

TABVLÆ.

95

Neapolim, & Siciliam occupauit, atq;
ipsum Manfredum anno 1266 in
prælio occidit. Sed anno 1281 à Petro
rege Aragonie Sicilia pulsus est, qui,
cum Constantiam Manfredi ultimi
regis filiam uxorem haberet, ab optima
tibus ad regnum accersitus Siciliam Ca-
rolo eripuit. Atq; ita hoc regnum in duo
est diuisum regna, namq; aliud Neapo-
litantum, aliud Siculum constitutū est.
Neapolitanū in Andegauensibus man-
sit. Siculum ad Aragonie reges per-
uenit.

REGES NEAPOLITANI, VEL
Siciliæ cis Pharum.

1265 II

CAROLUS Comes Prouincie & An-
degauensis, Ludouici Mitis Fran-
corum regis filius, Philippi Augusti, vel
Adeodati nepos, S. Ludouici regis Fr.
frater, Rex utriusq; Siciliæ à Clemen-
te iv Pont. contra Manfredum coro-
natus est, cui & Neapolim, & Sicilia
ademit, & regnauit in utraq; Sicilia
vsq; ad annum 1281

an. 16

Rex

SUCCESSIONVM

		Rex verò Neapolitantiùm fuit	an. 3
1284	12	Carolus II, Caroli regis filius	an. 25
1309	13	Robertus Caroli II filius	an. 33.
1343	14	Ioanna, Roberti ex Carolo filio Duce Calabriae, qui ante patrem obiit anno 1328, neptis.	mēs. 8
1382	15	Carolus III, Dyrrachij Dux, Ioannae ex Andrea Vngaro filius, quamuis alij aliter dicant	an. 39
1386	16	Ladislavus, siue Vladislavus, Caroli III filius	an. 4
1414	17	Ioanna II, Ladislai soror, & Caroli III filia	an. 28
1434	18	Renatus Dux Lotharingiae, & An degauensis, Ludouici filius, Ludouici nepos, Ioannis regis Francorū pronepos, adoptatus à regina Ioanna	an. 20
1442	19	Alfonfus rex Arragoniae, & Sicilia Vltrà Pharum, Ferdinandi regis Ar ragonum filius, cum à Ioanna II regina primùm esset adoptatus, deinde verò re pudiatus, praelato Ludouico Duce An degauensi, & post Renato Ludouici fratre, suscepta semel regni iura amitte re noluit. sed Renatum regno expulit,	an. 8

TABVLÆ.

95

		Neapoli capta, solus regnum pacatè tenuit	an. 16 mēs. 6
1458	20	Ferdināus Alphōsi F. nothus an. 35	an. 1
1494	21	Alfonſus II, Ferdinandi filius	mēs. 6
1495	22	Ferdinandus II, Alfonsi II F. an. 1.	
1496	23	Fridericus Ferdinandi I filius, Alfonsi II frater an. plus minus	
		Nam regno exactus an. 1501 in Gal lias fugit, ubi & mortuus est.	
1502	24	Ferdināus III, Catholicus, Ioan nis regis Nauarra, & Arragonie, et Sicilie ultra Pharum filius, Alfonsi I ex fratre nepos, Castelle, & Arra gonie Rex, pulso Friderico consanguineo, & Gallis victis, regnum Nea politanum obtinuit	an 14
1516	25	Carolus V, Imperator Augustus, Philippi Austrie Archiducis filius, Ferdinādi Catholici ex Ioāna filia N.	an. 38
1554	26	Philippus Caroli Imperatoris filius, qui regnas.	

RÈGES SICILIÆ

VLTRA PHARVM.

CV M Carolus Comes Prouincie re
gnum vtriusq; Sicilie Manfredi
regi

SUCCESSIONVM

regi ademisset, & iam per aliquot annos regnasset, Petrus rex Arragonie à Siculis ad regnum vocatus, Siciliam insulam Carolo ereptam sibi parere coegit. Unde precipui reges Sicilie originem duxere, qui Siciliam administrarunt vsq; ad Ferdinandum Catholicum, sub quo regnum Sicilie iterum cū Neapolitano fuit coniunctum.

1281	12	Petrus Arragonum rex, Iacobi Fortunati filius, & Manfredi Vtriusq; Sicilie regis ex Constantia filia gener, duo decimus Sicilie rex	an. 5
1286	13	Iacobus Petri F. qui et Arragonie rex	an. 10
1296	14	Fridericus II, Iacobi frater, & Petri filius	an. 40
1336	15	Petrus II, Friderici II filius	an. 6
1342	16	Ludouicus, Petri II filius	an. 12
1355	17	Fridericus III, Simplex, Ludouici frater, & Petri II filius	an. 13
1368		Interregnum decem et octo ferè annorum.	an. 18
1386	18	Martinus Martini Montisalbi Ducis filius, Petri IV regis Arragonie nepos, Alfonsi IV pronepos, Iacobi Arragonie, & Sicilie regis abnepos, & Friderici	

TABVLÆ.

97

		derici III Simplicis Sicilia regis ex Maria filia gener	an. 23
1409	19	Martinus Senior, Martini regis pa- ter, qui, cum prius Montisalbi esset Dux, defuncto Ioanne fratre Arra- gonie iam regnum adeptus erat	mēs. 10
1410		Interregnum duorum annorum	an. 2
1412	20	Ferdinandus Ioannis I Castellæ regis filius, & Petri IV Arragonie regis ex Leonora filia, quæ Martini Senioris soror erat, nepos, Arragonie, & Si- ciliæ Rex	an. 4
1416	21	Alfonſus Ferdinandi filius, Arragonie, & Siciliæ rex, qui etiam Neapolim armis sibi vindicauit	an. 42
1458	22	Ioannes Alfonsi frater, & Ferdinan- di filius, qui & Arragonie, & Na- uarre Rex	an. 21
1479	23	Ferdinandus II, Catholicus, Ioan- nis filius, qui & Castellæ, Arragonie, Nauarrae, & Neapolis Rex	an. 37
1516	24	Imp. Cæs. Carolus V, Maximili- ani Cæsaris ex Philippo filio, & Fer- dinandi Catholici regis ex Ioanna filia nepos	an. 40

BB

Phi-

1556 25

SUCCESSIONVM

Philippus Caroli Imperatoris filius,
qui regnas.

DE REGNO HIERVSALEM.

SEQVNTVR nunc Hierosolymitani reges, quorum successionem ad hæc vsq; tempora non deduximus. postquam enim constiterit, qua de causa Utriusq; Siciliæ reges hunc titulum gerant, poterimus eorum successionem inspicere, quando nimis absurda res esset, eadem oculis hominum sæpius repetita subijcere.

HIEROSOLYMITANI REGES.

1099 1

Gotthofredus Bolionius, Lotharingia Dux, F. Eustathij Comitiss Bononiæ Belgicæ, cõmuni totius Europæ principum expeditione captis in Palestina Hierosolymis, consensu omnium primus rex Christianus ibidem ex auctoritate Pontificis constituitur. Negavit tamen vir pius, & verè Christianus se in ea vrbe auream coronam sumpturũ, ubi Dominus Deusq; spineam gestasset. Ita regia potestas sine Regio nomine, insi-

		<i>TABVLÆ.</i>	98
		<i>insigniꝫ ei credita est. Regnaui: Verò</i>	<i>an. 1</i>
1100	2	Balduinus Gothofredi frater	<i>an. 18</i>
		<i>Hic regiam coronam accepit, Unde fit,</i> <i>ut ab aliquibus rex primus Hierosoly-</i> <i>morum appelletur.</i>	
1118	3	Balduinus II, à Burgo ciuis Rhemen-	
		<i>sis, Balduini consobrinus</i>	<i>an. 13</i>
1131	4	Fulco Ruffus, Andegauensis Comes,	
		<i>Fulconis, qui à moribus Aster nomina-</i> <i>tus est, Andegauensium, & Turo-</i> <i>nū Comitis filius, & Balduini 11 regis</i> <i>ex Melisenda filia gener</i>	<i>an. 11</i>
1142	5	Balduinus III, Fulconis filius	<i>an. 20</i>
1162	6	Almericus Pinguis, Balduini 111	
		<i>frater, Fulconis filius</i>	<i>an. 11</i>
1173	7	Balduinus IV, Leprosus, Almeri	
		<i>ci filius, Fulconis nepos</i>	<i>an. 12</i>
1185	8	Balduinus V, Puer Gulielmi Lon-	
		<i>gespathæ Montisferrati Marchionis</i> <i>filius, & Almerici regis ex Sybilla</i> <i>filia nepos</i>	<i>mēs. 8</i>
1185	9	Vido Lusignanum, Gallus, è nobi-	
		<i>lissima Pictonum familia, Almerici</i> <i>regis ex Sybilla filia gener, quæ &</i> <i>Balduini pueri mater fuerat, an. plus</i>	<i>min. 3</i>

BB ij Hoc

SUCCESSIONVM


Hoc regnante propter prauum nostrorum
dissidium Urbs Sancta vndenonagesi-
mo, quàm de barbaris recepta fuerat,
anno à Saladino Aegyptiorum Sultano
est occupata, & eius reges exacti. Ipse
Vido rex à Saladino captus, indeq; di-
missus regni quoq; titulum deposuit,
ac se regem Cypri, quam insulam à
Ricardo Angliæ rege acceperat, no-
minauit. Ricardus enim, cum religionis
caussa in Syriam cum maximo exerci-
tu transmitteret, tempestatis vi in Cy-
prum eiectus, Græcos, à quibus littori-
bus arcebatur, deuicit, atq; insulam cepit
anno 1191, eamq; præsidio tenuit,
quoad in ipsius locū successit Vido rex.
Id quod anno insequenti est actum.

10 Conradus Marchio Montisferrati,
Bonifacij filius, & Almerici regis ex
Isabella filia, quæ Sybillæ soror erat,
gener, Hierosolymorū rex titulo tenuit an.

11 Almericus Lusignan, Vidonis
Cyprij regis frater, ob eandem Isabellā
mortuo Conrado uxorem ductam,
Rex titulo tenuit an.

Ioannes

- 1209 12 Ioannes de Brenna, Gallus, contra
Almericum Lusignanum regem à mi-
litibus rex eligitur, atq; ei Iole Isabella,
et Conradi Monferratenfis filia vxor
datur, Rex titulo tenus an. 13
- 1222 13 Imp. Cæs. Fridericus II, *Vtriusq;*
Siciliæ rex, et Ioannis de Brenna regis
ex Iole filia gener an. 28
- Hinc postea factū est, ut reges *Vtriusq;*
Siciliæ titulū Hierosolymitani regni per-
petuū in hunc usq; diem sibi ascripserint.



Reliquorum omnium, quæ subsequun-
 tur, regnorum successiones non adiunxi,
 quia de nonnullis alio loco opportunius di-
 cturus sum, de alijs verò nihil habeo,
 quod dicā. Nam quod spectat ad regna
 HUNGARIÆ, DALMATIÆ, et
 CROATIAE, cum de illis in libro de
 Titulis Maximiliani Cæsaris sigilla-
 tim tractaturus sim, eò successuum
 etiam tabulas conferre necessarium esse
 duxi. De regibus verò SARDINIÆ,
 cum quattuor illæ Sardinie partes diuer-
 sis temporibus Regiū nomen acceperint,
 præter

SUCCESSIONVM

præter ipsam primam regnorum institu-
tionem nihil præterea amplius reperi.
Si enim reges Arragoniæ intueamur,
qui anno millesimo ducentesimo nona-
gesimo quinto Sardinia quoque reges à
Pontifice sunt declarati, eorum nobis
successio, quam superius attulimus, per-
uoluenda est, nè eadem iterentur. Id
quod etiam de regibus CORSICAE
intelligendum est, cum nulla unquam
alia de illis memoria extet. Quin etiam
idem de MAIORICARVM regibus
est iudicium, cum ex successione regum
Arragoniæ, quicquid ad eos reges atti-
net, colligere possimus. Præterea verò,
si reges INSULARVM CANARIAE
contemplemur, nihil amplius, quod in
medium proferam, sum nactus, cum
omnia, quæ inuenire potui, accuratè
exposuerim. Si autem reges ORANI
inspiciamus, cum regnum illud sub Fer-
dinando Catholico fuerit Hispaniarum
regno additum, satis apparet, suc-
cessionem regum superuacaneam esse.
Quæ eadem ratio locum etiam in reli-
quis

quis tribus INSVLARVM INDIA-
RVM, TERRAE FIRMAE, ET
MARIS OCEANI regnis habet,
cum ille Vltimarum regionum tractu.
& à Ferdinando Catholico, & à Ca-
rolo quinto Imperatore patre vestro fue-
rit sub Christianorum imperium addu-
ctus. Præteritis igitur regnis, sequitur,
vt ad ea, quæ supersunt, orationem no-
stram conuertamus.

DE ARCHIDVCATV AVSTRIÆ.

HÎc non solum Austria Archidu-
cum, sed etiam Ducum, & Marchio-
num successio attexenda esset, vt hinc
cognoscere possemus, quomodo Austria
ad Comites Habsburgenses tandem fue-
rit deuoluta, & quot inde principes ad
hoc vsq; tempus emanauerint. Sed, quia
de his omnibus, vt dixi, in libro de Ti-
tulis Maximiliani Cæsaris commo-
dius differetur, hoc nunc munere super
sedebo, & me ad Ducatum Burgun-
diæ conferam.

D.

SUCCESSIONVM
DE DVCATV
BURGVNDIAE.

BURGVNDIAE regum successionem
ad hunc locum non arbitror pertine-
re, cum instituti sit nostri, de Ducibus
tantum verba facere. Præterea verò
ipsa regum successio adeò est obscura,
vt in tanta rerum caligine verum inter
noscere summi sit operis, atq; laboris.
Quin etiam, quod grauius est, ipsorū
Ducum successio ab anno millesimo tri-
gesimo quarto vsq; ad annum millesimū
trecentessimū sexagesimū primum
tam magnis est inuoluta tenebris, vt mi-
hi vel diligentius omnia perscrutanti
nihil certi constare potuerit. Quamob-
rem eos solū Duces; qui ex regio Fran-
corum sanguine floruerunt, ex quibus
Maiestas vestra directò ducit origi-
nem, percensuimus, cum & satis sit
illos cognoscere ad ea, quæ diximus, illu-
stranda.

BVR-

BURGVNDIÆ DVCES

ILLI, QUI EX REGIO FRAN-
corum sanguine fuerunt.

1361

I

PHILIPPVS AVDAX, Ioannis
regis Francorum filius, & Philippi
Valesij regis nepos.

an. 39

Hic à patre Ioanne rege anno, de quo di-
xi, 1361 Burgundia Ducatum acce-
pit. Ipse autem Ioannes rex ea de caussa
Burgundiam sui iuris fecerat, quòd ex
Ioanna magna amita Philippi vltimi
Ducis à Philippo rege procreatus esset.
Philippus enim vltimus Burgundia
Dux alterius Philippi filius, & Odo-
nis Ducis nepos fuit. Qui Odo Ioannam
sororem habuit, quæ Philippo Valesio
regi Francorum nupsit. ex qua Ioannes
rex, de quo loquimur, progenitus, mor-
tuo Philippo Duce, Burgundiam obti-
nuit, eamq; Philippo Audaci filio do-
no dedit.

1400

2

Ioannes Diuionius, Philippi Audaci
filius, Ioannis regis Francorum nepos.

an. 19

1419

3

Philippus II, Pius, Ioannis Ducis F.

an. 48

cc Caro

SVCCSSIONVM		
1467	4	Carolus Bellicosus, Philippi Pij F. an. 10
1477	5	Maria Caroli filia, quæ Maximiliani Cæsaris, Austrie Archiducis Uxor fuit an. 5
1482	6	Philippus III, Mariæ, & Maxi- miliani F. Caroli Bellicosi ex filia N. an. 24
1506	7	Carolus II, Philippi III filius, qui Im- perator fuit an. 50
1556	8	Philippus IV, Caroli Imperatoris fi- lius, qui viuis.

DE DVCATV MEDIOLANENSI.

HOc in loco non Mediolanenses
tantum Duces, sed omnes etiam
illos, qui ex Vicecomitū clarissima stir-
pe se se Mediolani pro principibus gesse-
runt, nobis duximus esse numerandos.
Nam & de illis in hoc Ducatu mentio-
nem aliquam fecimus, atq; ita omnia,
quemadmodum quidem volumus, fa-
ciliter percipientur.

VICECOMITES, QUI SE MEDIO-
lani pro Principibus tulere.

1277 I **O**THO VICECOMES, Uberti
filius, Othonis nepos, & Othonis
Asia-

Asiatici pronepos, eius qui Volucem
Sarracenorum ducem anno 1099
clarissimo sacro bello interfecit, ac sibi,
posterisq; suis vulgatissimum illud vipe-
re complicatis spiris puerum passis ma-
nibus euomentis insigne quæ fuit.

Hic Pontificia auctoritate creatus Ar-
chiepiscopus Mediolanensis, iure episco-
pali exactus, cæsis, & prælio captis
Turrianis aduersæ factionis ducibus,
& tyrannis, Urbis & patriæ suæ impe-
rio potitus est anno Domini 1277. Cui
præfuit an. 18. mortuus est enim an.

1295.

1295

2 Matthæus Magnus, Theobaldi filius,
Andreoccij, qui Othonis Archiepisco-
pi frater fuit, N. & Uberti pronepos.
Hic creatus populi Mediolanensis Capita-
neus ex auctoritate patrui sui maioris
Othonis Archiepiscopi anno Domini
1287, creatus vicarius generalis Im-
perij in Lombardia ab Adulpho Imp.
an. 1294, imperio Urbis exactus à
Turrianis, & in exilium compulsus est
an. 1302. Urbis dominatum recupera-

cc ij uit

SUCCESSIONVM

uit expulsis Turrianis an. 1311. Fa-
ctusq; uerum vicarius generalis Imperij
ab Henrico vii Augusto eodem anno,
creatus princeps ciuitatis an. 1316,
rerum potitus est primo ante exilium
an. 14. mēs. 6. Post restitutionem an.
10. mens. 9. omnino autem an. 25.
Obijt anno 1322.

1322 3

Galeatius Matthaei Magni filius,
Theobaldi nepos.

Hic creatus Pop. Mediolanensis Capi-
taneus à patre an. 1300, post patrem
solus princeps ciuitatis factus est, et Do-
minus à populo appellatus an. 1322.
Urbi praefuit à morte patris annos 5.
coactus à Ludouico Bauaro Imp. abdi-
cauit an. 1327. Et cum filio, ac fra-
tribus in carcerem est detrusus. Vnde
postea omnes dimissi. Ipse tamen exul
in castro Pisciae in Tuscia obiit anno
1328.

1329 4

Actius Galeatij filius, Matthaei Ma-
gni nepos.

Hic creatus vicarius Imperij in Vrbe
Mediolano ab Imp. Ludouico Bauaro
mense

- mense Ianuario an. 1329, confirma-
 tus mense Septembri eodem anno, præ-
 fuit an. 10. menses 7. obiit an. 1339.
- 1339 5 Luchinus Matthæi Magni F. Theo-
 baldi nepos, & Actij patruus.
 Hic mortuo Actio nepote Mediolanen-
 sium princeps creatus cum Ioanne fratre
 Mediolanensi Archiepiscopo, præfuit
 annos 9. mēs. 5. mortuus est an. 1349.
- 1349 6 Ioannes Matthæi Magni filius, Theo-
 baldi nepos, & Luchini frater.
 Hic ex episcopo Nouariensi Archiepisco-
 pus Mediolanensis factus, solus Vrbi
 dominus creatus est an. 1349, mortuo
 fratre Luchino. Præfuit an. 5. mens.
 8. Obiit an. 1354.
- 1354 7 Matthæus II, Stephani filius, Matthæi
 Magni nepos.
 Hic mortuo Ioāne Archiepiscopo patruo,
 cum duobus alijs fratribus eius heredita-
 tem æquissima ratione trifaria diuisit,
 ita tamen, ut Mediolanum, & Genua
 communis essent ditionis, ab vnoq, tan-
 tum prætorum regerentur, quem pari iu-
 dicio delegissent. Matthæus igitur crea-
 tus

SUCCESSIONVM

tus est dominus Laudis, Placentiae, Bononiae, Parmae, Lugii, Massae, Bobij, Pontremuli, Burgi S. Domnini, Lucae, & c. Obijt sine virili sobole an. 1356.

1354 8 Galeatius II, Stephani filius, Matthaei Magni nepos.

Hic die obitus Ioannis Archiepiscopi, Mediolanensium tyrannus cum fratribus creatus, dominus quoq; factus est Comi, Nouariae, Vercellarum, Hastae, Albae, Alexandriae, Verthonis, Castri noui, Basignani, Vicleuani, et c. Quibus omnibus praefuit an. 23. mens. 10. Obijt an. 1378.

1354 9 Barnabas Stephani filius, Matthaei Magni nepos.

Hic Mediolanensium tyrannus an. 1354 creatus, facta cum fratribus diuisione tulit Cremonam, Cremam, Soncinum, Bergomum, Brixiam, Vallem Camunicam, Leonatum, Riperiam, Salodium, Carauagium, & c. Praefuit an. 30. mens. 7. cum fratribus, & nepote. Coactus à Io. Galeatio nepote

		TABVLÆ.		104
Anni	Ordo	nepote abdicauit an. 1385. Quo anno etiam mortuus est.		Anni
Dñi.	Ducatus	DVCEs MEDIOLANI.		Ducatus.
1395	1	<p>Ioannes Galeatius Vicecomes, Galeatij filius, Stephani N. Marthæi Magni pronepos.</p> <p>Hic anno Domini 1378 patri successit in administratione paternæ ditionis.</p> <p>Anno verò 1395 Dux primus Mediolani creatus est ab Imp. Venceslao. Præfuit Dux an. 7. à patris verò obitu ad Ducatum an. 17. omnino verò an. 24.</p> <p>Obijt an. 1402. Vixit annos 55.</p>		an. 7
1402	2	<p>Ioannes Maria Vicecomes, Ioannis Galeatij filius</p> <p>Occisus est aliquot ciuium conspiratione an. 1412. Vixit annos 24.</p>		an. 9. mēs. 8
1412	3	<p>Philippus Maria Vicecomes, Io. Galeatij filius secundogenitus</p> <p>Mortuus est an. 1447. Vixit an. 55.</p>		mēs. 3
1447		<p>Eo morte sublato Mediolani fuit interregnum annos ferè tres</p>		an. 3
1450	4	<p>Franciscus Sfortia, Sfortiæ Attenduli præstantissimi ducis filius.</p>		

Hic

SUCCESSIONVM

- Hic ex duce exercitus, tertio anno post obitum Philippi Mediolanensem Ducis, quartus Dux Mediolani creatus est an. 1450. Fuit autem gener Philippi Ducis ex filia Blanca, & adoptione filius. Ducatum tenuit an. 16.
- Obijt anno 1466. Vixit annos 66.
- 1466 5 Galeatius Maria Sfortia Vicecomes, Francisci Sfortie filius an. 11
- Interfectus est Mediolani quorundam ciuium conspiratione in templo S. Stephani ineunte anno 1477. Vixit an. 33.
- 1477 6 Ioannes Galeatius Maria Sfortia Vicecom. Galeatij Mariae F. an. 17. mès. 9
- Obijt anno 1494. Vixit an. 25.
- 1494 7 Ludouicus Maria, cognomento Morus, Sfortia Vicecomes, Francisci Sfortie filius mortuo ex fratre nepote Ioanne Galeatio creatus est Dux VII Mediolani an. 5
- Ducatu exactus à Ludouico XII Francorum rege an. 1499, & postea captus ad Nouariam an. 1500 in Franciam captiuus est deductus. Vbi in carcere diem suum obijt an. 1508.

Maximilianus

		TABVLÆ.		105
1512	8	Maximilianus Sfortia, Ludouici F.	an.	
		<i>Hic creatus Dux an. 1512 mense Decembri, à Francis exactus an. 1515 mense Septembri, in Gallijs tandem ex hac vita discessit anno 1530.</i>		
1522	9	Franciscus Sfortia II, Ludouici filius, & Maximiliani frater	an.	
		<i>Hic creatus Dux an. 1522, & anno 1530 à Carolo Imperatore restitutus, obiit Mediolani anno 1535.</i>		
1535	10	Carolus V, Imperator Augustus	an. 21	
1556	11	Philippus, Caroli v Imp. filius, Rex Hispaniarum, & c. qui Dux es.		

DE DVCATV LOTHARINGIAE.

CV M huius Ducatus titulum ea de caussa Maiestas vestra, PHILIPPE REX, sibi attribuat, quòd ipsa in locū illius Gotthofredi Barbati posterioribus tēporibus successerit, qui Lotharingia inferioris, quæ hodie Brabantia nomine continetur, Dux cum esset, Lotharingiam quoq; superiorem, quæ hodiernum Lotharingia Ducatum complectitur, ad se pertinere existimabat,

DD non

SUCCESSIONVM

non opus nunc est, eius posteros hîc enumerare, cum proximè in Brabantia Ducibus & de illo, & de eius successoribus plenè simus locuturi. Nam quod ad eos Lotharingie Duces attinet, quorum adhuc posteri Lotharingiam superiorem regunt, non est huius loci, de illis sermonem facere, cum ab eis origo huius tituli non repetatur. Quapropter ad Brabantia Duces accedamus.

DE DVCATV BRABANTIAE.

HORVM Ducum intercisa est admodum series, cum post aliquot Duces nulla de eis per annos amplius ducentos & quinquaginta extet memoria, deinde verò alij Duces exoriantur, quorum etiam nunc successores Ducatum teneant. In his igitur enumerandis quod ceteris præstare nobis visum est, id pro iudicio nostro secuti sumus.

BRABANTIAE PRIMI DVCES.

PIPINVS Caroli filius
Hic quo anno Brabantia Ducatum accepit,

Anni Or
Dñi. do
Du-
cū.
I

Anni
Ducatus.
an.

TABVLÆ.

106

		perit, mihi non liquet. Illud quidem in ueni, cum ex omnibus proceribus Au- strasiæ Maiorem Domus in eodem Au- strasiæ regno delectum esse anno Domi- ni 625. præfuisse autem illi muneri an- nos 22. cum mortuus sit anno 647.	
647	2	Grimoaldus Pipini filius	an. 11
658	3	Pipinus II, cognomento Crassus, An- segisi filius, Grimoaldi ex Begga soro- re nepos.	an. 56
714	4	Carolus Martellus, Pipini Crassi F.	an. 27
741	5	Pipinus III, Breuis, Caroli Martelli F. Hic quoq, Rex Francorum creatus est anno 751.	an. 27
768	6	Carolus Magnus, Pipini III filius, qui & Rex Franciæ, & Rom. Imp.	an. 47
814	7	Ludouicus Pius, Caroli Magni F. qui & Rex Franciæ, & Rom. Imp.	an. 26
		Hic omittuntur illi Duces, qui ab anno octingentesimo quadragesimo vsq, ad annum millesimum centesimum sextu floruerunt. Quo etiam temporis spatio nulla est certa Brabantiæ memoria. se- quitur nunc	

DD. ij. BRA-

Anni
Duc
tus.
et.

SUCCESSIONVM

BRABANTIAE SECUNDI DVCES.

1106

I

GOTTHOFREDVS Barbatus,
Henrici Louaniensis Comitis filius
Hic accepta ab Imp. Henrico Iuniore Lo-
tharingiae nouae, & in angustias reda-
ctae ea parte, quae dicitur Lotharingia
inferior, Comitis Louaniensis titulum
aspernatus est, & Brabantiae Ducis ti-
tulum assumpsit. Eum verò primum
Brabantiae Ducem appello, quòd tam
magnum temporis intervallum à Ludo-
uico Pio usq; ad hunc fluxerit, ut an-
tiquorum Brabantinorum Ducum me-
moriam ferè esset extincta. Quot annos
autem Ducatum administrarit, non
legi. Ex quo fit, ut Christi annorum
supputatio mihi non pateat usq; ad annu
1260, quo anno Henricus III Dux
mortuus est.

an.

2 Gotthofredus II, Barbati filius

an.

3 Gotthofredus III, Gotthofredi II F.

an. 43

4 Henricus Gotthofredi III filius

an. 48

5 Henricus II, Henrici filius

an. 22

6 Henricus III, Henrici II filius

an. 13

Ioannes

TABVLÆ.

			107
1260	7	Ioannes, Henrici III filius	an. 34
1294	8	Ioannes II, Ioannis filius	an. 18
1312	9	Ioannes III, Ioannis II filius	an. 43
1355	10	Ioanna, Ioannis III filia	an. 51
		Hæc primum Gulielmo Hollandiæ Co- miti, deinde Venceslao Ioannis Bohe- miæ regis filio nupsit, multosq, vnquam liberos tulit. Mortua est anno 1406.	
1406	11	Antonius Philippi Audacis Burgun- diæ Ducis F. mortua magna materte- ra Ioāna Ducissa, Dux ipse factus est.	an. 9
1415	12	Ioannes IV, Antonij filius, Conditor gymnasij Louaniensis.	an. 12
1427	13	Philippus, Antonij filius, Ioannis IV frater	an. 3
1430	14	Philippus II, Pius, Burgundiæ Dux, Ioannis filius, Philippi Audacis nepos, & Ioannis, & Philippi Brabantino- rum Ducum patruelis	an. 37
1467	15	Carolus Bellicosus, Philippi Pij F.	an. 10
1477	16	Maria Caroli Bellicosi filia, quæ Ma- ximiliano Cafari, Austriæ Archi- duci collocata fuit.	an. 5
1482	17	Philippus III, Maximiliani Cafaris filius, et Caroli Bellicosi ex Maria N.	an. 24
		Imp.	

1506	18	Imp. Cæs. Carolus V, Philippi filius, Maximiliani Cæsaris nepos	an. 50
1556	19	Philippus IV, Imp. Cæs. Caroli v F. Qui Ducatum tenes.	

DE DVCATV LEMBURGI.

MINIME mirum alicui videri debet, si nihil mihi est, quod de Lemburgensium Ducum successione dicam, cum neq; huius Ducatus origo mihi constet, neq; apud scriptores frequens eius mentio sit. Quod verò pertinet ad Duces Brabantie, qui non sine causa hunc titulum usurpant, cum anno millesimo ducentesimo nonagesimo tertio Lemburgum ditionis sue fecerint, eorum nobis successio, quam suprâ adduximus, cognoscenda est, ne eadem repetantur.

DE DVCATV LVCEMBVRGensi.

LVCEMBVRGENSIVM Ducû successio, quæ hîc apponenda esset, haud quaquàm mihi comperta est, tum quia huius Ducatus institutio alijs atq; alijs attribuitur, tum quia difficile admodum est ad

est ad iudicandū, et qui ex ipsa Lucem-
burgica familia Ducatum tenuerint, et
quanto temporis spatio ei præsuerint, cū
nulla horum Ducum series existat. Ut
tamen ijs, quæ dixi, lucis aliquid adhi-
berem, optimum esse duxi, si ipsam
familie Lucemburgicæ genealogiam li-
teris proderem, ut cognosceremus, &
quot ex ea principes fluxerint, & quo
quisq; tempore uixerit. Feminas autem
consulto omisi, quia ad hunc locum nihil
faciunt. Quas verò commemorare ne-
cessarium esse ratus sum, eas adiunxi.
Ceterum ab auo Henrici septimi Impe-
ratoris initium ducam, cum supra eum
nihil certi mihi pateat.

FAMILIÆ LVCEMBVRGICÆ
Genealogia.

HIC igitur fuit HENRICVS co-
gnomento BLONDELLVS, Co-
mes Lucemburgensis, quem tamen Pau-
lus Aemilius in historia Francorum
REGINALDVM appellat, dicitq; mor-
tuum esse anno 1290. Huius filius
HEN-

SUCCESSIONVM

HENRICVS, qui proxime post mor-
 tem patris vnà cum duobus fratribus in
 quodam prælio contra Brabantie Du-
 cem est interfectus, genuit HENRI-
 CVM, qui Imperator creatus, SEPTI-
 MUS inter Henricos Cæsares appellatus
 est, & VALERAMVM Comitem for-
 tissimum, et BALDVINVM Archie-
 piscopum Treuirensē. Henricus septi-
 mus mortuus est anno 1313, et IOAN-
 NEM filium reliquit, qui ob Elisabe-
 tham vxorem Bohemie regnum conse-
 cutus, obiit anno 1346, quattuor ex
 ea susceptis filijs, CAROLO QVARTO
 Imperatore, Bohemiaq; rege, qui
 anno 1379 mortem oppetiit, VEN-
 CESLAVO, qui propter vxorem Ioan-
 nam Ducatum Brabantie obtinuit, pe-
 riitq; anno 1383, IOANNE HEN-
 RICO, qui Moravia Marchio fuit,
 & PRIMISLAVO, qui puer decessit.
 Habuit etiam Ioannes Bohemie rex
 aliam vxorem Beatricem, quæ ei pepe-
 rit VENCESLAVM, et IOANNEM.
 Ex omnibus autem Ioannis regis filijs
 nemo

nemo stirpem ullam edidit præter Carolum quartum, & Ioannem Henricum. VENCESLAUS enim Cæsar, Bohemique rex, qui an. 1418 interiit, & SIGISMUNDVS Imperator, Hungariæ, & Bohemiæ rex, qui mortem obiit anno 1437, Caroli quarti Imperatoris filij fuerunt. Ioannes Henricus autem filios procreauit IODOCVM BARBATVM, Moraviæ Marchionem, & regem Romanorum, qui mortuus est an. 1411, et PROCOPIVM virum strenuum, & SOBESLAVM Marchionem Moraviæ, qui tres fratres sine liberis vita defuncti sunt. Sed & Venceslaus Cæsar, Caroli quarti filius nullam sobolem reliquit, nisi ei filiam EVFEMIAM, quod nonnulli faciunt, assingere velimus. Sigismundus verò Venceslai frater unicam tulit filiam ELISABETHAM, quæ Alberti Cæsari, Austriæ Duci matrimonio collocata, duos filios peperit, ANNAM, quæ Gulielmum Saxonie Ducem maritum habuit, & ELISABETHAM, quæ

EE

quæ

SUCCESSIONVM

que Casimiro Polonie regi nupsit, & vnicum filium VLADISLAVM POSTHVMVM, qui Hungaria, & Bohemie rex obiit anno 1457.

Ex his verò omnibus apparet, quomodo hæc principum Lucemburgensium familia defecerit, & qua de causa Saxonie Dux, & Polonie rex in Ducatu Lucemburgensi aliquem iuris hereditarij titulum prætenderent, cum tamen Venceslaus Cesar in Antonium Burgundionem, Brabantie Ducem illum Ducatum contulisset. Quare, si post Antonium qui Lucemburgenses Duces fuerint, perdiscere volumus, Brabantie Duces adire debemus, cum vna eademq; successio fuerit.

DE DVCATV GELDRENSI.

CVM Geldria primùm à Præfæctis, deinde à Comitibus, postremò verò à Ducibus fuerit administrata, nihil ab instituto meo alienum mihi visus sum facturus, si horum omnium in hunc locum successiones coniicerem, ut
vbe-

TABVLÆ.

110

Anni Or
Dñi. do
Præ
fec.

Verior eorum, quæ dixi, cognitio para-
retur. Quamuis autem temporum ra-
tio nequaquam iniri potuerit, cum im-
mensis antiquitatis tenebris implicita
sit, horum tamen principum nomina,
& seriem cognoscere haud inuile esse
existimo. Præfecti igitur hi fuerunt.

GELDRIÆ PRÆFECTI.

1 V Vicardus à Pont an.

Hic primus appellatus est Præfectus, flo-
ruitq; circiter annum octingentesimum
octuagesimum, & una cum fratre
Leopoldo Gelder oppidum extruxit, à
quo Geldriæ nomen emanauit.

910 2 Gerlaccus Vuicardi filius an.

Hic successit patri anno 910.

3 Gotthofredus. an.

4 Vuicardus II. an.

5 Mergofus an.

6 Vuinderinus. an.

7 Vuicardus III. an.

Hic filiam Adeleidem reliquit, quam
duxit uxorem Otho Comes à Nassau,
qui primus Geldriæ Comes factus est.

EE y Otho

Anni Dñi.	Or do Co mi- cū.	SUCCESSIONVM	
		GELDRIÆ COMITES.	
1079	I	O Tho Comes à Nassau. <i>Hic dotali iure Geldriæ ditionem conse- cutus, primus Comitis Geldrensis titu- lum ab Imperatore Henrico Seniore accepit anno 1079.</i>	an.
	2	Gerardus.	an.
	3	Henricus.	an.
	4	Gerardus II.	an.
	5	Otho II. <i>Hic anno 1248 Gulielmo Romanorum regi ingentem pecuniā mutuam dedit, ab eoq; pignoris loco Nouiomagum ciui- tatem antea liberam accepit, quæ nunc Ducatus Geldriæ caput est.</i>	an.
	6	Reinoldus Othonis II filius.	an.
	7	Reinoldus II, Reinoldi filius. <i>Hic vltimus Comes fuit, & primus Geldriæ Dux.</i>	an.
Anni Dñi.	Or do Du cū.	GELDRIÆ DVCES.	
		Reinoldus Geldriæ Comes, Reinol- di Comitæ filius <i>Hic à Cæsare Ludouico Bauaro primus Dux</i>	
1329	I		an.

TABVLÆ.

III

		Dux Geldrie creatus est anno 1329.	
	2	Reinoldus II, Reinoldi filius	an.
	3	Eduardus, Reinoldi II frater	an.
		Hic in prælio contra Brabantinos occisus est anno 1378.	
1378	4	Gulielmus, Iuliacensis Dux, Guliel- mi filius, & Reinoldi primi Geldrie Ducis ex Ioanna filia nepos.	an.
	5	Reinoldus III, Dux Iuliacensis, Gu- lielmi frater	an.
		Hic mortuus est anno 1423.	
1423	6	Arnoldus Egmondanus, Reinoldi III ex Margarita filia gener.	an. 49
		Aliqui tamen dicunt hanc Margaritam fuisse ipsius Reinoldi ex Ioanna sorore neptem.	
		Hic, cum annos quadraginta quattuor Ducatus iam præfuiſſet, à filio Adol- pho captus, & in carcerem coniectus est. Liberatus verò poſt ſex menſes, cum filius nullo modo patris gratiam re- cuperare voluiſſet, Ducatum Carolo Burgundie Duci vendidit an. 1472, quem etiam, cum paullo poſt vita di- ſcederet, heredem inſtituit. Ita Caro- lus	

SUCCESSIONVM

lus Burgundie Dux Geldrie Ducatū
obtinuit.

7 Adolphus Arnoldi filius an.

Hic, cum patri suo Arnolde reconcilia-
ri nolisset, à Carolo Duce Burgundie
custodie traditus est. è qua tandem post
mortem ipsius Caroli fuit à Gandauen-
sibus liberatus. Sed non multò post in eo
bello interfectus est, quod Gandauenses
cū Tornacensibus gerebant an. 1477.
Post eius mortem Maximilianus Ar-
chidux Austriae, Caroli Ducis Bur-
gundie ex Maria filia gener per aliquot
annos Geldria potitus est.

8 Carolus Adolphi filius an.

Hic Geldrie Ducatum recuperavit,
illumq; tenuit vsq; ad annum 1538.
quo anno sine liberis mortuus est.

1538 9 Gulielmus II, Ioannis Ducis Cluensis,
Iuliacensis, et Bergensis filius à Geldren-
sibus Dux Geldrie factus est. an. 5

Hic anno 1543 à Carolo quinto. Impe-
ratore, ad quem Geldria iure pertine-
bat, omni ditioe sua exutus fuit, ac
deinde ea donatus, excepto tamen Gel-
dria

TABVLÆ.

1543

10

drie Ducatu.
Imp. Cæs. Carolus V, Philippi Au-
striæ Archiducis filius, Maximilia-
ni Cæsaris nepos.

113

1556

11

Philippus Caroli Imp. F. qui Dux es.

an. 13



QVinq; sequentium titulorum suc-
cessionibus hîc non subieci, quia nihil
prorsus mihi suppetit, quod de illis affe-
ram. Nam de Ducatu ATHENA-
RVM quæ reperire potui, suprà omnia
commemoravi. NEOPATRIÆ Verò
Duces, nomine ipso etiam incōperto, nè
odorari quidem licuit. Marchiones au-
tem SACRI ROMANI IMPERII
si quis scire aueat, is Brabantie Duces,
qui non sine caussa hoc titulo vtuntur,
cognoscere studeat. De ORISTANI
Verò, & GOTIANI Marchionibus
idem, quod de Neopatriæ Ducibus,
existimandum est. Quamobrem his
omissis ad Barcinonenses Comites tran-
seamus.

Anni Dñi.	Or do Co mi- tū.	SUCCESSIONVM COMITES BARCINONENSES.	Anni Comi- tatus.
825	1	[Amfredus Hic ex quo genere fuerit, non legi. Comes autem Barcinonis factus est à Ludouico Pio, Caroli Magni filio capta de Sarracenis Barcinone. Quamuis Verò ante eum quidam Bernardus à Carolo Magno constitutus Comes fuerit, hunc tamen primum Comitem nominant, credo, quia eius posterì diu regnauerint, Bernardi autem stirps in ipso defecerit.	an. 60
885	2	Iamfredus II, cognomento Pilosus, Iamfredi filius	an. 27
912	3	Miron Iamfredi Pilosi filius	an. 17
929	4	Iamfredus III, Mironis filius	an. 35
964	5	Borrellus, Sunyeri Comitis Vrgellensis filius, Iamfredi Pilosi nepos, & Iamfredi III patruelis	an. 28
993	6	Raymundus Borrellus, Borrelli F.	an. 24
1017	7	Berengarius, Raymundi Borrelli F.	an. 18
1035	8	Raymundus Berengarius, Berengarij filius	an. 42
1076	9	Raymundus Berengarius II, Raymundi	

TABVLÆ.

1082	10	mundi Berengarij filius	113 an. 7
		Raymundus Berengarius III, Ray	
		mundi Berengarij filius	an. 50
1131	11	Raymundus, Raymundi Berengarij	
		filius	an. 31

Hic matrimonio sibi coniuncta Raymiri
Monachi regis Arragonie filia, re-
gnum Arragonum est adeptus. Inde fa-
ctum est, ut hæc duæ semper ditiones in-
ter se fuerint consociatæ. Quare, si
posthac Barcinonenses omnes Comites
addiscere volumus, nobis reuoluenda
est regum Arragonie successio.

DE COMITATIBVS Ruscinonis, & Cerretaniæ.

NIHIL de successione Comitum Ru-
scinonis, & Cerretaniæ mihi di-
cendum est, cum Barcinonenses Comi-
tes, & Arragonie reges possimus in-
spicere, & inde, quicquid ad hunc lo-
cum pertinet, excipere. Nam, cum hi
Comitatus nunc cum Barcinonensi Co-
mitatu fuerint coniuncti, nunc verò ab
eo disiecti, ut solet fieri ob multipli-

FF cem

SUCCESSIONVM

cem sobolem, ac multas ex vna gente familias, summi est operis certa fide, qua quisq; tempestate, & cui successerit, affirmare. Quapropter locus nos admonet, vt ad Flandria Comitatum deueniamus.

DE COMITATV FLANDRIAE.

ANTEQVAM Flandria ad Comitatus gradum eueheretur, à tribus principibus fuit administrata, qui diuersis titulis à scriptoribus ornantur; nunc enim Principes Flandiarum, nunc Saltuarij, vel Forestarij, nunc Praefecti Flandrici littoris dicuntur. Eos verò illa de caussa constituit Carolus Magnus, vt regionem syluestrem ab excursionibus, & latrocinijs tuerentur. Quorum nomina sunt haec, Lydericus Harlebecanus, qui mortuus est anno 808, Engerrannus filius eius, qui periit anno 824, & Odoacer Engerranni filius, qui anno 837 mortem obiit. Post hunc Flandria Comitatus titulo est affecta, & omnes, qui subsequuntur, Comites tulit.

Anni Dñi.	Or. Co mi- tū.	TABVLÆ. FLANDRIÆ COMITES.	114 Anni Com.
863	1	B Balduinus Ferreus <i>Hic ex Saltuario primus Flandriæ Co- mes à Carolo Caluo Franciæ rege crea- tus est anno 863</i>	an. 16
879	2	Balduinus II, Caluus, Ferrei filius	an. 39
918	3	Arnulphus Magnus, Calui filius	an. 46
958	4	Balduinus III, Iunior, Arnulphi F. <i>Hic viuentē adhuc patre obiit anno 961. pro quarto tamen Comite nu- meratur.</i>	an. 3
964	5	Arnulphus II, Iunior, Balduini Iu- nioris filius	an. 24
988	6	Balduinus IV, Barbatus, Arnulphi Iunioris filius	an. 47
1035	7	Balduinus V, Pius, qui & Insula- nus, Barbati filius	an. 32
1067	8	Balduinus VI, Montensis Pij, F.	an. 3
1070	9	Arnulphus III, Montensis filius	an. 2
1072	10	Robertus Frisius, Balduini Pij F.	an. 21
1093	11	Robertus II, Hierosolymitanus, Frisij filius	an. 18
1111	12	Balduinus VII, Securis, Hierosoly. F.	an. 8
1119	13	Carolus Bonus, qui & Danus, ff ij Canu	

SUCCESSIONVM

		Canuti regis Danie filius, Roberti Frisij ex Alela filia nepos	an. 8
1127	14	Gulielmus Nortmanus, Roberti filius, Gulielmi Ducis Nortmanie nepos, & Balduini Pij, vel Insulani Flandrie Comitis ex Mathilde filia pronepos	an. 1
1128	15	Theodoricus Alsatius, Theodorici Landgrauj Alsatie filius, et Roberti Frisij Flandrie Comitis ex Gertrude filia nepos	an. 40
1168	16	Philippus Alsatius, Theodorici F.	an. 23
1191	17	Margarita Alsatia, Theodorici filia	an. 3
1194	18	Balduinus IIX, Hannonie Comes, Balduini Comitis Hannonie filius, & Theodorici Alsati ex Margarita filia nepos	an. 11
		Hic Baldvinus ille est, qui anno 1204 Imperator Constantinopolitanus est factus, cui deinde in Imperio successit Henricus frater.	
1205	19	Ioanna, Balduini Imper. filia Hec duos quidem uiros habuit, sed nullos unquam liberos peperit.	an. 39
1244	20	Margarita II, Ioanne soror	an. 35

Vido

TABVLÆ.			115
1279	21	Vido Dampetra, Gulielmi Dampetra, & Margarita filius	an. 25
1304	22	Robertus III, Betuniensis, Vidonis F.	an. 18
1322	23	Ludouicus Niuernensis, qui & Cressiacus, Ludouici Comitis Niuernensis F. Roberti Betuniensis nepos	an. 24
1346	24	Ludouicus II, Maleanus, Niuernensis filius	an. 37
1383	25	Margarita III, Maleana, Maleani filia	an. 21
		Hæc ab alijs vocatur kunigundis. Nupsit autem Philippo Audaci Burgundie Duci.	
1404	26	Ioannes, Burgundie Dux, Audacis, & Maleana filius	an. 15
1419	27	Philippus II, Pius, Ioannis filius	an. 48
1467	28	Carolus II, Bellicosus, Pij filius	an. 10
1477	29	Maria, Caroli Bellicosi filia	an. 5
1482	30	Philippus III, Archidux Austriae, Maximilianæ Cæsaris, & Mariae F.	an. 24
1500	31	Imp. Cæs. Carolus V, Philippi filius	an. 50
1556	32	Philippus IV, Caroli v Imp. F. Rex Hispaniarum, & c. qui Comitatum tenes.	

DE

SUCCESSIONVM

DE COMITATV ARTESIAE.

HOc in loco nullam aliam Comitum Artesiae successionem arbitror necessariam esse, nisi eorum, qui ex regio Francorum sanguine per annos centum octuaginta septem Artesiam tenuerunt. Nam supra eos hac regio, antequam Comitatus titulum adipisceretur, Flandriae Comitibus subiecta fuit, & post illud temporis sub Flandria Comitum potestatem redijt. ex qua re intelligi potest, Comitum Flandriae successionem nobis peruoluendam esse, si, qui fuerint Artesiae domini, cognoscere velimus. Comites autem Artesiae ex regia Francica nobilitate hi fuerunt.

COMITES ARTESIAE.

1195 I **L**VDOVICVS Philippi Augusti regis Francorum filius, qui & postea rex Franciae fuit

an. 31.

Hic à patre Philippo rege anno, de quo dixi, 1195 primus Artesiae Comes creatus est. Ipse autem Philippus rex,

cum

TABVLÆ.

116

- cum Isabellam filiam Balduini Comitis
Hannonie uxorem duxisset, loco dotis
Artesiam à Philippo Flandriæ Comi-
te puellæ auunculo acceperat.
- 1226 2 S. Ludouicus, rex Francorum, Lu-
douici regis filius an. 10
- 1236 3 Robertus, S. Ludouici frater an. 14
Hic Comitatum Artesiæ à S. Ludouico
fratre dono accepit. A nonnullis autem
primus Artesiæ Comes fuisse dicitur.
- 1250 4 Robertus II, Roberti filius an. 52
- 1302 5 Otho Burgundiæ Comes, Roberti II
ex Mathilde filia gener an.
Huic Philippus Pulcher Franciæ rex
Atrebatium Comitatum dono dedit,
quod Mathildem filiam Roberti II
uxorem haberet, nulla Roberti nepotis
ex Philippo filio ante Robertum secun-
dum patrem mortuo ratione habita.
Post hunc neq, temporum ratio, neq, Co-
mitum series mihi perspicua est. Ut ta-
men intelligamus, qua ratione Artesia
ad Flandriæ Comites reciderit, ipsam
Comitis Othonis genealogiam hîc adiun-
gendam esse duxi.

Ille

SUCCESSIONVM

[LLE igitur ex Mathilde Atrebatensi
 vxore liberos suscepit Robertum
 Comitem Burgundie, & Artesie,
 Ioannam, quæ Philippo Longo Fran-
 cie regi nupsit, & Blancā, quæ Ca-
 roli Pulchri Francie regis vxor fuit, po-
 steaq; repudiata, nullos unquam libe-
 ros edidit. Robertus item sine vlla stirpe
 vita excessit. Ioanna ex Longo rege fi-
 lias tres peperit, Ioannam, quæ Odo-
 nem Burgundie Ducem maritum ha-
 buit, Margaritam Ludouici Niuer-
 nensis Flandria Comitis vxorem, &
 Mariam, quæ Delphino Viennensi
 collocata fuit. Ex Ioanna, & Odone
 genitus est Philippus, ex illo alter
 Philippus, Dux Burgundie, Co-
 mesq; Artesie, & Burgundie: quo sine
 liberis morte crepto, Ioannes Francie
 rex Ducatum Burgundie accepit,
 Margarita verò secunda Longi regis
 filia in Comitatus Burgundie, & Ar-
 tesie successit, atq; eos iure hereditario
 Ludouico Maleano filio reliquit anno
 1382. Post quem vnus & idem Co-
 mes

mes Flandria, & Artesia fuit.

DE COMITATV HANNONIAE.

COMITVM Hannonia successio, qua hîc subiungenda esset, nequaquam mihi omni ex parte cognita est, nisi ex eo tempore, quo Ioannes Hannonia Comes Hollandia Comitatum adeptus est. id quod circiter annum millesimum ducentessimum nonagesimum accidit, cum Gulielmus Ioannis filius anno millesimo trecentesimo quarto Holla die Comitatum inierit. Postquam igitur omnium Hannonia Comitum seriem oculis intueri non licet, eos saltem Comites non grauemur inspicere, qui ab anno millesimo trecentesimo vsq; ad hanc diem fuerunt. Hi autem una cum Hollandia Comitibus erunt coniuncti, quorum successionem ab institutione Comitatus initium capientes hîc subijcimus.

HOLLANDIAE COMITES.

863 | **T**heodoricus è regia Frācica stirpe
GG orum-

SUCCESSIONVM

		oriundus	an.
		Hic à Carolo Caluo primus Hollandie Comes factus est anno 863. Quot annos autem Comitatum administrarit, non legi. neq; etiam subsequentiū Comitum tempora inueni. Satis igitur nobis sit eorum nomina, & ordinem intelligere.	
	2	Theodoricus II, Theodorici filius	an.
	3	Arnoldus, Theodorici II filius	an.
	4	Theodoricus III, Arnoldi filius	an.
1035	5	Theodoricus IV, Theodorici III F.	an.
	6	Florentius, Theodorici IV frater	an.
1076	7	Theodoricus V, Florentij filius	an.
	8	Florentius II, Theodorici V filius	an.
	9	Theodoricus VI, Florentij II filius	an.
	10	Florentius III, Theodorici VI filius	an.
	11	Theodoricus VII, Florentij III F.	an.
1203	12	Gulielmus Theodorici VII frater	an.
	13	Florentius IV, Gulielmi filius	an.
	14	Gulielmus II, Florentij IV filius	an.
		Hic anno 1246 Rex Romanorum electus est, & post annos inde nouem in quodam prælio cum Frisijs occubuit.	
1255	15	Florentius V, Gulielmi Regis filius	an.
		Hic	

TABVLÆ.

118

		<i>Hic primus Selandiæ Comes fuit, qui Comitatus ad reliquos subinde Hollandiæ Comites transijt.</i>	
16		Ioannes Florentij v filius <i>Hoc mortuo nulla sobole relicta, Comitatus ad Ioannem Hannoniæ Comitem peruenit, qui fuit filius sororis Gulielmi Regis.</i>	an.
17		Ioannes II, Hannoniæ Comes, Ioannis Comititis Hannoniæ filius, & Gulielmi Regis ex Margarita, sive Adelaide sorore nepos <i>Posthac qui Hollandiæ, idem etiã Hannoniæ Comes fuit.</i>	an.
1304	18	Gulielmus III, Ioannis II filius	an. 33
1337	19	Gulielmus IV, Gulielmi tertij filius	an. 9
1346	20	Cæsar Ludouicus Bauariæ Dux, Gulielmi tertij ex Margarita filia gener	an. I
1347	21	Gulielmus V, Cæs. Ludouici filius	an. 41
1388	22	Albertus Cæsaris Ludouici filius	an. 16
1404	23	Gulielmus VI, Alberti filius	an. 12
1416	24	Iacoba, Gulielmi VI filia <i>Hæc quattuor viros habuit, sed nullos vnquam liberos peperit.</i>	an. 19
1435	25	Philippus Pius, Burgundiæ Dux, cc ij Ioan	

SVCCSSIONVM


1457 26

Ioannis Ducis filius, & Alberti Co-
mitis Hollādie ex Margarita filia N. an. 32
Carolus Bellicosus, Philippi Pij F. an. 10

Post hunc si volumus scire, qui fuerint
Comites Hollandiæ, Selandiæ, &
Hannoniæ, nobis Burgundiæ Duces,
vel Flandriæ Comites retractādi sunt,
cum vnus & idem princeps has omnes
ditiones summo cum imperio tenuerit.

DE COMITATV SELANDIAE.

Hic nullo modo Selandiæ Comites per
sequi oportet. nam, cum Selandia, quā
do Comitatus titulum consecuta est, fue-
rit Hollandiæ Comitibus subiecta, atq;
eis deinceps paruerit, Hollandiæ Comi-
tes nunc à nobis perlustratos adire omni-
no debemus, nè de eisdem Comitibus
sepius agatur.



PORRO autem quinque, etiam se-
quentium Comitatum, & septem
Dominatum successiones prætermisi ob
eam causam, quam supra identidem
attuli,

attuli, quòd nihil de eis, quod afferrem, inuenerim. Nam de Comitibus NAMVRCI nihil prorsus habeo, quod adijciam. Comites autem ZVTPHENI si quis cognoscere cupiat, is Geldria Comites, & Duces, quos superius commemorauimus, adeat, cum hæc due diuisiones multis iam retrò sæculis vnà fuerint coniunctæ. De Comitibus verò BVRGVNDIAE nihil certi peruestigare potui. Vt tamen omnia clarius percipiantur, quæ paullò ante de Comitibus Artesie adduxi, hùc quoq; referenda sunt. De Comitibus autem HABSPVRCI, et TYROLIS in libro de Titulis Maximiliani Cæsaris vberius mihi dicendum erit, atq; iccirco successionum etiã tabulas eò conijciam. Si verò Dominos CANTABRIÆ contemplemur, Asturum, & Castellæ reges inspiciamus, cum illi semper eam prouinciã in potestate sua habuerint. De Dominis autem MOLINAE, nulla vnquã cori mentione reperta, expiscari quicquam non licuit. Si verò Dominorum FRI-

SIAE

SUCCESSIONVM


STAE. desiderium nos tenet, ad Hollan-
die Comites accedamus, qui Frisia do-
minatū semper tenuerunt. MECHLI-
NIAE autem Dominos, qui ex familia
Bertholdorum fuerunt, in medium af-
ferre non possum, cum nē eorum qui-
dem nomina fuerim nactus. Quod ve-
rò pertinet ad Dominatum ULTRA-
IECTI, credo quidem, omnium eius
Vrbis episcoporum nomina extare, sed
cum in libris editis, quos quidem vide-
rim, non inueniantur, vix homini Ita-
lo cognita esse posse existimo. Quae ea-
dem ratio in Dominatu TRANSISA-
LANAE locum habet. Quin etiam idem
de GRVNINGAE Dominis iudican-
dum est, cum nullam ferē vnquam, vt
dixi, de eis mentionem scriptores faciāt.
Quibus rebus explicatis, satis omnibus
intellectum esse puto, quod propositum
ab huius nostrae disputationis initio fuit,
quos nempe titulos Maiestas vestra,
PHILIPPE Rex, & qua de caussa
gerat, quos armis, & quos hereditate
partos acceperit, & per quos successio-
num

TABVLÆ.


120

*num gradus ab altissimis initijs tandem
plurima terrarum imperia felicissimè
ad eam peruenerint, & ut in vno eius
capite fulciantur. Quod ut perpetuum
sit, quemadmodum speramus,
sic etiam votis omnibus
suppliciter à DEO
omnipotenti
precamur.*

FINIS.



	<p>1. In the first place, the second, the third, the fourth, fifth, the sixth, the seventh, eighth, the ninth, the tenth, eleventh, the twelfth, the thirteenth, fourteenth, the fifteenth, the sixteenth, seventeenth, the eighteenth, the nineteenth, twentieth, the twenty-first, the twenty-second, twenty-third, the twenty-fourth, the twenty-fifth, twenty-sixth, the twenty-seventh, the twenty-eighth, twenty-ninth, the thirtieth, the thirty-first, the thirty-second, the thirty-third, the thirty-fourth, the thirty-fifth, the thirty-sixth, the thirty-seventh, the thirty-eighth, the thirty-ninth, the fortieth, the forty-first, the forty-second, the forty-third, the forty-fourth, the forty-fifth, the forty-sixth, the forty-seventh, the forty-eighth, the forty-ninth, the fiftieth, the fifty-first, the fifty-second, the fifty-third, the fifty-fourth, the fifty-fifth, the fifty-sixth, the fifty-seventh, the fifty-eighth, the fifty-ninth, the sixtieth, the sixty-first, the sixty-second, the sixty-third, the sixty-fourth, the sixty-fifth, the sixty-sixth, the sixty-seventh, the sixty-eighth, the sixty-ninth, the seventieth, the seventy-first, the seventy-second, the seventy-third, the seventy-fourth, the seventy-fifth, the seventy-sixth, the seventy-seventh, the seventy-eighth, the seventy-ninth, the eightieth, the eighty-first, the eighty-second, the eighty-third, the eighty-fourth, the eighty-fifth, the eighty-sixth, the eighty-seventh, the eighty-eighth, the eighty-ninth, the ninetieth, the ninety-first, the ninety-second, the ninety-third, the ninety-fourth, the ninety-fifth, the ninety-sixth, the ninety-seventh, the ninety-eighth, the ninety-ninth, the hundredth.</p>	
--	---	--



AVCTORVM NOMINA,
quibus vsi sumus.

- A** Batis Vrßpergensis chronicon.
Abrahami Ortelij Theatrum Orbis terrarum.
Adriani Barlandi de Ducibus Brabātiae chronicon.
Aeneae Syluij Piccolominei, qui post adeptum Pon-
tificatum Pius secundus est appellatus, Europa.
Aetij Antonij Nebrissensis de rebus gestis à Ferdi-
nando, & Elisabetha Hispaniarū regibus deca-
des duae. Eiusdem de bello Nauarriensi lib. duo.
Alphonsi de Carthagera Episcopi Burgensis Regum
Hispanorum anacephaleosis.
Alphonsi Vllorū vitæ Imperatoris Caroli quinti, &
Ferdinandi Caesaris.
Annonij, quem alij Aimoinum vocant, historia
Francorum.
Baptistæ Platinae vitæ Pontificum.
Bernardini Corij historia Mediolanensis.
Blondi Flauij Forliuensis historiarum opus ab incli-
natione Romani Imperij.
Caesaris Commentarij.
Conradi Vecerij vita Henrici septimi Imperatoris.
Francisci Lopez historia Indiarum Occidentalium,
& Ferdinandi Cortesij.
Francisci Taraphæ de origine, & rebus Hispaniæ
regum liber.

HH

Frossardi Gallici scriptoris historiarum opus.

Hieronimi Benzoni historia noui orbis.

*Hieronimi Gebaileri epitome regij sanguinis Comitū
Habsburgensium, atq; omnium Austriæ Archi-
ducum.*

Iacobi Cuiaccij in libros Feudorum Commentarius.

*Iacobi Marchantij de rebus Flandriæ memorabili-
bus liber.*

Iacobi Meyeri rerum Flandricarum libri xvii.

Ioannes Baptista Pigna de rebus Ferrariensium.

Ioannes Cuspinianus.

*Ioannis Tilij de Francorum regibus chronicon, histo-
riæ Pauli Aemilij ab impressoribus additum.*

Ioannis Villani Annales Florentini.

Lamberti Hortensij rerum Vltraiectionarum lib. vii.

Leonis Card. Ostiensis historia monasterij Cassinatis.

Ludouici Guicciardini descriptio German. inferioris.

*M. Antonij Sabellici historiarum opus ab orbe con-
dito. & supplementum eius.*

*Michaelis Riccij de Francorum, Hispaniæ, Hie-
rosolymorum, Neapolis, Siciliæ, & Hungariæ
regibus libri.*

Nicephori Gregoræ Historia Byzantia.

*Onuphrij Panuinij Chronicon Ecclesiasticum. &
Romanorum principum, & eorum, quorum ma-
xima in Italia imperia fuere, libri iii. & de Co-
mitijs*

mitijs Imperatorijs liber.
Tandulfi Collenucij Neapolitana historia, & eius
supplementum.
Pauli Aemilij Francorum historia.
Pauli Iouij historie sui temporis. Clarorumq; viro-
rum Vitæ, & Elogia.
Petri Bembi Cardinalis historia Venetorum.
Petri de Cieca historia magni regni Peruti.
Petri Messie vitæ Imperatorum.
Philippi Cominei de Ludouico vndecimo Francorū
rege, & Carolo Burgundie Duce commentarij.
Eiusdem de Carolo octauo Francorum rege, &
bello Neapolitano alij commentarij.
Plinij Naturalis historia.
Ptolemæi Geographia.
Raphaelis Volaterrani Geographia.
Roderici Archiep. Toletani chronicon de rebus Hispa.
Sex. Ruffus.
Sigeberti monachi Gemblacensis chronicon.
Strabonis Geographia.
Thomæ Fazelli de rebus Siculis decas posterior.
T. Liuius.
Tristani Chalci historia Mediolan. non est impressa.
Vuolfgangi Lazij Genealogia Austriaca.

F I N I S.

HH ij

INDEX CAPITVM

totius Operis.

DE titulis dignitatum laicarum apud Christianos.	fo. 4. a
De titulo Caesaris, & Imperatoris Augusti	4. b
De titulo regis	6. b
De titulis Ducis, Marchionis, & Comitis	7. b
De titulis Principis, & Domini	8. b
Tituli Philippi Regis	9. b
De regnis Hispaniarum	10. a
De regno vtriusq; Sicilia	13. b
De regno Hierusalem	17. a
De regno Hungarie	} - - - - 18. a
De regno Dalmatie	
De regno Croatia	
De regno Sardinie	19. b
De regno Corsicæ	21. a
De regno Maioricarum	22. a
De regno insularum Canariæ	24. a
De regno Orani	25. b
De regnis Insularum Indiarum, Terræ Firmæ, & Maris Oceani	26. b
De Archiducatu Austriæ	37. b
De Ducatu Burgundie	38. b
De Ducatu Mediolanensi	40. a
De Ducatu Lotharingie	43. b

De Ducatu Brabantie	46. a
De Ducatu Lemburgi	48. a
De Ducatu Luxemburgensi	49. a
De Ducatu Geldrie	50. b
De Ducatu Athenarum	54. b
De Ducatu Neopatrie	57. b
De Marchionatu sacri Romani Imperij	58. a
De Marchionatibus Orislani, & Gotiani	59. a
De Comitatu Barcinonensi	59. b
De Comitatibus Ruscimonis, & Cerretanie	61. a
De Comitatu Flandrie	62. b
De Comitatu Artesie	65. a
De Comitatu Hannonie	66. b
De Comitatu Hollandie	67. b
De Comitatu Selandie	69. a
De Comitatu Namurcensi	70. b
De Comitatu Zutpheni	72. b
De Comitatu Burgundie	73. a
De Comitatibus Habsburgi, & Tyrolis	74. a
De Dominatu Cantabrie	75. a
De Dominatu Molina	76. a
De Dominatu Frisie	76. b
De Dominatu Mechlinie	78. a
De Dominatu Ultraiecti	79. a
De Dominatu Transisalana	81. a
De Dominatu Gruninge	82. a

<i>Asturum, & Legionis reges</i>	85. b
<i>Castelle, & Legionis reges</i>	86. b
<i>Arragonie, & Nauarra reges simul</i>	88. b
<i>Arragonie reges tantum</i>	89. a
<i>Nauarra reges tantum</i>	90. a
<i>Apulie Comites, et Apulie, Calabrieq; Duces</i>	92. a
<i>Sicilie Comites</i>	93. a
<i>Utriusq; Sicilie reges</i>	94. a
<i>Reges Neapolitani, vel Sicilie cis Pharum</i>	95. a
<i>Reges Sicilie Ultra Pharum</i>	96. a
<i>Hierosolymitani reges</i>	97. b
<i>Burgundie Duces illi, qui ex regio Francorum</i>	
<i>sanguine fuerunt</i>	101. a
<i>Vicecomites, qui se Mediolani pro principibus</i>	
<i>tulere</i>	101. b
<i>Duces Mediolani</i>	104. a
<i>Brabantie primi Duces</i>	105. b
<i>Brabantie secundi Duces</i>	106. b
<i>Familie Lucemburgicæ Genealogia</i>	108. a
<i>Geldrie Præfecti</i>	110. a
<i>Geldrie Comites</i>	110. b
<i>Geldrie Duces</i>	110. b
<i>Comites Barcinonenses</i>	112. b
<i>Flandrie Comites</i>	114. a
<i>Artesie Comites</i>	115. b
<i>Hollandie Comites</i>	117. a

FINIS.

ERRATA CORRIGENDA.

fo. 5. a. versu 22.

quadrigentesimo

quadringentesimo

fo. 28. b. ver. 15. passum

passuum

fo. 58. a. ver. 12. ob

ab

fo. 63. a. ver. 11. Christianos

Christianorum

fo. 79. a. ver. 1. illustrima

illustrissima

fo. 114. a. ver. 17.

Montensis Pij,

Montensis, Pij

REGISTRVM.

A B C D E F G H I K L M N O P

Q R S T V X Y Z


AA BB CC DD EE FF GG HH


Omnes sunt duerni.


B O N O N I Æ,


Apud Peregrinum Bonardum:


M. D. LXXIII.











005646984

